



62723/3

R. R.
m
26

The Library of the
Wellcome Institute for
the History of Medicine

MEDICAL SOCIETY
OF LONDON

Accession Number

Press Mark

LANZONI, G.

pcb

Digitized by the Internet Archive
in 2019 with funding from
Wellcome Library

<https://archive.org/details/b30540070>

S6

JOSEPHI LANZONI

FERRARIENSIS,

Philosophi, ac Medici, & S.R.I. Academicæ
Naturæ Curiosorum Collegæ, &c.

ADVERSARIORUM *LIBRI QUATUOR.*

ACCEDUNT

EFJUSDEM VIGINTI BREVES

CONSULTATIONES M E D I C Æ.



FERRARIÆ, M.DCCXIV.

Apud Hæredes Bernardini Pomatelli Impr. Episc.
SUPERIORUM PERMISSU.

SOCIETY OF LONDON MEDICAL

LECTIO VARIA DELECTAT.

L. An. Seneca ad Lucilium Epist. 45.

HIERONYMI BARUFFALDI

PH: DOCT. FERRARIENSIS

IN LIBROS

ADVERSARIORUM

JOSEPHI LANZONI M. D.

P R Æ F A T I O .



*U*periori proximo anno ,
cùm Dissertationi meæ
de PRÆFICIS ,
tunc excudendæ , aliquid
prò mantissa superadde-
re statuissem , illudquè
nusquàm promptiùs sperarem , quàm
penès quempiam Bonarum Litterarum
Cultorem adinvenire , diù mente scruta-
tus sum quotquot ex meis clarissimis
Coniuvibus animum ad amèniora stu-

✠ 2

dia

dia quandoque converterent , illudquè ,
quod ipse quæsieram præstarent . Et sa-
nè , licèt non pauci adeò hujus indagi-
nis sectatores hic feliciter degant (sem-
per enim bonarum Artium , optimorum-
que studiorum ratio Ferrariæ viguit)
attamen quamplures adeò religiosè ,
quin immò scrupulosè suimet Instituti no-
men custodientes nactus sum , ut licèt de
Poeticis , de Oratoriis , deque Histori-
cis , Philologicisque Libris intrinsecus
benè sentiant ; nihilominus populi im-
periti contumeliam veriti , vel sumptu
nimio perterriti , tùm ab optimorum Li-
brorum acquisitione , tùm ab Erudito-
rum hominum consortio abstinent , Lit-
terati Viri nomen sibi dedecori tribuen-
tes , occupationemque pessimam hujus-
modi studia nuncupantes . Verùm rem
propiùs conspiciens , nonnullos imperter-
riti Animi , bonæque frugis Viros , in-
ge-

genio , & rerum usu præstantes , mihi
jam indè ab adolescentia notos adivi ,
qui inertis Populi inscitiam deridentes ,
pretiosiora Scriptorum cujuscumquè gene-
ris Volumina coacervare sunt ausi , illa,
nocturnà , & diurnà manu versare ,
& ex illis , ceu Apes è floribus , ra-
riora documenta deliberare , electa ver-
ba , graviores sententias , mores , ri-
tus , atquè alia è remotioribus antiqui-
tatis latebris eruere , atquè animum
non minùs , quàm pagellas erudire , nec
senectuti ærumnosè , & querebunde id
tantùm seponere , sed dùm virens , ac
operosa mens fervet , è penu depromere
conati sunt . Atquè hinc in dies , cujus-
cumquè generis Dissertationes , Diatri-
bas , Exercitationes , Animadversiones-
què prælo committere . Quos intèr haud
sane falli queam , si Clariss. nostrum
JOSEPHUM LANZONUM tot

evulgatis Voluminibus celeberrimum
enumerare decernam . Cùm enim Bi-
bliothecam rarioribus Libris instructam
Amicis (& mihi sanè , qui prima us-
què ab ætate ejus contubernio , maximo
studiorum meorum proventu , adscriptus
sum) uberrimè , & magnanimiter ,
in dies recludat , ea omnia , quæ ad
cujuscumquè studii naturam maximè
convenient haud difficile exaurire da-
tum est . Ità mihi sanè accidit : cùm
enim penè infinita ex optimis scriptori-
bus adnotata in Opistographis , seu
Adversariis suis repererim , non diù
laborandum duxi , ad unicum illud ca-
put secernendum , ubi de Luctu mor-
tuali veterum , multiplici Auctorum
celebriorum testimonio , sermo habe-
batur : illudquè in calce Dissertationis
meæ adnectere citò decrevi tamquàm
operi valdè concinnum . Verùm tanta
erat

erat aliarum rerum messis , ut insuper
alias quam plures pagellas capitibus
distinctas mecum transtuli . Quæ tunc
pro usu meo fuerant carpsi , quæ verò
ad rem nihil facere judicavi , reposui ,
donec collectorem suum adiens : Heùs ,
inqui ; annè te pudet , Amice , talia ,
ac tanta eruditionis monumenta colle-
gisse , ut ea barbarè vel viva sepelias ?
Heù nimium , quot clarissimorum Vi-
rorum marcescunt jàm tineis corrosa
scripta ! Unicè tui celeberrimi Ma-
gnanini subeat memoria , quot deper-
dita , quot oblitterata , quot consum-
pta monumenta tanti Viri desiderantur ,
quæ si palàm prodita fuissent , certè opti-
mè de illo mererentur . Eia igitur , vi-
ve , atquè ità , ut quidquid indè sub-
trahere potes , in communem utilitatem
conferas ; necessarium est enim (Ma-
nardi nostri undequaquè eximii totiès a

te repetitam sententiam tibi met exprobro)
necessarium est enim Libros non solum cudere, sed etiam in lucem edere, cum paria sint nihil scribere, vel quæ scripseris domi premere, (*Manard. ep. 1. l. 1.*). Precibus obstrictus Amicus indulgit: hoc unum tantum subdens, ut facultatis Medicæ, quam ipse optimè callet, nonnullas breves Consultationes unà cum Adversariis consuerem, nè a Medicina, quam ennixè, & unicè, tanta laude, proficitur, abdicatus censeretur. Itaque rem consultò perpendens, **ADVERSARIA** in lucem edere paravi, ac simul Consultationes Medicas, prout diversis in curationibus natæ erant: omnia vel variis celebratisquè hujus sæculi Viris, vel Auctoris Amicis inscripta, quorum grati animi obsequium ergà Auctorem, non modò tantum, nec unicè,
sed

sed jam , & diù experiri datum est .

*Atque ità Auctori rem tali metho-
do distributam arridere duxi , contradi-
centium enim linguas retundere conatus
sum adeò ut , qui Medicæ disciplinæ seu
Arti unicè inserviunt , qui unicè Philo-
logiæ , quique demùm unà simul ambo-
bus facultatibus oblectantur , palatum
exsatiandi quoquomodo opportunitatem
habeant : Ciborum varietates vel in
mensa jucundissimè recipiuntur , ità &
ab ingeniis non semper in uno voto mo-
randum est . Quæ igitur hic adnotata ,
humanissime Lector , intueris , læto ani-
mo suscipias velim , & licèt verissimum
sit , debere nos partus eos , quos gigni-
mus , optare nasci quàm perfectissimos ,
attamen non semper vires æquant id
quod desiderio concipimus , & humana
imbecillitas nimium à perfectione distat ,
cùm solus Deus perfectissimus in cunctis*

ope-

operibus emineat . Quare si nonnulla in
hac ipsa editione menda irrepserint , hoc
velim caveas , nè inscitiae tribuas , mul-
ti enim sunt qui , vel invitis Patribus ,
Filii a paternis semitis sepè sepiùs decli-
nant . Si hæc libenti animo accipies ,
quo nil mihi carius , jucundiusque acci-
dere poterit , imposterùm quoque in eo
judicio ut perseveres vehementerhorta-
bor . Vale .

I N D E X

Librorum, & Capitulorum.

LIBER PRIMUS.

CAP. I.	De Barba .	Pag.	1
CAP. II.	De Cincinnis &c.		6
CAP. III.	De Ocularibus .		10
CAP. IV.	De Jejunio Veterum .		15
CAP. V.	De ridiculis Amoribus .		18
CAP. VI.	De his, qui semel in die cibum sumunt .		21
CAP. VII.	De Rabulis forensibus .		24
CAP. VIII.	De Sobrietate, & Gulla .		28
CAP. IX.	De Serapide .		32
CAP. X.	De Carne Suilla .		36

LIBER SECUNDUS.

CAP. I.	De Mensibus .	Pag.	41
CAP. II.	De Poculis antiquorum .		49
CAP. III.	De Albo, & Nigro .		52
	CAP.		

CAP. IV.	De termino convivii, & mensis cedrinis.	60
CAP. V.	De Tragœdia.	64
CAP. VI.	De Genio, & Laribus.	75
CAP. VII.	De Strenis.	79
CAP. VIII.	De Lucernis ad Fenestras.	81
CAP. IX.	De Fibulis.	84
CAP. X.	De Analectis, & Liçto- ribus.	88

LIBER TERTIUS.

CAP. I.	De Juramentis.	Pag. 90
CAP. II.	De Tabaco.	98
CAP. III.	De Esu Locustarum	104
CAP. IV.	De Horis.	107
CAP. V.	De Lacte in Viris.	112
CAP. VI.	De Vinculis diversis.	114
CAP. VII.	De Militum pœnis.	116
CAP. VIII.	De tondendi ritu apud veteres.	119
CAP. IX.	De Nudipedalibus, & Furca.	121
CAP. X.	De Ufu Salis.	123

LIBER QUARTUS.

CAP. I.	De Academiis.	Pag. 127
CAP. II.	De Pudicitia	131
CAP. III.	De Verbena.	134
CAP. IV.	De Diebus.	137
CAP. V.	De Cameleonte.	140
CAP. VI.	De Consecratione Imperatoris.	143
CAP. VII.	De Naturæ Portentis.	145
CAP. VIII.	De Inventoribus Rerum.	146
CAP. IX.	De iisdem.	150
CAP. X.	De Rosa.	153

INDEX

CONSULTATIONUM.

I.	De Apoplexia.	Pag. 163
II.	De Paralyfi.	166
III.	De Vertigine.	170
IV.	De Cephalagia.	175
V.	De Tussi contumaci.	180
VI.	De Astmate.	185
VII.	De Melancolia hypochondr.	190
VIII.	De Sputo sanguinis.	195
IX.	De Pleuritide.	199
X.	De Cordis Palpitatione.	204
XI.	De Mania.	208
XII.	De Nausea, & Vomitu.	213
XIII.	De Cardialgia.	216
XIV.	De Syngultu.	220
XV.	De Lienis Obstructione.	224
XVI.	De Diarrhœa.	227
XVII.	De Dyssenteria.	231
XVIII.	De Dolore Iliaco.	237
XIX.	De Febre Maligna.	241
XX.	De Febre Hectica.	246

Die

Die 10. Januarij 1714.

D. Marchio Antonius Trottus Revisor Librorum S. Officij Videat, & referat.

Fr. Jo: Baptista Giampè Inq. &c.

Die 24. Januarij 1714.

Non finè maximo animi oblectamento, Librum inscriptum: *Adversariorum &c.* à clarissimo Viro Josepho Lanzono Philosopho, & Medico Ferrariensi eruditè, & doctè exaratum, de mandato Reverendissimi Patris Inquisitoris S. Officij Ferrariæ diligenter perlegi; nihilq; in eo offendi, cui Catholica Religio, morumque probitas adversetur: immò, ex tanta rerum varietate, tum Medicinæ, tum Philosophiæ quàm plurima arcana illustrari, ac resurgere animadverti, quæ vel prius abscondita, vel non in unum collecta servabantur. In Medicæ igitur simul, ac eruditæ litterariæ Reipublicæ usum, ac utilitatem Opus hoc dignissimum censeo, ut in lucem prodeat.

Ego Antonius Trottus Revisor.

Die 5. Februarij 1714.

Attenta superscripta Attestatione.

IMPRIMATUR.

Fr. Thomas Maria Arnaldi, Ordinis Prædicatorum, Vicarius S. Officij Ferrariæ.

Hac

Hac die 5. Februarij 1714.

*Adm. R. P. Hortensius Palearolus Soc. Jesu Theologus
videat, & referat.*

Matthæus Celli Vic. Gen. &c.

De Mandato Eminentissimi, & Reverendissimi Cardinalis de Verme Episcopi Ferrariensis, attentè legi Librum, cui Titulus: *Adversariorum Libri Quatuor, cum Viginti Consultationibus Medicis, Auctore Iosepho Lanzono Philosopho, ac Medico Ferrariense, & S.R.L. Academiæ Naturæ Curiosorum Collega*, & dignum laude, ac typis mandandum judico, in communem legentium utilitatem, ac delectationem, quam ex doctrina, & rerum varietate haurient Lectores; ideòque, cum nihil invenerim contrà Fidem, & Bonos Mores, aut in Populo inductivum rixarum, judico typis imprimendum, si tamèn videbitur Superioribus.

Ego P. Hortensius Palearolus Soc. Jesu affirmo.

Hac die 10. Februarij 1714.

Attenta supradicta Relatione.

IMPRIMATUR.

Matthæus Celli Vicarius Generalis Episcopalis.

I
ADVERSARIORUM
JOSEPHI LANZONI
LIBER PRIMUS.

AD ILLUSTRISSIMUM
D. ANTONIUM
VALLISNERIUM

Primarium Theoricæ Medicinæ Professore
in Patavina Universitate, &c.

CAPUT I.

De Barba.



Arbæ dignitas primò à sacris literis deducitur, sic in Levitico cap. 19. habetur *nec radetis barbam* : tondere autem non erat vetitum Judeis, sed radere : voluit enim Deus, suggerente Corn. à Lapide, in populo suo barbam, quasi esset virilitas.

A

tis

tis insigne , barba enim Virum significat ; unde fallitur Mart Polonus in Chronico , qui Pontificem Anicetum barbam æquè , ac comam Clericis vetuisse scribit , in decretis enim Aniceti nulla barbæ fit mentio ; hinc illa sanctio Concil. Cartag. can. 44. ait , *Clericus neque comam nutriat , neque barbam radat ;* & Sidonius Apollin. lib. 4. Epist. 24. quendam Sacerdotem celebrando ait , *habitus verò , gradus , pudor , color , sermo religiosus , tùm coma brevis , barba prolixa , &c.* S. Hylarius sup. psalm. 133. scripsit , *Barba virilis ætatis ornatus est.* Auctores autem Græci , & Romani barbam semper in magno pretio habuere , unde Æsculapium Medicorum Patronum maxime barbatus pinxerunt ; Diogenes viro imberbi & molli , à quo de quæstione aliqua consulebatur , respondit : *nihil tibi ad propositam quæstionem respondebo , nisi primum vestem deponas , & ostendas , num vir sis , vel mulier ;* Lucianus , tàm turpe esse ornatum barbæ viris auferre , ait , quàm si leoni iubas attondere aggrediatur ; Quanto porò cultu veteres Romani barbam prosecu-

secuti sint , vel inde liquet , quod ll. xrr. tabul. cautum sit , ne mulieres novacula mentum raderent , scilicèt vetiti , ne barba viris propria in genis sequioris sexus vilesceret ; Jovem quoque Deorum Principem , teste Plinio , honoris causa non nisi barbatus finxerunt ; sic alicui barbam vellere summa putabatur injuria , unde Horatius Satir. 3. lib. 1. canit

..... vellunt tibi barbam

Lasivi pueri

Ovidius de honore barbæ sic cecinit in Metamor. lib. 3.

..... ovibus sua lana decori est ,

Barba viros , birteq; decent in corpore ferè .
ob honorem barbam tangebant antiqui ,
eodemque modò supplicabant , sic Nonnius Dyonyfiac. 6.

Sinistra quidem manu genua tetigit , & orans

Dextra tetigit bene crinitam barbam .

Quin Andromache , apud Euripidem , Peleos pedibus advoluta , oro te , inquit illa ,
*ante tua cadens genua nam manu non licèt
mibi tuam præbendere honorabilem barbam ,
libera me per Deos , &c.*

Otho Augustus, referente Balthas. Bonifacio in hist. ludic. lib. 12., barbam ipse suam venerabatur, & per eam juramenta concipiebat; & apud Homerum, barbatos legimus fuisse Priamum, Agamemnonem, Menelaum, Nestorem, Ulyssen, Achillem, Ectorem, & alios Principes; Hinc Musarum Decus Anacreon amabat, barbam prætioso unguento habere imbutam, cecinit enim

Sed curo delibutam

Unguento habere barbam.
qualis fuit illa Aaronis suæ consecrationis tempore, scribitur enim in Psalm. 132. *sicut unguentum in capite, quod descendit in barbam, barbam Aaron.*

Tantaquæ barbæ estimatio erat apud veteres Græcos, referente Junio apud Laurentium in Polymat. lib. 5., ut piaculum esset, legeque cautum barbam radere, & apud Romanos, si Svetonio credimus, barbam, & crines vovebant Phæbo, undè Lipsius ait, Deo sacram fuisse barbam, & Virginum, & Puerorum comam; notandum verò, Spartanos in superiori labro non aluif.

aluisse barbam, quemadmodum docet Casaubon: ad Atheneum lib. 4. Sapientiae ac perfectionis nostrae signum esse barbam ait Hesychius, unde Christus Dominus noster barbam assidue gestasse fertur, hinc Ludolphus de Saxonia Jesum ita depinxit. *Nasi prorsus, & oris nulla fuit reprebensio, barbam habens copiosam, & impubem, capillis concolorem, non longam, sed in mento bifurcatam*; Sic Nicephorus, Salvatorem nostrum barbam aluisse, & quidem ad colorem nucis castaneae similem scribit; Cum ergo gestare barbam apud Hæbreos, Græcos, & Romanos fuisset summi decoris, ita familiare erat Græcis, ac Latinis, ut quibus illudere volebant, barbam illis vel-
lerent, undè Poeta

stolidam prebet tibi vellere barbam

Petulans nonaria

Ita per contumeliam, Judæos Barbam vellebant Christo Domino in actu suæ Sanctissimæ Passionis, ut monet Masinus in Vita Christi Redemptoris nostri cap. 23.

Apud Græcos usitata fuit olim pœna stupri, barbas publicè hujus flagitii convictis

præcidi, atque ità illos, ut infames dimittere; Immò tanti faciunt Turcæ barbam, ut per ipsam jurent, tanquàm per rem sacram.

In Gallia, si Masino fides habenda, reperitur S. Petri Apostoli Barba, ex cujus tactu, multos infirmos saluti restitutos fuisse ait cit. Masinus.

De Sacerdotum barbis, vid. Pierius Valerianus.

C A P U T II.

De Cirris, sive Cincinnis.

Sicambri Populi ad Oceanum in Germania fuerunt, qui flavos habebant capillos, quos, ubi satis crevere, quodam artificio in nodum complicabant, undè Martialis canit

Crinibus in nodum tortis venere Sicambri.

super quem locum Domitius ait, has gentes colorare crines, ac calamistrare Romanos impulerunt, oblectatos capillorum pulcritudine, quæ Sicambri erat nativa.

De Galeatio II. Vicecomite narrat Jovius, comam habente aurej coloris, quàm ille complicabat in tricas, & nonnunquam diffluentibus cincinnis per humeros expansam gerebat. Verùm cirros propriè ad ornatum fœminarum spectasse colligitur ab Autoribus tùm Græcis, tùm Romanis. Æschylus habet

Cincinnus est comæ velut virgini.

Genæ enim, & oculi eminent in corpore, & à cincinnis umbrati vetustiores elucent, sic Tuccius supèr Cantic. scribit: *Oculi tui Columbæ intrà cincinnos tuos; genæ tuæ sicut frustum mali punici, intrà cincinnos tuos.* Apud sacràs paginas Juditta lugubrem vestem in lacteam, fulgentemque mutavit, capillumque composuit, & colligavit cincinnos suos mitra, ut compta, & ornata formosior appareret, atque Holofernem amore inflammaret, cincinni enim magni ornatus sunt pulchritudini Fœminarum, & rapiunt oculos intuentium, undè à Poëtis comparantur fulguri, & dicuntur fulgurare; sic Virgilius crinem flagrantem nuncupat; mulieres autem decorem suum po-

nunt in ornandis capillis, polliendis, & fucandis, undè Catullus cecinit
Splendidas quatiunt comas,
 & calamistro componunt; sic Virgilius in *Æneid.* ait
Vibrati calido crines ferro.
 Pectunt, & acu discriminati discernunt, ut pulcherrimi appareant, ut patet in Sponsis, quarum elegantia in polito crine, & bellè discriminato consistit; hinc Festus, Crines inquit à discrétione dicti sunt; Cyprio, ac odorato pulvere inspergunt Cinnos ad maiorem elegantiam, atque unguentis odoratissimis perungunt, quem usum antiquum fuisse ostendunt Poetæ; sic Horatius 3. carm.

Sparsum odoratis humerum capillis.

Ovidius in Epist. 21

Non arabo noster rore capillus olet.

Tibullus lib. 3.

Spirabat tyrio mirrbea rore coma.

& Silius lib. 1.

Crinem perfundit amomo.

Dixi superius in Sponsis capillorum elegantiam, atque cirros præstare, comam enim solu-

solutam , & liberam virginibus olim convenisse legitur apud Car: Pascal. de Coron. lib. 2. , coma enim coacta , & coronata erat argumentum instantis lætitiæ conjugalis ; undè Claudianus cecinit

Iniecta voluit tandem frenare corona.

idest à virginitate cupit transire ad vota conjugalia ; Sponsæ quippe pulchriores apparent , dùm cincinnos in fronte gerunt , sic canit Chiabrera

Del mio Sol son ricciutelli

I capelli ,

Non biondetti , ma brunetti .

Ad eformandos autem cirros utebantur foeminae , ut etiam hodiè utuntur , calamistro , quod calefactum in ignito cinere capillos ornat , si fides sit danda Grammaticis , undè Cicero in orat. post reditum ait , *Frons calamistri notata vestigiis .* Cincinnos verò apud Veteres dicebantur illi , quibus officium calamistrorum erat , idest veruum in cinere calefaciendorum , quibus Matronæ capillos crispabant , notante Dempstero ad Rosinum lib. 5. , cujus rei ,
& Vir-

& Virgilius meminit, canendo

Fedare in pulvere crines.

Vibratos calido ferro

dicti autem sunt Ciniflones, ab eò, quod in cinerem flant ad ferrum calefaciendum, sicuti cinafms dicitur Acus, quà mulieres caput exornant; Quod viris fuit valdè probrosum apud Martialem: Clariùs verò S. Ambrosius ait: *Mulieribus ornamento est coma, dedecori est viris.* Denique Apostolus Paulus evidentiùs hoc expressit, dicens Epist. ad Corint. cap. 11. *nec ipsa natura docet vos, quod vir quidem, si comam nutriat ignominia est illi: Mulier verò si comam nutriat, gloria est illi, quoniam capilli prò velamine ei dati sunt;* quem Pauli locum D. Jo. Chrysostomus diligenter expendit; Et hic est notandum, P. Martinum de Roa lib. 3. singular. cap. 15. vocare cincinnos in hominum fronte, veluti titulos meretricum, aut venalitionum, qui prostitutum, & venalem ad libidinem significant; Discant ergo, ac caveant nostris hisce temporibus Viri, qui propria deposita coma, caliendro, hoc est ficto capilla-

lamento multis cincinnis condecorato cyprio insperfo pulvere utuntur, sic peiùs quàm fœminæ compti aparent, & virili gravitate seposita, cinædorum faciem effingunt, ac post sexagesimum ætatis annum, adolescentiæ vultum affectant: Sint Mulierum ornatus Cincinni, sint Puellorum, ac Puellarum Cirri; Virorum autem ornamentum sit Prudentia, sit Virtus; ne fortassis masculorum exemplo, Fœminæ majora semper in dies quærant pulchritudinis lænocinia, quomodò enim mares muliebri licentiæ, ac lascivæ libertati finem imponent, si, & ipsi crispato crine ornantur, fictam, atque lascivam comam, emptam pretio deportant, ac pulvere odorato insperfo, vel potiùs fœdato capitis capillamento, ad cincinnos, & cirros quotidie mulieres invitant? hæc verò de cincinnis sint satis.

CAPUT III.

An veteres ocularia habuerint?

Magnus ille Philosophus Franciscus Redi putavit, antiquos Hebræos, Grecos, Latinos, ac Arabes ocularibus caruisse, quia apud eos nulla de eis fit mentio; & licet aliqui conentur ostendere, autoritate Plauti, ocularia tempore hujus Poetæ in usu fuisse, ex eo quod in duobus locis de his mentionem faciat; loci autem sunt isti

dum redeo Domum

*Conspicillo consecutus est clanculum me, usq;
ad fores.*

Et

Vitrum cedo, necesse est conspicillo uti. sicque, cum per vocem *conspicilli* Rob. Stephanus in Thesaur. ling. latin. intelligat instrumentum, quod adhibetur oculis, ut res majores videantur, hinc est, dicunt illi, quod ocularia antiquitus in usu fuissent; sicq; esse aliquos, ait Cel. Rhodiginus
antiq;

antiqui; lect: lib. 15 cap. 13. , qui conspici-
la veterum referunt in ea instrumenta ,
quæ inserta naribus visum mirè adiuvant;
Quos Varro facile retundit apud , quem
ita legimus . *Hinc quò oculos jungimus , qui-
bus specimus , specillum .* Sunt qui conspici-
lorum artifices specularios rectè dici opi-
nantur , ac qui fenestris specularia preten-
dunt frigoris defendendi causa , de quibus
meminit Jurisconsultus Ulpianus ; Sicque
ego quoque cum Redio , ac Mercuriali ocu-
laria novæ esse inventionis assero , nam si
tale instrumentum antiquis innotuisset ,
Medici in curandis visus debilitatibus de
tanto remedio mentionem fecissent ; est &
Nonnij testimonium , qui conspiciillum ap-
pellatum docet locum , undè aliquid clancu-
lum conspici posset , quem fieri consuevis-
se ait vitro obductum , per quod videre , &
non videri liceret , ut nunc in fenestris fre-
quenter fit , atque in hunc modum intel-
ligendus est Plautus in locis suprà exposi-
tis ; clarè enim , ac breviter hanc litteram
dirimit Jos. Laurentius in Amalthea onom.
dicendo , Conspiciillum , sive Conspicillum
duo

duo posse significare , nempè locum , undè clam conspici potest , ut vulgò *balestriera*, *Veletta*; & ocularia hodiè *occbiali*: non potest tamèn negari , ocularia antiqua esse ; Reditus enim circa annum Redemptionis nostræ 1300. inventa fuisse ait , ut patet ex Chronica Conventus Fratris Bartholomæi à S. Concordio Concionatoris, in qua sic legitur . *Fr. Alexander de Spina vir modestus ; & bonus , quæcumque vidit facta sciivit & facere ; ocularia ab aliquo primo facta , & communicare nolente ; ipse fecit , & communicavit , &c.* Immò in quodam manuscripto Anni 1299 ait citat. Reditus , mentionem fieri de ocularibus , ut videre est in sua erudita Epistola circa inventionem eorum , Florentiæ typis data anno 1690.

Gordonius , & Guido Cauliacus autores nostræ Medicinæ antiqui , ubi tractant de Visus debilitate mentionem fecere de conspicillis , seù ocularibus , de quibus nunc sermo habetur ; ex quò aparet , horum inventionem fuisse Anno 1305 De his plura apud Franciscum Reditum , & Mercurialem.

CAPUT IV.

De Jejunio veterum Romanorum, &c.

EX Svetonio in Aug. cap. 76. habentur hæc verba : *ne Judæus quidem , tam diligenter Sabbatis jejunium servat ;* certum autem est Judæos jejunium habuisse , ut colligitur ex sacris paginis . Romanos quoque aliquando jejunaſſe puto , nam Suidas refert Severum Imperatorem , quolibet mense die integro nil cibi admisse , an verò hoc ob religionem esset , an ob valetudinem , nescio ; Livius in hist. ait , Decemviros renuntiavisse jejunium instituendum Cereri , & id quinto quoque anno servandum ; Undè Oracula consulturos ait Laurentius in Polymat. lib. 2. Romanos jejunia indixisse , ut habetur ex Tertulliano de anima , & de Jejuniis.

Hinc Thesmophoria festa apud Athenienses , teste Plutarco , illa erant , in quibus Mulieres à cibis abstinebant , humique jacebant ; de quibus meminit Plautus sub

nomine feriarum esurialium; Sacerdotibus etiàm responsum daturis, aut accepturis die jejunandum fuisse, & triduo à vino abstinendum ait Jos Laurentius cit. loco. Horatius innuit fuisse quædam Jejunia instituta ob honorem Jovis; & apud eundem Poetam Mater prò salute filii quartana laborantis præcatur Jovem his carminibus

Frigida si puerum quartana reliquerit, illo

Nempè die, quò tu indicis jejunia, nudus

In tiberi stabit

Numam Pompilium, ferunt Historiæ, cum prò frugibus vota faceret, ab usu carniū, & veneris abstinuisse, ad cujusdam Jejunii morem.

Apuleius lib. 2. tradit, illos, qui volebant sacris Isidis, & Cybelis initiari, spatio 10. dierum jejunavisse, quà abstinentia peracta phasianis, ac delicatis carnibus vescabantur; Nestea celebritas apud Græcos illa erat, teste Æliano in Var. hist. in qua jejunium servabatur; Gymnosophistæ jejunium servantes solum oriza, & farinaalebantur; Ægyptij Sacerdotes carnibus, & vino abstinebant, asserente Laurentio sicuti fecif.

fecisse etiàm fertur Indorum Magos ad Solis Sacerdotium evectos . In Creta ex Euripide apud Maiolum , Jovis Vates non modò carnes , sed etiàm cibos coctos non edebant . Lacedemones uno die se , & Servos , & Animalia jejunare decrevere & mulieres , dùm sacra Cereris celebrarentur , jejunium , quod Castum Cereris vocabatur , humi sedentes agebant , in quo pane vesci nefas erat . Misorum quidam religionis causa , à carnibus abstinebant , lacte , melle , caseo contenti , ut notat Strabo lib. 7. Mense Romadàm toto , in quò Alcoranum cèlitùs datum nugatur Mahometus , imperatur jejunium omnibus Turcis , præter infirmos , & viatores ; sic die tota jejunant , nocte verò comedunt , & bibunt ; Ægroti autem suum jejunium eleemosynis persolvunt . Cùm antiquitàs Tarentini à Romanis obsiderentur , periculumque esset , ne fame ad deditionem compellerentur ; Rhegini decimo semper die jejunium decernentes , victum concesserunt Tarentinis ; Proinde cùm decedentibus Romanis , liberarentur , calamitatis

memores Tarentini , fēstū constituere , quod *Jejunium* appellabant.

De Leonardo Pistoriensi , refert Cardanus de subtil. , qui sensim eo se traduxit , ut semper jejunaret , ac semel tantū in hebdomada cibum assumeret.

C A P U T V.

De ridiculis , & absurdis Amoribus.

X Ersem summopere vituperat Georg. Pictorius in lib. 4. suę Philologię , eo quod Platani amore graviter capiebatur ; & de quodam adolescente Atheniensi refert , qui Statuam Fortunę ad Pritaneum stantem deperibat , & sæpè in complexus ejus se insinuans , æstroque percitus propter cupiditatem in Senatum venit enixè rogans , ut sibi eam liceret emere ; at cum nihil efficeret renuente Senatu , Imagine priùs coronata , atque oblato sacrificio , profusis lacrymis , mortem sibi ipsi conscivit . De Adolescentula annor. 17. ob nimium amorem maniaca , memini ego in Miscel. A.

N. C.

N. C. Decur. 2. an. 10., obser. 126. æditionis Norimbergen. pag. 219. Periander, juxtà Herodotum, tantùm in amore insanivit, ut cum Melissa Meretrice mortua jacuerit; Semiramidem, teste Cælio Rodig. ob amorem Tauri redactam ad furorem fuisse ajunt; Et Volaterranus, narrat Cratem pastorem amavisse Capram; Plutarcus de Aristone Efesio scribit, qui Asinam amore prosequabatur, & Fulvj Romani meminit, qui amatorio furore percitus filium ab Equa habuit, quàm vocavit Hipponam; De Galeatio quodam Mantuano, ait Matth. Palma in Anat. Amor., qui tanto amore correptus est ergà Adolescentulam, ut cum ista per jocum ei dixerit *vade ad Flumen, ò stulte*. Ille hoc audito statim se misere in Ticinum flumen projecit; Hercules ob amorem Omphalis Reginæ Lidiorum ità insanivit, ut Clava in Colum mutata neret; undè Propertius cecinit

Idem ego sidonia feci servilia palla

Officia, & lyda pensa diurna colo

Mollis, & birsutum cepit mihi fascia pectus,

Et manibus duris apta puella fui.

Ridicula sanè fuit amoris infania illa Saphi , referente Ang. Politiano in Eleg. , quæ proptèr amorem Phaonis à promontorio Leucadio se præcipitem dedit , undè cecinit citatus Poeta

Mascula quæq; suos cantat moritura calores

Levadij Sapho crimen , honorque freti.

Clarissimus noster Poeta Ariostus Musarum decus , & Ferrarien. Poetarum Princeps , Bradamantem velut insanam ob amorem Rogerii , describit his verbis

„ *Così dicendo di morir disposta*

„ *Salta dal letto di rabbia infiammata ,*

„ *Si pon la Spada alla sinistra costa , &c.*

Multi deniquè amentes evasere ob amorem mulierum , sic Pitagoras insanivit prò amore Pirandri , & Lampridis ; Demetrius proptèr Lamiam , Aristippus per Laidem , Epicurus ob Leontiam , Sofocles proptèr Teoridem , Ovidius ob Corrinam , Tibullus proptèr Deliam , Dantes prò Beatrice , Petrarca prò Laura , & Orpheus prò Euridice ; Immò ad talem insaniam pervenit in amore Anasaretis Iphis , ut misere laqueuo

queo suspensus obierit ; Cleobolus in ætate 80. annorum, dùm per scalam ad amasiam à stulta, ac ridicula dilectione ductus, raptim transfret per fenestram, cecidit, ac miserabiliter periit, ut scribit Mat: Palma loc. citato.

C A P U T VI.

*De illis, qui semel in die cibum
capiunt, & quoties Veteres
in die manducarent.*

Multos ex antiquis, si Mercuriali fides sit habenda, semel tantùm in die cibis saturatos fuisse constat, hinc Apollonius antiquissimus Autor Græcus in mirab. histor. ait, eos qui in die semel tantùm cibis vescuntur, amarulentioribus esse moribus, quàm sunt illi, quibus &c., & Celsus de illis etiàm mentionem facit his verbis : *assuetis bis in die comedere, si semel solum cibis impleantur, alvum astringi*; & de istis quoque locutus fuit in lib. de Dieta Hippocrates; Ego verò puto sanitatis gratia alimen-

tum in plures vices dispartitum faciliùs concoqui , sicque laudare non possum eos, qui semel in die cibum capiunt ;

Marcus Anton. Muretus eos comendavit antiquos , qui quater in die comedebant ; Ego autem Græcos , ter in die comedisse credo ; ut per jentaculum , Prandium , & Cœnam , de is enim tribus meminere scriptores ; Paritèr de Romanis dicendum ; Sic Galenus de tuen. Valet. , ait *satiùs est illis* , idest Senibus , *ter cibum sumere* ; atque illud fecisse Antiochum Medicum , ac Thelephum Grammaticum dicit . Quod verò de comessatione , & ientaculo à Latinis Scriptoribus memorię mandatum est , ait Mercurialis , pueros solos ipso usos fuisse , perinde , ac hodie ubique ferè gentium hoc usurpatum est , ut pueri summo mane semper aliquid cibi capiant ; quaproptèr in Curcullione Plautus facit Phedromum adolescentulum Veneri jentaculum vovere ; similiter in Truculento Phronesium Meretrix sic ait

non novisti obscuro ?

*Qui illic apud me erat , hujus pater pueri
ille est* *Usque*

Usque ad ientaculum . Fuffit ali .

Idem dixit Martialis in illo distico'

Surgite iam pueri , vendit ientacula Pistor

Cristateque sonant undique lucis aves .

Præter pueros , & senes , qui valetudinis gratia ientaculo utebantur , nullos usquam usos fuisse putat cit. Mercurialis , quod si aliqui erant , qui uterentur , protinùs tanquàm incontinentes notabantur ; Ità quoque de merenda dicit Nonnius , quod sit cibus post meridiem assumptus ; paritèr infamia notabantur illi , qui comeffationes , seù cibos post cœnam summebant , atque comeffatoris nomine indecoro vocabantur , ut non sit mirum , Clementem Alexandrinum in Pedag. Prandiola , Epulas , atq; merendas damnavisse ; Quemadmodum etiàm mirum videri non debet , si Aulus Vitellius Imperator epulas suas sæpè trifariam , interdum quadrifariam dispertiebat , idest in ientaculum , prandium , Cœnam , & comeffationem , ut videre est apud Suetonium . Sic apud Grammaticos *Jentare* dicitur prò cibum antè prandium gustare ; undè Afranius ait , *bæc jejunia ientavit* , &

Varro *Rempublicam administraret*, & quod *pulli ientent*; Notandum verò Festum scripsisse merendam esse prandium, quod scilicet medio die caperetur.

C A P U T VII.

De Rabulis Forensibus.

TAntus hodiè Rabularum est numerus, ut silentio eos præterire nefas esset, ubique enim sunt, & in quacumque via obviam veniunt, & quocumque loco, ac tempore ineptis vociferationibus nauseant, isti sunt qui verba vendunt clientulis, & sic dicuntur à Rabie, monente Stephano, vel à raucitate, ut is sit Rabula, qui in negotiis agendis acer est, & rabiosus, & juxtà Festum, qui multis intentus negotiis paratus est ad radendum, & auferendum; sic dicitur rabula à radendo aures, nam, ut à fando fabula, à nando nabula, à stando stabula, à pascendo pabula, ità à radendo rabula; nec alia ratione rabulas in foro dictos putat

tat cit. Stephanus , quàm quod radant ,
ideſt offendant aures , & ut ait Quintilia-
nus nimia verboſitate feriant ; Hinc Cal-
vin. in lex Jurid. ſcribit , de his loquen-
do , iſtos eſſe nugatores , qui intèr garrien-
dum , & velitandum , ſinum conſpuunt ,
linguam rotant , & dentes arietant . Tàm
importuni erant iſti tempore Fori romani
apud Gentiles , ut referente Poletto in hiſt.
Fori rom. lib. i. Judices deſcendentes de
tribunali retinerent in area , planoque ,
ut quod vellent , obitèr obtinerent . Iſti
in foro , tanquàm in foco laurus virens ,
crepitabant , alternis jurgiis convitiaban-
tur , rixabantur , & latrabant tenſo pe-
ctore , qui ſonitum verborum inanem nul-
la ſcientia crocitabant , de quibus cecinit
Poeta

Immenſa cavi ſpirant mendatia ſoles

Conſpuiturque ſinus

Quorum lingua , ait Poletus , eſt volubili-
tas inanis , ridenda , ac puerilis , conjun-
ctaque cum aliquot legum rubricis , can-
cellis circumſcribitur forenſibus .

Nævolum cauſidicum naſutè exagitat
Mar-

Martialis lib. i. hoc epigrammate

Dum clamant omnes loqueris tu Nevole semper,

Et te Patronum , causidicumque putas .

Hac ratione potest nemo non esse disertus ,

Ecce tacent omnes , Nevole dic aliquid .

Irridet enim in his versibus Poeta Nevolum imperitum Rabulam , qui , ut se Clientibus ostentaret , loquebatur tantum , dum cæteri clamarent , dumq; intelligi non posset quid diceret , & hac ratione placebat , ut testatur Ramir. de Prado , cumque cæteri tacerent , ipse nec verbum quidem proferebat , hac arte disertus quilibet esse posset , si tamèn hoc esset esse disertum ; Provocavit igitur eum Martialis , ut tacentibus cæteris dicat aliquid .

In convitiis ità sunt stolidi Rabulæ , & inconsiderati , ut eorum petulantiam sæpissimè luat Litigator , quid enim potuit cogitari audacius , inquit cit. Poletus , quid & Causidico , & Litigatori periculosius , quàm Græculum quendam non Advocato partis adversæ , quod ferendum esset , non Judici ignobili , & proletario , sed Claudio Cæsari in medio Fori palam omnibus

audientibus illudere infano hoc dictorio ,
& *tu Senex es , & Stultus* ; Tulit tamèn
Cæsar non æquo , sed fracto potius ani-
mo , parumque generoso , nescias fuerit
ne ? Græculus insolentior , an Cæsar sto-
lidior .

Hujusmodi Blaterones , quorum lingua,
tàm prodiga , volubilis , infrænisque est ,
ut fluat sempèr , & æstuet coluvione ver-
borum , egregie ab aliquibus principibus
utriusque linguæ viris taxantur ; Istorum
autèm Rabularum adeò miserabilem esse
professionem ait Franc. Poletus lib. 2 hist.
For. romani cap. 11. , ut cum pessimè au-
diant apud quosvis de latrociniis , & con-
cussionibus , ut tamèn domi esuriant , te-
nuemque adeò quæstum faciant , ut lon-
gè inferior sit patrimonio Mimorum , &
Histrionum , quod notatur satyricè à Ju-
venale Satyr. 7.

Veram deprendere messem

Si libet , binc centum patrimonia Causidicorli .
In quà tota Satyra Poeta irridet , & exa-
gitat Rabulas . Et tempore Decemvirorum
nullos fuisse Rabulas , ait cit. Poletus ;

C A-

C A P U T VIII.

De Sobrietate , & Gullæ vitio .

Sicuti Temperantia , ac Sobrietas , ad vitam conservandam , & prorogandam faciunt , ità intemperantia , ac Gullæ vitium , & luxuries vitæ annos abbreviant , ac salutem adversantur ; undè quia fuerunt nostri patres antiqui longè temperantiores , ac sint qui vivunt hodie , lacte enim , & melle , fructibus , & herbis contenti , luxus , & hodiernas delicias respicere , idè salubriùs , & diutiùs vixerunt.

In victu certè hodie maxima luxuria est , ità ut fercula ferculis , acetaria acetariis , fructus fructibus , cruda coctis , in prima , secunda , & tertia mensa aponantur ; Carnes , pisces recentes , ac salitos varii generis assos , & elixos , conchilia , aves , caseos , fungos , placentas , fructusque omnis generis uno , & eodem epulo usq; ad satietatem , & vomitum ingurgitantur , undè ex tanta ciborum copia , ac varietate in

te in ventriculo congesta pessimæ digestiones fiunt , undè morbi oriuntur , dicebat enim Seneca diversa cibaria inquinare , & non alere , & Plinius simplicem cibum homini utilissimum esse ait , contrà verò ingluviem , & intemperantiam perniciosissimam ; Hinc Persæ tanta moderatione , & sobrietate fuerunt usi , teste Xenophonte , ut modico nutrimento uterentur , quod idem de Arabibus scribit Jovius ; Quin à Solone , & Lycurgo sancitas fuisse leges in luxum , & intemperantiam dixit cum Valerio Maximo Quercetanus in Dietetico ; Prisci Romani aprimè fuere sobrii , nam ut ait Plinius ; *bortos babebant , & ex illis vivebant .*

Tandem verò ad talem intemperantiam pervenerunt , ut integra patrimonia unico prandio dissipaverint ; & videretur , eos non ut viverent natos esse , sed , ut comederent , ac potarent , & vomerent ; Sic de Apicio romano , scribit Seneca , eum Minturnam profectum esse , ut squillis vesceretur , Alexandriam , ut Astacis , Africam , squillarum causa , ubi cum nullas
repe-

reperisset provinciam execratus est; Cuilibet nota sunt sumptuosa Vitellii, ac Helio-
gabali convivia, confecta ex rariorum
piscium jecinoribus, murenarum lacte,
Phasianorum, ac Pavonum cerebellis, lu-
sciniarum linguis, atque id genus inaudi-
tis, ac inusitatis eduliis, quibus non sine
magno sumptu eorum mensę replebantur,
ut referunt Sveton., & Cęlius Rhodig.
lib. 28.

Etiām apud Gręcos luxuriosissimi Epu-
lones fuere; talis fuit Archestratus, de
quod Athenęus lib 2., qui non minori stu-
dio ubi singula edulia optima nascerentur,
in gastrologia sua exposuit, quām qui or-
bis descriptiones, & navigationes agre-
diuntur; Legitur apud Ciceronem, &
Plutarcum, magna ignominia, & dede-
core acceptum fuisse Mutonium Triunvi-
rum, qui nimium potus, dum munus
suum publicę obiret coram universo popu-
lo Romano crapulam turpissime evomuit.

De Timocreone Rhodio legitur Epita-
phium celebre, quod sic sonat

*Multa bibens, & multa vorans, mala mul-
taque dicens* *Ipsę*

Ipse viris , jaceo Timocreon Rhodius .

Cleomenes enormi intemperantia sua , ac fæda ebrietate usus variis obrutus est morbis immaturè senescens ; Dionysium juniorem Siciliæ Tyrannum nonaginta dies continuos ebrium fuisse , testatur Stephanus Niger de nim. Vitę luxu . Xenarchus Rhodius ob nimiam vini ingurgitationem Metretes cognominatus fuit . Svitrigalus Dux Lituanię , referente Ænea Sylvio , nunquam peregre proficiscebatur , quin dispensatorem interrogaret , an librum , quem de arte coquinaria componi curaverat , secum ferret ; Ejus autèm Cœna in sex horas ad minimum protrahabatur , & ferculis non minus 130. utebatur .

Culenus Scotorum princeps voluptatum turpissimarum mancipium , ludos symposiacos instituit , ut qui potando , vorandoque victor extitisset , hedera coronabatur , & munus accipiebat amplissimum ; sic paritèr Mitridatem , qui bella cum Romanis gessit in muneribus quæ edidit , voracitatis , & vinolentiæ , fama est præmia proposuisse , eumque victorem fuisse utrobique ,

bique , ac planè omnium coevorum suorum bibisse plurimum , & inde fuisse Bacchum nuncupatum teste Plutarco lib. i. quæst. , & Beyerlinck in Theat. vit. human.

C A P U T IX.

De Serapide Idolo celebri.

SErapis à multis Apis , & Osiris dictus est , & apud Ægyptios Idolum fuit magnæ venerationis ; de hujus origine variæ sunt opiniones ; Aliqui enim Jo-
vem ipsum esse putabant , alii Nili fluminis virtutem esse credebant ; nonnulli tandem Serapidem Regem fuisse Ægypti tradunt , qui rudes adhuc homines ad mitiorem vitæ cultum traduxit , & colendarum vinearum , ac agrorum rationem docuit , sicque famis tempore subditis alimenta præbuit , ideoquè eum , dùm viveret summo honore exceptum fuisse , & mortuum in Deorum numerum relatum , dixere. Macrobius verò scribit Serapidem Solem esse , quoniam caput hujus *Idoli* radiis solaribus
orna-

ornabatur, quod confirmat Illustriss. D. à Turre de Mitriha cap. 2. ; Celebratur autem Serapis sub forma Bovis, quia hoc Animal est omnium fere animalium utilissimum ; de hoc vid. Strabo, Serra, & Amian. Marcellinus ; Templum maxima illi fuere dicata, & Alexandriæ, & Memphi ; & horum exemplo illi Fana dicaverunt Spartani, & Athenienses ; nec non Romani quoque huic Idolo Templum aperuere *Serapium* dictum, in quò, teste Musfardo magna cum lascivia cantabant, & tripudiabant viri, ac mulieres ; hoc Idolum superstitione colebat inprimis Vespasianus juxta Svetonium, & Tacitum ; & ab ejus oraculo delusum fuisse Hannibalem ferunt multi, cui de suo fato interroganti respondit :

Lybissa teget gleba Hannibalis corpus.

quod Annibal sic interpretatus fuit, quasi ipsius corpus in Lybia, idest in Aphrica componi deberet, & moriturus in sua patria ; At Oraculum innuebat Lybissam fluvium Bitiniæ, in quò paulo post Annibal venenum hausit, ne in manus Romano-

rum veniret ; Hujus Idoli Statuam , ait Scedius , ex auro , argento , ære , ferro , gemmis , ossibusq; Apis , & Osiridis fuisse confectam . Tanta autem veneratione colebatur hoc Idolum , ejusque talis vanissima opinio erat , ut multos quoque Christianos invaserat timor ; nam cum Theodosius edictum promulgavisset , teste Ruffino in Histor. Ecclesiast. lib. 2. cap. 23. , de diruendo Serapidis Idolo , milites cristiani , quibus lege agere mandatum erat , coram illo meticulosi stabant , nec attingere audebant , cum demum unus ex militibus , magis fide , quàm armis munitus , arrepta securi insurgens statuam idoli frustulatim conscidit , quæ frustula igni data , illicò tanquàm lignum aridum consummata fuere ; Quidam dixere , hanc Statuam in honorem Josephi justii fuisse eformatam , teste cit. Ruffino ; Post verò istius simulacri ruvinam tanta secuta est Nili exundatio , tantaque terræ ubertas , ut anteaëctis sæculis nulla unquàm maior esset visa .

Plutarcus in lib. de Isi , & Osiride tradit Serapidem idem cum Platone estimatum

tum fuisse; & ab hoc Idolo Trinitatis mysterium assertum esse testatur Clariss. noster Lil. Gregor. Gyraldus in hist. Deor. Synt. 6., Consulenti enim cuidam Regi Ægypti, quisnam se esset beatior, ita respondisse fertur.

Principio Deus est, tum Verbum bis spiritus una est

Congenita hæc tria sunt cuncta hæc tendentia in unum.

Ideòque etià per Demonem Sanctissimam Trinitatem assertam esse dicendum, per hoc enim Idolum, ut & per alia antiquitùs Demones locutos certum est. De Serapide plura dabit Illustriss. D. Co. Camillus Silvestri in not. eruditiss. ad Juvenal.

CAPUT X.

De Carne Svilla.

DE Suibus , qui ab Hebræis *Chazir* dicuntur breviter aliqua dicenda sunt in capite præsentì ; de his autem pauca habent Sacri Scriptores , quia quandiù stetit Hebræorum Respublica in Judæa nullos fuisse Sues , testatur Samuel Bocartus lib. 2. de anim. sacr. script. cap. 57.

Hinc Porfirius in lib. de abstin. à cæde animal. ullos in Judæa nasci sues disertè negat ; Porcum ad solam mortem nutriri ait Lactantius , cùm nullum quandiù vivit præstare possit usum ; cum igitur Sues non nisi mortui hominibus prosint , & cum ad sacrificia , & ad esum lex in Judæis veta-verit eorum usum , idcirco pauca scripta de Sue in sacris scriptoribus reperiuntur ; Hebræi verò hujus legis causam physicam putant , porcum comedenti periculum esse à Lepra , si enim infans , ait Plutarcus , lacte svillo nutriatur fiet leprosus ; Cle-
mens

mens verò Alexandrinus per Sues, quorum
 esus in lege prohibetur, intelligit impuros
 homines, qui porcorum more semper in
 luto, & stercore, idest in vitiis jacent, prohi-
 beri: Plura de hac re videantur apud citat.
 Bocartum, qui more solito super hac re
 eruditè disserit; solummodò mihi liceat ex
 Macrobio Saturnal. lib. 2. cap. 4., addere,
 Augustum, cum audivisset Pueros à Re-
 ge Judæorum Herode interfectos, & suum
 filium quoque, exclamavisse, melius apud
 Herodem porcum esse, quàm filium; Ri-
 dendo igitur Hebræos Juvenalis in Satyr.
 6. cecinit

Et vetus indulget senibus clementia porcis.
 Romani verò, alięque Gentes semper usę
 sunt carne svilla, utpotè grata, ut & mo-
 dò nos facimus; Sic Varro ait, pecus svil-
 lum donatum esse à Natura ad epulandum,
 & Galenus tertiana affectis in lib. 1. ad
 Glauc. præter testiculos, & alas gallorum,
 & ova forbilia, porcorum pedes, cerebrum,
 & carnes svillas in jure liquefactas præbet,
 quod idem confirmat Jo: Langius in Epif.
 Medic. . Titus Quintius ante tribuna-
 tum,

tum, & Præturam Consul designatus, in Chalcide apud Hospitem cenans miratus fuit de carnum varietate, & copia; Hospitem verò affirmasse traditur, illas omnes esse svillas, condimentis, & præparationibus differentes; ex quo mirè carnem svillam comendat Bruierinus; Mirum autem est, in Arabia svillum genus non vivere; Eumeus subulcus Ulyssis, in *Odiss.* 3., quem ex bello Trojano, & naufragio, sibi tum ignotum, reducem hospitio excepit, dixit: *Ede hospes, nam bæ porcellorum carnes.* Procos quoque Penelopes, obesos Sues edere dixit Langius; unde constat, veteres Græcos Porcellos comedisse; & olim in pretio fuisse apud Romanos, testatur Martialis in lib. 13. canendo

Lacte mero pastum pigre mibi matris alumnū.

Ponat, & Aetolo de sue dives edat.

supèr quo Domitius intelligit ipsum divitem sibi habere ingentem Aprum, quantus fuit Aetolus interfectus à Meleagro; Me autem legisse recordor apud Strabonem lib. 12. Cleonem Jovis Abretanii Sacerdotem, latronem insignem in monte Olym.

Olympo , cum ab Antonio ad Cæsarem defecisset , prò latrone Principis habitum gessisse , postea Comanorum Sacerdotium in Ponto accepisse ; ad quod cum venisset intra mensem obiit ex nimia crapula morbo correptus ; In eo autem Fano prohibitus erat svillarum carniū esus , undè nec in totam Urbem Sus inferebatur ; sed Cleon Latronum more consuetudinem prevaricatus est , atquè idcirco creditur irà interiisse Numinis . Cæterum luxuriæ comedendi Aprum inventorem fuisse P. Servilium Rullum Annalia tradunt , & in hujusmodi mores clamat Satyricus in 1. Satyr.

quanta est Gula , quæ sibi totos .

Ponit apros , animal propter convivium natum.

Notandum verò Argivos in festo , Porcum Veneri mactavisse , & Mense Majo Mercatores , Majæ porcā prægnantem immolabant ; Legitur etiā Cereris mysteria Sue cæsa celebrata olim fuisse ; undè Poeta canit

Prima Ceres avidè gavisa est sanguine porcæ ,

Ultæ suas merita cede nocentis opes .

Immò adendum est , fœdera pacis , & nu-

ptiarum in Græcia , Latio , & Etruria ,
Sue mactato confirmata fuisse , asserit Jo:
Langius in Epist. Medic.

Mentio fit apud Gellium de Porca
præcidanea , quæ immolabatur
piaculi gratia antè fruges ,
hostiæ enim præcidaneæ
erant illæ , quæ
antè solemnia
sacrificia
pridiè cedeban-
tur .


ADVERSARIORUM.
JOSEPHI LANZONI
LIBER SECUNDUS.

AD ILLUSTRISSIMUM
D. APOSTOLUM
ZENUM VENETUM

Omni Eruditionum genere instructum.

C A P U T I.

De Nominibus Mensium.

 Anuarius primus Anni Mensis est, & à Jano nomen habet, sicuti enim Janus dicitur bifrons, idest, & præterita, & ventura cernens, ità paritèr iste mensis finem elapsi anni, & initium futuri habet; sic Numa à Jano Annum ordiri voluit, Romulus verò à Marte, & sic Martium

tium primum anni Mensẽm dixit; Calendis Januarii sacrum Jano fiebat ex thure, ac mero; Consules in Capitolium ascendebant, consulatum inibant, & Jovi Juvenças maētabant; in hujus mensis initio Strenæ ultrò, citròque mittebantur, & Vota; In hujus mensis Calendis luctus cessabat, convivia apparabant, liberabantur Servi, & Captivi, pecuniam spargebant, lites suspendebant, nitidiùs induebantur, ludos agebant, & januas, & templa coronabant.

Februarius nomen à Februo Deo lustrationum habet, cui à Numa dicatus fuerat, hoc enim mense tota Civitas lustrabatur; ideòque dicebantur Februa, quęcunque purgamenti causa in sacrificiis adhibebantur. Isidorus Februum Plutonium nuncupat, sed Censorinus Februum, ait esse quidquid expiat, expurgatque, undè februare, purgare, & purum facere idem sonat; In hoc autem mense lupercalia celebrabantur; plura de hoc mense eruditè exarata tradit Clariss. noster Lil. Greg. Gyraldus in lib. de mens. , & annis.

Mar.

Martius mensis à Marte sic dicitur, cui veluti Patri suo primum Anni mensem dicavit Romulus, undè Ovidius cecinit

Mars latio venerandus erat, quia præsidet armis .

Arma fere genti, remque, decusque dabant.

Calendæ verò istius mensis à Matronis celebrabantur, quò illo tempore Junonis, & Lucinæ Ædes coli cœpta est, & servis matronæ aponebant convivias, ut in saturnalibus faciebant Domini, teste Solino, & Macrobio; Servius Calendas Martii celebres esse ait, quia eo die pax intèr Sabinos, & Romanos ob raptas Sabinas facta est; Martii insupèr prima die novus ignis aræ Vestæ accendebatur; atquè exolvebantur mercedes magistris.

Aprilis mensis à Venere ità vocatur teste Hildebrando in Antiquit. rom., sic etiàm dicitur ab aperiendo, eo quod terras, & maria, quasi clausa recludat, & aperiat, & prima hujus mensis die constitutum fuit, ut Matronæ Veneri sacrum facerent.

Majum tertium mensem Romulus posuit,

fuit , de cujus nomine intèr Autores magna dissensio est ; Sic dicitur iste mensis à *Majoribus* , quoniam Romulus cum populos in majores , & minores divississet , id est juniores , in honorem utriusque partis , hunc Majum , sequentem Junium dixit ; vel , ut alii dicunt , dicitur Majus à Maja matre Mercurii ; de hoc mense erudite Macrobius lib. 1. saturnal. Quin etiàm mensem Majum Mercurio sacrum fuisse , ait Plutarcus , & istius mensis prima dies dedicata est Maję sub nomine Bonę Deę , & eandem esse Bonam Deam , & Terram inquit Gyraldus ; Notandum autèm mense Majo nubere bonum non fuisse , ut colligitur ex Ovidio , & Plutarco ; ex quò patet in errorem incidisse Alex. Tassonum , qui in suis opinionibus dixit , Ferrarienses nostros non nubere tali mense consuevisse , nàm etiàm Romani antiquitus à nuptiis abstinebant mense Majo , ut advertit Gyraldus noster in lib. de mens. , & ann.

Junius dicitur à Junone , vel , ut suprà dixi à Junioribus Populis , quibus dicatus
à Ro.

à Romulo fuit ; Illi autem qui ajunt à Junone sic dici , huic inituntur rationi , nam isto mense Junoni magni habebantur honores , undè à multis Junonius , non Junius dicebatur , sic Ovidius

Est illic mensis Junonius

Et sicut aliqui volunt in Coment. Fastor. apud Majores Romanos hæc appellatio mensis Junonii diu mansit , sed postea detritis quibusdam litteris , ex Junonio Junius fuit dictus ; Aliqui Junium à junctis , & unitis Sabinis , & Romanis dici voluere , unde Ovidius

Et lare comuni generos , focerosq; receptos,

His nomen junctis Junius inquit habet .

Nonnulli deducunt hoc nomen à Junio Bruto , qui pulso Tarquinio Tyranno primus Romæ Consul , ac liberator est factus .

Julius mensis , qui , & Quintilis nuncupatur , quia quintus à primo , nempe à Martio est , in honorem Julij Cæsaris , qui hoc mense est ortus , Julius est appellatus , undè Macrobius ait in honorem Julii Cæsaris Dictatoris Julius est dictus ,
quod

quod hoc mense ad quartum idus Quintilis , Julius procreatus sit .

Augustus paritèr mensis antea sextilis dicebatur , quia à primo mense idest Martio sextus esset ; dicebatur autèm Augustus in honorem Augusti , qui insigniores eo mense res gessit ; & hoc ex Senatus Consulto , nam Imperator Cæsar Augustus mense sextili consulatum suscepit , triumphos tres in urbe tulit , & Ægyptum hoc mense in potestatem Populi Romani redegit , ut notat in Saturn. Macrobius ; Ideòque de hac re plebiscitum factum fuit , Sexto Pacuvio Tribuno plebem rogante .

September mensis sic vocatus est , quia à primo , nempè Martio septimus est ; Priscianus autèm putat ab voce *imber* sic dici , sed à doctioribus Criticis id neutiquàm probatur ; volebat enim hic Autor Septembris mensem ab imbre dici , eoquod , ut ego puto , sæpè hoc mense pluviæ cadant . In tutela autèm Uulcani fuisse hunc Mensem , ait Gyraldus ; cujus mensis secunda die factum fuit navale bellum intèr Cæsarem Aug. , & Marc. Antonium ,

ut

ut testatur Dion in sua historia . Macrobius autem inquit mensẽm Septembris principalem sibi retinere appellationem ex Germanici appellatione .

October ita dicitur, quod octavus esset à primo , nempe Martio ; hunc mensẽm suo nomine Domitianum invasisse , ait Macrobius ; In Martis autem tutela erat, unde October equus appellabatur , quia in Campo martio mense hoc immolabatur quotannis Martibigarum victri , cum dexterior, teste Gyraldo nostro, & Equus potius quam bos immolaretur, quia hic bello , bos est frugibus pariendis aptus , cum ergo Octobri Mars præsideret , hinc est , quod tali mense immolabantur Equi, qui Deo Marti erant dicati ; de hoc plura cupienti dabit Festus .

November mensis ita dictus , quia novus à primo nempè Martio ; sub præsidio Dianæ fuit apud antiquos Romanos , & hoc mense maria claudi dicebantur , & Jovi Epulum celebrabatur ; Vacunalia etiam tali mense celebrari fuisse solita , ait Gyraldus ; Vacuna autem erat Dea , quæ
præe-

præerat vacantibus , & otiosis , cui à laboribus cum vacarent Agricolaë post cæptos fructus , & agrorum cultus per hyemem sacra faciebant , hinc Ovidius

*Nam quoq; cum fiunt antiquæ sacra Vacunæ
Ante Vacunales , stantque , sedentq; focos.*

December demum mensis est decimus à Primo, idest à Martio ; undè , & nomen illi est . In Vestæ tutela fuit , & dicatus Saturno , undè Saturnalia celebrabantur hoc mense , bellum summere nefas erat , sicut à nocente pœnas exigere piaculare ; de hoc mense plura apud Macrobius . Hic autem notandum , antiquitus Annum ex X. mensibus tantum conflatum fuisse ; multo tempore autem post Romulum Januarium , & Februarium additos illi fuisse aiunt , sicquè annus ex XII. Mensibus , compositus fuit , ut etiàm hodie.

CAPUT II.

De Poculis antiquis.

CUm varia sint poculorum genera, ego ad tria tantum refero, *Sextans* nimirum, *Deunx*, & *Triens*. Primum est illud genus, quod valetudinarii, & temperati utebantur, secundum quod intemperati, ac bibaces, tertium tandem hoc est *Triens*, quod plerique ordinariò, & quotidiano victu utebantur; In conviviiis à parvis calicibus incipiebant, & in capaciores terminabant, usq; ad sordidam Ebrietatem; solemne fuit, ut Deo alicui libarent, idest ex calice lævitèr aliquam partem vini difunderent, vel in mensam, vel in terram, & quandòque in honorem Amici, aut alicujus Fœminæ amatæ tot cyathorum vinum potabant, quot literę in ipsius essent nomine, sic Martialis.

Nevia sex Cyatbis, septem Justina bibatur

Quinque Lycas, Lyde quatuor, Ida tribus.

de quò usu multa me scripsisse recordor in

-nisi

D

Epi-

Epistolis memorabil. Anton. Bulifoni Neapoli Impres. ann. 1698. tom. 4. pag. 265., nunc ad pocula redeamus.

Pocula igitur primò fictilia fuere, potissimum ex terra Samia, undè Ausonius cecinit

*Fama est fictilibus cenasse Agathoclea Regem,
Atque abacum samio sepe onerasse luto.*

De faginis calicibus meminit Virgilius in Eclog. 3.

Pocula ponam fagina....

& Ovidius in lib. 3. Fastorum

Terra rubens crater, pocula fagus erat.
De poculis è cornibus bovinis paratis multi antiqui Scriptores egerunt, & ego de hac materia nonnulla scripsi in tom. 2. Musæi Minervæ pag. 185. quem locum videat Lector curiosus.

Electrina pocula magnatibus olim in pretio fuisse, ait Hildebrandus in compend: antiq. roman.

De argenteis poculis meminit Juvenalis canendo

*Pauca licet portas argenti Vascula puri
Paritèr de aureis, & pretiosis gemmis di-*
stin-

stinctis cecinit ipse Satyricus

..... nulla aconita bibuntur

Fictilibus, tunc illa time, cum pocula sumes

Gemmata, & lato setbinum ardebit in auro.

hinc etiàm Virgilius lib. 1. Æneid.

..... Celataque in auro

Fortia facta patrum

Murrhina fuere illa pocula è murrha facta, lapidis genere, ut multi aiunt, cum odoris comendabili præstantia, tum colorum varietate insigni; de quibus Juvenalis in Satyr. 6.

Grandia tolluntur crystalina maxima rursus

Myrrhina

De istis poculis multa cupienti dabit Nicol. Guibertus in lib. de Murrhinis.

De Vitreis poculis, atque CrySTALLINIS pleni sunt Doctorum libri; de quibus nonnulla collegi ego in Epistola de Arte vitri impress. in Museo Minervæ tom. 2.

Cranium humanum deniquè barbaris quibusdam gentibus prò poculo fuit; Sic Alboinus Langobardorum Rex, Regis à se prælio cæsi filiam Rosimundam uxorem duxerat, ex Soceri verò calvaria poculum

fecerat quò in Epulis usus, Rosimundam coegerat, ut eodem peculo biberet tanquàm Patri propinans; quàm iniuriam ulta fuit Rosimunda juvene quodam in ejus necem impulso pactione nuptiarum; quàm historiam tragicam, sed curiosam egregiè narrat Paul. Diaconus lib. 1. de Gest. Langobard.

C A P U T III.

De calculo albo, & nigro apud Veteres.

CAlculum cretæ absolutionis, carbonem verò condemnationis Symbolum fuisse apud Veteres, ait Alex. ab Alexand. lib. 3. Gen. dier. cap. 5., undè Ovidius lib. 15. Methamorphos. cecinit

*Mos erat antiquis niveis, atrisque lapillis,
Hos damnare reos, illos absolvere culpa.*

Antiqui enim per cretam album, & candidum, ac per carbonem atrum, & nigrum colorem significabant, licèt tamèn ater à nigro diferat, quoniam omnis ater niger est, at non omnis niger ater est; ater enim horroris aliquid habet, estque visu

tri-

tristis , & iniucundus , ac proindè etiàm lugentibus peculiaris , at niger non ità , est enim apud nos nonnunquàm lepidus , ac venustus ; Attamen , & color ater , & pullus , & niger antiquis infaustus fuit , undè istis coloribus in parentalibus utebantur , & qui mortuis iusta persolvebant , atris vestibus induebantur , & dicebantur atrati , pullati &c. , hinc meritò Alciatus in suis Emblematis , pullum vocat mæstitiæ colorem , dùm canit

Index mæstitiæ est pullus color .

Quod etiàm ex historia Thesei nobis proditum est , hìc enim occiso Minotauro , cum ad Patriam rediret , & imprudentè nigro uteretur Velo ; Pater ejus à longè hunc colorem tanquàm mortis filii signum accipiens , se in mare præcipitem dedit . Hìc verò cum Tiraquello in Alexandr. prætermittere nolo alba semper læta , & auspiciata fuisse credita , undè atros dies infaustos dicebat Macrobius , cùm Nonnio Marcello , ex quò Virgilius

Abstulit atra dies

isti sunt dies illi , quibus apud Veteres le-

giones educere , aut acies cùm hostibus
 committere , vel quidquam Reipublicæ
 agere Religio non permittebat , propterea
 vocabantur religiosi , & tristi omine infames ,
 in quibus , & res divinas facere , &
 rem quampiam novam exordiri non licebat ,
 cur autem dies primos post Kalendas ,
 Nonas , & Idus , tanquàm atros religiosè
 Antiquorum plerique vitaverint , rationem
 assignat ex Ver. Flacco desumptam Aul.
 Gellius noct. atic. lib. 5. cap. 17. , his verbis ,
 „ Proptèr hanc causam atri dicuntur , quia
 „ Urbe à Gallis Senonibus recuperata L.
 „ Atilius in Senatu verba fecit ; Q. Sulpi-
 „ tium Trib. milit. ad Albiam adversùs
 „ Gallos pugnaturum rem divinam dimi-
 „ candi gratia idus fecisse , tùm exercitum
 „ Romani populi obsidione occisum , &
 „ post diem tertium ejus diei urbem præter
 „ capitolium captam esse , compluresque
 „ Senatores recordari se se dixerunt , quo-
 „ ties belli gerendi gratia res divina postri-
 „ diè Kalendas , Nonas , & Idus à Magistra-
 „ tu Populi romani facta esset ejus belli pro-
 „ ximò deinceps prælio , rem malè gestam
 „ esse

„esse ; Hinc Macrobius lib. 1. Saturn. de
 atris hisce diebus ait : *omnes potriduani dies ,*
seu post Calendas , seu post nonas , idusve , atri
sunt , ideò , & nonas inhabiles nuptiis esse di-
xerunt .

Dicuntur etiàm à multis dies Ægyptia-
 ci , vel quia illis diebus percussa fuit Ægy-
 ptus , vel quia primi fuere Ægyptii , qui
 invenerunt dies cavendos , tanquàm nefa-
 stos , & infortunatos ; hinc Nonæ etiàm
 intèr atos dies numerabantur ab Antiquis
 quia Meretrix post nonam in lupanari pro-
 stabat , ut monet Contr. Riterfusius com-
 ad Salvianum , undè Persius nonariam Me-
 retricem sic vocat

Si Cynico barbam petulans nonaria vellat .
 & cùm Persio Stuchius in Antiq. Conviv.
 lib. 1. nonariam dicit Meretricem , tan-
 quam infaustam , ac omninò damnosam
 juvenibus , quos pessundant Meretrices ,
 expillant , & ad miseriarum voraginem
 detrudunt ; De hac autèm re plura curio-
 sis dabunt Cæsar Calà de feriis quæst. 4. ,
 Aul. Gellius noct. atic. , Macrobi. Satur. ,
 & alii plures ; nos verò ad album , & ni-

grum redeamus. Nigros appellat Horatius eos qui in vitia cadunt, dùm canit

Hic niger est, hunc tû Romane caveto.

Et nigrum prò mortuo accepisse videtur Servius dùm illud Eclog. 5. edisserens ait, *contrà Mortuos nigros dicimus*, hinc Juvenalis

..... & populum nigros efferre maritos.

nàm, & mortem nigram vocat Statius Theb. lib. 9.

..... & nigræ præcedunt funera Mortis.

Album autèm viventis esse Symbolum docet Martinus de Roa singular. lib. 6. cap. 15. Alii nigrum prò malo, album prò bono usurpant, undè Persius

..... per me sint omnia protinus alba.

Et Juvenalis in 3. Satyr.

..... qui nigra in candida vertunt.
nec non Ovidius cecinit

Candida de nigris, & de candentibus atra
quos explicare videtur Terentius in Phorm. cum ait

His pretium nunc est, qui recta prava faciunt.
Album insuper puritatis, fidei, ac castitatis, aliarumque virtutum est signum, undè
reli-

religioni est accomodatum, hinc Cicero 2. de legibus ait: *Color albus præcipuè decorus Deo est*; ideòque candidæ vestes olim in Sacrificiis erant in usu, cujus causam reddunt Plato, & Plutarcus. Sicut autem album virtutum erat indicans, ità nigrum vitiorum, ac scelerum erat argumentum, ut suprà innui; sic Rei in atra veste prodibant, ut Corn. Lentulus Prætor ob conjurationis facinus, & huc facit illud Pythagoræ *à nigram caudam habentibus abstine*; cujus Symboli optimam explicationem habet insignis noster Ferrarien. Co. Franc. Bernius in suis Arcan. moral. pag. 44. De albis sententiis hoc est non obscuris, & tenebricosis loquitur Adr. Turnebus in lib. 6. adversar. cap. 4. his verbis; *Asinius Polio apud Senecam Albutii sententias, quæ apertæ erant, & faciles, appellat albas*. Nigrum interdum prò infausto, infœlici, luctuoso, & inauspicato sumitur ab Autoribus, ut è contrà candidum, sive album prò fausto, fœlici, ac victoriæ signo, undè qui re benè gesta in bello cùm triumpho in urbem ingrediebantur in Cur-

ru Equis albis tracto vehebantur; hinc proverbium *Equis albis percurrere*.

Album colorem proprium libertatis esse docuit Lipsius in lib. 1. elector. cap. 15. Id autem, quod esset coloris albi ad boni naturam pertinere aiebant Pythagorici, quod verò atro colore induebatur, mali, cui alludere videtur illud famosum Juvenalis Adagium

..... *quia tu gallinae filius albae.*

de quò Erasmus, & Manutius; Quare meritò postea apud Athenienses Sacra ob lætitiā quampiam faciens, alba veste induebatur, ut de Demostene tradit Plutarcus in ejus Vita.

Olim fuisse consuetudinem apud Cretenses, ait Christ. Lambinus com. in Horat. carm. lib. 1., ut quot dies sibi fœlicitèr evenirent, tot albos lapillos in vasculum conjicerent, nigros verò in iis, qui infœlicitèr evenissent, atquè elapso anno enumerabant albos, totidemquè se dies vixisse dicebant, undè Persius cecinit

Hunc Macrine diem numera meliore lapillo

Qui tibi labentes apponat candidus annos.

Non

Non solum Cretensium iste mos erat, verum quoque Tracum fuit hæc consuetudo, ut scribit Plinius, & de his loquens Lam-
binus, ait *Traces eos dies, quibus secunda
Fortuna essent usi, jucundèque & beatè vi-
xissent albo lapillo notabant, nigro contrarios:*
propterea dies fœlices, albos Soles voca-
bant, tristes verò nigros, quia illos albis,
hos nigris lapillis notabant, undè Hora-
tius in Satyr 9. canit

..... hunc sine solem

Tam nigrum

suum casum deplorans; Catullus contra
Soles candidos usurpavit prò diebus lætis,
& jucundis

Fulsere quondam candidi tibi Soles.

Candidam etiã, hoc est fœlicem noctem
vocat Propertius his carminibus

O me fœlicem, ò nox mihi candida, & ò tũ

Lectule delitiis

immò Auroram candidam dixit Tibullus
lib. 1. Eleg. 3.

..... hunc illum nobis Aurora nitentem

Luciferum roseis candida portet equis.

Album paritèr colorem hyemi convenire,

ob

ob nives candidas, ait Tertullianus in lib: de spectaculis; & Vestes candidæ tanquàm præmium Victoriis promittuntur in Apocalypsi cap. 3. his verbis; *Qui vicerit vestietur vestimentis albis*; de quâ re vid. Picinel. in lum. reflex: part. 9. Candidam fasciam deniquè, tam Romanis, quàm exteris gentibus, regium insigne fuisse à Libero Patre inventum testatur Plinius lib. 7., undè Tigranem Armenum candidam fasciam insigne regium antè Pompei pedes abiecisse, velut à Dominio se abdicantem, scripsere Dion Plutarcus, & Marc. Donatus in annotat. ad Ælium Lampridium.

C A P U T IV.

*De Termino convivii tubarum sonitu,
ac de Cedrinis mensis.*

Tubarum sonitum apud antiquos terminum convivii significavisse colligitur ex Tacito Annal. lib. 15. his verbis; *initia vigiliarum per Centurionem nunciari, convivium buccina dimitti*; undè Lipsius com.

com. ad loc. Taciti , & in lib. de militia Romana scripsit , *ut tempore convivandi cuncti Tibicines , ac Buccinatores ad Tentorium Ducis personent* ; hinc Atheneus lib. 4. Cœnam sponsalem , ac magnificam Carani Macedonis Tubæ sonitu terminavisse , meminit his verbis , *quod tandem extremæ cœnæ tuba signum editum est* ; Quaproptèr ego Macedonum morem universalem fuisse claudendi convivia tubæ sonitu deduco , maximè quia ipse Atheneus addit *Macedonum enim tu consuetudinem non nescis in frequentibus epulis observatam* ; Atquè Ælianus in var. histor. lib. 8; cap. 7. hoc de Macedonum usu ait : *Tubæ signo accumbebant, eodemque signo finem adesse significabatur* ; ex quibus ergo apparet tubæ sonitum finem convivii apud aliquos veteres constituisse , quod sanè apud nos hodie minimè est in usum ; immò , multos Magnates , quando convivia incipiunt , tubæ sonitum indicunt , qui non nisi convivii termino , finitur .

Cedrinæ verò mensæ olim apud Romanos in pretio magno fuere , de quarum luxu scribens Plinius lib. 13. , ait *confines ei*

At-

Atlanti monti , Mauri , quibus plurima arbor cedri , & mensarum insania ; quas fœminæ contrà margaritas regerunt ; istarum autèm pretii ratio erat regionis distantia , cùm apud Atlantem Mauritaniæ Montem harum materia reperiretur , quod testatur Martialis lib. 14. his verbis

Accipe fœlices atlantica munera Sylvas

Aurea qui dederit dona minora dabit .

Figuram hasce mensas habuisse rotundam, ait Sthuckius lib. 2. antiq. convival. Seneca etiàm sui temporis luxuriam detestatus est , dùm citri radices insanis licitarentur pretiis ad mensarum , & lectorum ornamenta , ex quà Senecæ sententia multieas è citro fuisse confectas sunt arbitrati , quidam tamèn contrà , quòd citri materies mensarum amplitudinis minimè sit capax ; Verior tamèn opinio , ut non è citro , quæ fert citrea , sed ex alia ejusdem generis , quæ in Anchorario Monte citerioris Mauritaniæ , & Atlante nascitur ; Citrearum istarum mensarum meminerunt Paulus Jur. Conf. , Tertulian. lib. de Palio sub finem , Hermol. Barbarus cor. in Dioscor. ,
Be.

Beroald. in adnot. ad Lucan. , & alii plures . Ciceronianarum etiã mensarum nomine insignitas fuisse cedrinas has tabulas à multis colligitur ex Dempstero ad Rosin. lib. 5. , & deducitur à Tertulliano lib. de Anima , qui sic scribit: *Quod mensis Ciceronianis infertur* ; undè Plinius habet verba sequentia: *extat hodie Tabula M. Ciceronis in illa paupertate , & quod magis mirum est illo ævo emptæ H S. undecim memoratur , & Asinii Polii H S. undecim venundata* . Maculatas autèm istas cedrinas tabulas fuisse colligitur à Petronio in Satyric. dùm cecinit

..... *Ecce asris eruta terris*

Citrea mensa , greges servorum , ostrumque renidens

Ponitur , ac maculis imitatur vilibus aurum .

Et maculas has non ad purpureos tapetes, ut ille loquitur, refero, sed ad citreas menses, quæ quò maioribus conspiciendæ maculis , eo cariores erant ; de quà re videatur Plinius.

CAPUT V.

De Tragœdia.

TRagœdia , juxtà Theophrastum est Heroicæ fortunæ calamitas ; & sua dente Scaligero est imitatio illustris Fortunæ , sine tamèn infœlici , gravi carmine conflata , quæ definitio desumpta fuit ab Aristotele ; Udenus Nisieli , sive Benedict. Fioretti magnus ille criticus vocat Tragœdiam purgatricem affectuum vitiorum medio pietatis , & timoris , quod confirmare videtur Clariss. Muratorius in Perf. Poes. lib. 3. cap. 1. ; Cùm ergo Tragœdia moveat animos auditorum ad pietatem , & sic pariat illam delectationem innocentem , & utilem , finem præcipuum Poetarum , hinc est , quod à funestis actionibus vim habet ; Ità Scaliger ait , non in sola lætitia jucunditatem sitam esse , sed ex quacunque disciplinæ adeptione capi posse , discit enim spectator , quemadmodum picturarum , quoque facies horribiles ,

ni-

nihilò feciùs spectantur, & juvant, unde Jac. Mazzonus scripsit, Tragœdiam debere in omnibus suis partibus impleri ærumnis, quod confirmare videtur noster Clariss: Pigna, dùm inquit, illas Tragœdias magis esse gratas, quæ in tristitiam mutantur, istæ enim magis docent, hinc Cæl Rhodiginus hoc habere proprium, ait Tragœdias, ut in adversam desinant fortunam; supposito igitur esse partem necessariam in Tragœdiis motionem pietatis, quæ ut plurimum provenit à morte innocentibus illata, non incongruum puto hîc quærere, an melius sit narratio funesti facti, an verò ejus representatio, ad hoc, ut actio ducatur ad terminum suum, per terribile, & miserandum, sinè quibus nequit haberi Tragœdia, quæ bona sit. Horatius ad Pisones scribens docet, Medeam ante populum occidere non debere suos filios: *Nec pueros coràm populo Medea trucidet*; attamèn per hoc non tollitur, ipsum Horatium aliquandò approbare publicas occisiones, sed tantùm illas vetare, quæ turpiter fiunt; & sic noster Pigna dat exempla, quæ ad tria capita referri pos-

E

sunt

sunt , & hæc sumpta sunt à verbis ipsius Horatii ; unum est illud , quod non est efficax , aliud est illud , quod non est comòdum , tertium verò illud , quod non est possibile , & sic tantam vim puto non habere si Medea coràm populo trucidet filios , ac si hæc atrocitas narrata audiretur , dùm loca horroris , & miserationis melius exprimentur à narratore , qui id verbis ad pietatem accomodatis representet , quàm ab eadem actione , licèt contrarium sentiat Paulus Benius innixus auctoritati ipsius Horatii

Segnius irritant animos demissa per aures ,

Quam quæ sunt oculis subiecta fidelibus .

Sophocles autèm , & alii antiquiores , in suis Tragœdiis meliora sequuti , nunquàm induxere coràm populo atrocita facta ; Quantum verò ad non commodum , parum sanè aptè coràm adstantibus v. g. Atreus proprios nepotes coqueret , ideòque melius est hujus sceleris narrationem afferre ; undè Poeta cecinit

(Atreus .

Aut humana palàm coquat exta nefarius
Ad non possibile tandèm refertur illud Prognis , & Cadmi , cùm prima in avem conversa

versa sit , & alter in anguem ; sic Poeta
*Aut in avem Progne vertatur Cadmus in
 anguem .*

Debet ergò in tragicis observari , quod
 quando nihil absurdi cadat coràm populo,
 tunc licèt necem publicè representare ;
 Quod si plures sint in Tragœdia occisiones,
 illa in tali casu , narratori linquenda est ,
 quæ præcipua putatur , & quando vide-
 bitur jàm satis pietatem , miserationem,
 & lacrymas motas esse in populo adstante;
 tunc licebit extrà mittere nocentem , qui
 remanet , ut publicè semetipsum occidat,
 aut ab alio occidatur , ut egregiè fecit in
 sua *Orbeche* Gyraldus noster , in hoc imi-
 tatus exempla antiquorum scriptorum ;
 sicquè fecit Clariss. Petr. Cornelius in suis
 Tragœd. , & Thomas , & Racine cum aliis
 illustribus Gallis Poetis .

Et hic notari debet , mortem scelesti
 hominis in Tragœdia semper intùs , & ex-
 trà Scenam accidere debere , quia tales mor-
 tes non excitant pietatem , & misratio-
 nem , ob Justitiam , quæ vult tales im-
 pios punitos ; sufficit autèm , Auditores ,

eorum voces ultimas audire, aut historiam mortis intelligere ab aliquo nuncio, quapropter Lambinus super Horat. ait, quedam nimis atrocia, aut horribilia, aut visu fœda, aut incredibilia, non esse coram agenda, sed ea satis est ab histrione, quasi intus acta sint renuntiari, & hoc modo misericordiam commovent, aut terrorem animis inferunt; Hinc valdè miratur Gyraldus noster ob Senecam, qui longè à præcepto Venusini in sua Medea se tulit, tanto magis, quia ipse Aristoteles non comendavit Euripidem in tali actione; Ut verò Tragoedia sit apta ad movendam pietatem, debet casus tragicus cadere in viros in parte bonos, & in parte reos, & ut ait Piccolominus in illos, qui stant in medio vitii, & virtutis, de quibus agit noster Gyraldus; Intèr Tragoedias sanè primam sedem habet Œdipus Sophoclis juxta Aristotelem, quia Œdipus querens punire illum, qui patrem occiderat, & timens se comisci cum Matre; dum castigationem parat nocenti, & dum modum querit evitandi alium errorem, invenit, se esse illum, qui
in

in tam enormia delicta prolapsus fuit ; unde id quod illi accidit , multam comiserationem obtinuit , nam ille , qui talia flagitia abominabatur , incaute in ea incidit , dum poenam nocenti parabat ; Optimè igitur ait Aristoteles , illud idoneum esse ad Tragoediam , qui nec per virtutem , nec per justitiam , nec per vitium , cum sit in statu foelici , ac tranquillo , de repente incidat in ærumnam , non voluntariè , & malitiosè , sed potius imprudentè , ac inconsideratè , exemplo Œdipi , & Thiestis .

Non tantum igitur delectationem , sed utilitatem à Tragoedia , ut suprà dixi spectatores hauriunt , cum enim respiciunt aliorum exempla , veluti speculum proprię fortune , & actionis , discunt correctionem morum , ab illis , qui in Scena representantur ; sicquè Theatrum , teste Doctiss: Ludov. Ant. Muratorio lib. 3. poës. ital. , evadit delectabile gymnasium bonorum morum , & amabilis Cathedra moralis lectionis , debet enim longè ire ab hilaritate , ut monuit in Poet. Clariss. Franc. Dini . Tragoediæ verò pulcherrimę compo-

fitio, ut ait Aristoteles in Poet., non debet esse simplex, sed implexa, & terribilium, & miserabilium immitatrix; unde eodem suadente Aristotele, Tragoedia melior est, & multò perfectiùs Epopeia finem suum assequitur; Quodnam autem Tragoediæ genus laudabilius sit, num scilicet quod lætum habeat finem, an verò quod mœstum, & miserandum, idest, an melior sit Tragoedia ad lætitiā, quàm Tragoedia ad mœrorem; breviter quod sentio exponam.

Duo videntur esse textus Aristotelis, in quibus precipuè judicat de Tragoediarum dignitate; in uno docet, Tragoedias ad mœrorem, idest exitus infœlicis, pulcherrimas esse, in alio verò, optimam vult esse illam Tragoediam, in quā atrocitas non consumatur, nequè perficitur, sed impeditur cum exequi deberet; Verum si attentè consideretur cum Clariss. Crescimbenio finis Tragoediæ, qui ut suprà dixi, est purgare humanos affectus medio timoris, & pietatis capte à miserabilibus aliorum casibus, per consequens dicendum erit,

erit , Tragœdiam finis infœlicis , & mœstti potiore esse Tragœdia læti finis , quia dolor , & mœstitia imprimunt atrocitatem actus representati in spectatorum ideam , cum qua isti discedunt à Theatro , & sic animus humanus melius purgatur , quod sane non accideret , si lætum finem haberet Tragœdia , quia Gaudium de facili expellit terrorem , per quem animi purgatio derivat ; adeoque optimè ait Paul. Beni supèr Poetic. optimam esse illam Tragœdiam , quæ ex fœlicitate in infœlicitatem mutat humanam fortunam , sic Œdipus qui Rex erat , ac fœlix reputabatur , verè à fœlicitate migravit ad infœlicem statum , dùm Regnum in exilium mutavit , ac cæcitatem , cujus Œdipi Tragœdia ab Aristotele omnibus aliis Tragœdiis anteponitur : Non per hoc autèm dicitur , Tragœdiam illam malam esse , quæ non tam atroces casus in se contineat , videmus enim , Aristotelem comendare Iphigeniam in Tauris , quæ absquè dubio crudeliter incipit , sed intercedente agnitione mutatur ; sic paritèr valdè comendabilis aparet

Meropes Illustrissimi D. Marchionis Scipionis Maffei Poetæ eruditiss. hoc Anno 1714. Venetiis tanta fama , & plausu publicè ad multas vices representata , licèt extincto Tyranno Polifonte lætum finem agnoscat , Filius .n. Meropis evasus à mortis periculo de repente ad Paterni Regni Fortunam evehitur ; Duas autèm esse partes Tragœdiæ , ait Paulus Beni in Aristot. Poetic. , nempè nexum , & solutionem , quibus addendæ sunt Inventio , Dispositio , & Elocutio , quæ omnia si ritè , & juxtà regulas Aristotelis exerceantur à Poeta , procul dubio bona habebitur Tragœdia ; oportet siquidem , ut docet Petr. Victorius , Poetam curare , ut præditus sit facultate præclarè tractandi omnes illas partes , omnesque coagmentationes , & diversas species fabularum , ut cùm opus sit , valeat egregiè mores exprimere , & argumentum , in quò præsertim requiratur industria Poetæ , cùm laude exequi , & res luctuosas , in quibus existunt vehementes motus animorum , eximiè itidem conficere ; uti antiquis Temporibus fecerunt Sopho.

phocles , & Euripides , atquè alii plures
Tragœdiarum Magistri tùm Græci , tùm
Latini , nec non recentioribus Sæculis ita-
li nostri , qui cothurnos æquè benè , ac Græ-
ci , & Latini , tractaverunt fœlici Musa-
rum comertio , prospero eventu , & plau-
dente Fortuna ; hujusmodi fuere Trissinus
in Sophonisba , Tassus in Torismondo ,
Gyraldus in Orbeche &c. , Bonarellus in
Solimano , Campegius in Tancrede , Spe-
ronius in Canace , Co: Dottori in Aristo-
demo , & nuperimè suprà citatus Marchio
Maffei in Merope , & Petrus Jacobus
Martellus Bononiensis in Proculo , atquè
aliis Tragœdiis nova Italicorum carminum
specie exaratis , in quibus summa Autoris
peritia elucet . Obiter autèm notandum
cum Mart. del Rio , Poetam curare sum-
moperè debere , ut totius Tragœdiæ perio-
dus , sit actio unius potissimum Diei , vel
paulo plus , minusvè , & Aristoteles hoc
disertè præcipit , & veteres omnes facti-
tarunt , undè Æschilus , teste Suida , re-
prehensus fuit , quia Niobem triduò exi-
buerit ; in quinque porrò actus dividi de-
bet

bet Tragœdia ex Venusini præcepto

Neve minor, neu sit quinto productior actu.

& isti actus sunt quasi singula Tragœdiæ membra, quibus singulatim partes illius exhibentur; Hinc patet unumquemque actum partem aliquam fabulæ absolvere debere, ita tamèn, ut à præcedente subsequens quodammodò trahatur, utquè res non dissipata, ac disiuncta, sed aptè distributa videatur; cur autèm quinquè tantùm sint actus Tragœdiæ, causam referendam esse in Poetis, ait Donatus in Poet. lib. 2., quibus scilicèt talis partitio placuit; nisi potius isti per quinque actus fortasse, hominum vitam adumbrare voluissent, quæ scitè admodum comparatur cùm fabula, undè rectè Apulejus de comico Poeta, qui daturus in Theatro fabulam repente interierat, *renunciavere*, inquit, *Philemonem Poetam jam domi veram fabulam consummasse*; Vita enim hominis antiqua divisione in quinquè partitur ætates; Per hoc autèm non nego, posse etiàm fieri bonam Tragœdiam ex tribus Actibus tantùm; dummodò sit juxtà præcepta Aristotelis conflata;

flata ; An autem Tragœdia soluta oratione, an verò metro sit conficienda quærent aliqui, ad quod respondet Gyraldus, Tragœdias, & Comœdias versibus esse exarandas, ad hoc, ut laudabiliter compositæ appareant. Plura de Tragœdia cupienti dabit Illustriss. Crescimbenius Domin. meus semper colendus.

C A P U T VI.

De Genio, & Laribus.

Genius à gignendo sic nuncupatur, quia nobiscum gignitur, vel nos genitos suscipit, & tuetur, unde natalis Deus dicitur ab Illustriss., & Reverendiss. D. Phil. à Turre Adriën. Episcopo digniss. ; A multis vocatur Deus naturæ, sic genio indulgere, geniumque defraudare passim dicitur ; Antiqui duos Genios unicuique tribuere ; Bonum nempe, & Malum ; Primus qui ad opera bona hortabatur, secundus qui ad mala concitabat ; Ità Censorinus de die natali, ait :

Ge-

Genius est Deus , cujus in tutela , ut quisque natus est , vivit , qui ab utero matris exceptum ad extremum vitæ diem comitatur . Hunc autem Deum placare erant soliti Antiqui Gentiles floribus , & vino , undè Horatius canit

..... Sylvanum lacte piabant

Floribus , & vino Genium

Aut juxtà Tibullum lib. 4. Thure

Magne Genj , cape thura libens , votisque faveto .

Insupèr erat , & loci Genius , cui sacra reduces faciebant , ut esset propitius ; Ità Virgilius de Ænea Italiam ingresso ait

..... Frondenti tempora myrto

Implicat , & geniumq; loci , primamq; Deorū Tellurem , Nymphasque , & adhuc ignota precatur

Numina

& Calphurnius Poeta antiquus cecinit

Pone focum , Geniumque loci , Faunumque , Laremque

Salso farre voca

*Fuit quippe è disciplina veterum , ut cole-
rent Deum loci , ad quem accederent , &
hunc*

hunc vocavisse Genium Loci, ait Lacerda
sup. Virgil.

Jurare paritèr per Genium Cæsaris, vel
Principis maximum juramenti genus erat
apud veteres Gentiles ; sic Tertullianus in
Apolog. scripsit : *citius apud vos per omnes
Deos , quàm per unum Genium Cæsaris peie-
ratur* ; undè Minutius Fœlix in Octavio
paritèr ait : *tutius est per Jovis Genium pe-
jerare , quàm Regis , & rationem assignat*
Woverus in not. ad cit. Autor. , quia pe-
jerantes per Deos non puniebantur, at per
Principis Genium fustibus castigabantur ;
ut etiàm monuit Lipsius ad Tacit. , & El-
menorstius supèr Minut. Fœl.

Relicto autèm Genio , ad Lares me con-
verto , qui erant Dii Domestici ex Mercu-
rio , & Lara Nympha geniti , de qua ge-
neratione vid. Mithologi ; Methonymicè
prò Domo ipsa sumuntur , & ab Auto-
ribus usurpantur ; Apud Plautum fami-
liaris est Lar , qui certæ Domui , ac fa-
miliæ preest . De Laribus intelligit Ovi-
dius , in lib. 2. Fastor.

..... *qui compita servant ,*

Et

Et vigilant nostra semper in urbe Lares.
 istis Diis discedentes vale dicebant anti-
 qui, & revertentes eos paritèr salutabant,
 & adorabant, undè Terentius in Phorm.
 act. 2. ait.

*Deos Penates, hinc salutatum Domum di-
 vertar.*

Laribus autèm vinum, & Thus offerre-
 bantur ab Etnicis, & variis etiàm florum
 coronis exornatos Lares ipsos fuisse monet
 Hildebrandus, hinc Tibullus cecinit

Rure puer verno primum de flore coronam

Fecit, & antiquis imposuit Laribus.

& Juvenalis in Satyr. XII.

Laribusque Paternis

*Tbura dabo, atque omnes violæ jactabo
 colores.*

Plura de hac rè legantur apud Carol. Pa-
 scalium in suo pulcro opere de coronis, &
 apud Illustriss. D. Com. Silvestrium in notis
 ad Juvenal. egregiè exaratis.

CAPUT VII.

De Strenis .

STrena , cujus meminit glosa in l. laudab. cod. de Advocatis , munus significat , quod Advocatis , & Amicis dabatur ; istarum autem origo , quâ fœlix annus ominabatur , ipsius auspicio , & initio à Tatio Rege manavit , si Adriano Turnebo fides habenda est , qui Rex primum Romuli hostis , deindè collega in Regno Romano fuit ; hoc , quia , & strenę ne hoc quidem tempore exoleverunt literis mandare voluit , ut , & antiquitatem rei intelligat Lector , & sciat Authorem istius moris ; Hinc Symmachus in quadam epistola sic scribit ; *ab exortu urbis martiæ strenarum usus adolevit Tatii regis auctoritate , &c.* Aliqui strenas à Verbo strenuo derivare volunt , eo quod strenuis viris ob virtutem conveniebant ; Lipenius verò à Dea *Strenia* , sive *Strenua* Strenas derivatas esse dicit

Stre-

Strenæ Romanis , & Sabinis erant propriæ; Alia munera Principum , Persis cum reliquis orientalibus communes fuisse aiunt ; Istà vero certè de quibus Ælianus Xenia potius , quàm Strenæ erant , quæ dabantur prima Januarii die , Kalendis enim Januarii sacris litabant , & omnem Religionem renovabant , auguria capiebant , & ad Deorum pulvinaria ibant , multa animi submissione , sivè rectiùs superstitione , ob tantam ergo istius diei religiositatem , strenę distribuebantur , & tanta erat harum solemnitas , ut luctus publicus cessaret , de hoc enim narrat Ælius Spartianus , quod Ælius Verus prohibuerit , strenarum causa , ne Commodum mortuum circa Kalendas Januarii lugerent . Hac die novi *Coss* dicebantur annum aperire , annum designare , ac fastos resserare ; Istà autem munera , quæ sub strenarum nomine Amici , Amicis Kalendis Januarii nna cùm votis offerebant , adhuc perdurant , nostris enim temporibus ad Anni principium , salutem prò toto Anno præcantur , & strenam poscunt , ut vulgò dicitur *buona mano* ,

no, ò *sia mancia di Natale*; undè apud Martin. Lipenium in suo lib. de Stren. Italos singulis annis in Kalendis Januarii strenas pueris, servis, & aliis, boni ominis gratia, exhibere, & munera hæc tradere solitos esse legitur; imò institutis Bacchanalibus, choreas ducunt, saltant, personati per civitatem incedunt, convivia splendida parant, & quoquo modo infaniunt. Strenæ autem variæ antiquitus fuerunt; primò scilicet herbaceæ, postea in ære, argento, in auro signato, in annulis, in vestibus, in libris, in Vino, in avibus, in pateris, & in carminibus, & istæ carminum Strenæ poeticæ dicebantur, quarum exempla exhibet citatus Lipenius.

C A P U T VIII.

De usu Lucernarum ad Fenestras.

IN publica lætitia, & in sacris Feriis appendere luminaria ad januas, & fenestras, usus est antiquissimus apud Hebræos, Græcos, Romanos, & Ægyptios; sic Persius

Herodis venere dies , unctaque fenestra .

Dispositę pinguem nebulam vomuere lucernę .
 & hoc dicit , quasi esset vitiorum sui ævi
 gravis castigatō , & sic Romanorum levi-
 tatem arguit , qui se Judeorum superstitionibus obligaverant ; Hebræi siquidem in
 suis Sabbatis talem letitiam adhibebant ,
 quem usum ab Ægyptiis acceperant ; He-
 rodotus enim ait festum diem egisse Ægyp-
 tios lucernis impositis , & à Græcis dice-
 batur festum luminum ; huic usui allusisse
 Juvenalem puto in Sat. 12. , dūm canit

..... longos erexit janua ramos ,

Et matutinis operatur festa lucernis .
 alii itā legunt

Et matutinis operitur festa lucernis .
 sup̄r quem locum , itā scribit Lubinus :
*Ex consuetudine hoc ait , Poeta , quā in om-
 ni publica , & privata letitia receptum erat ,
 januam ornari lauro , & lucernis .*
 Ovidius in Epist.

Undique collucent præcinctæ lampades auro .
 Seneca in Thyeste Act. 1.

*Ornetur altum columen , & lauro fores
 Lætæ virescant , dignus adventu tuo*

Splen-

Splendescat ignis

Claudianus de Nupt. Honor.

Plurima venturæ suspendunt lumina nocti.

& Statius de Stellæ nuptiis lib. 1. Sylvar.

*Fronde virent postes, & fervent compita
flammis.*

Mos autem iste appendendi fenestris luminaria apud Sinas in festis, & publica lætitia observatur, ut ait P. Mapheus lib. 6. histor. ind., his verbis; *Parietes, fornicesque, viridi fronde, micantibus rosis, & pretioso peristromate vestiuntur; Fragrant odoramentis, ac floribus viæ; accensis funalibus, ac laternis arbores, pergulae, fenestrae collucent, &c.;* Quin, & talis consuetudo apud veteres Christianos invaluit, teste D. Paulino Natal. S. Fœlicis 6. dùm canit

Multiforesq; cavis lyncos laquearibus aptent,

Ut vibrent tremulas funalia pendula flamas.

Viget pariter, & hic mos comendabilis apud nos, & vel ob adventum Principis, vel ob Summi Pontificis creationem, vel ob festum Sanctorum, super fenestras domorum noctis tempore apparent accensæ lampades in tali copia, ut totas illustrent

Plateas , ac illuminent Vias ; ità visum fuit ob festum Canonizationis nostræ Sanctæ Catharinæ Vigriæ Ferrarien. , Monialis Illustris Ordinis S. Claræ , dùm 22. Mensis Octobris Anni 1712. in Nocte , tota nostra hæc Civitas illuminata fuit , ità ut quælibet etiàm parva fenestella proprias haberet lampades ; adeoque nox illa clarior esset die ipso , atquè potest justè dici illud festum , & quò ad luminaria , & quò ad alia pomparum genera , singulare in nostra Urbe , saltem nostris temporibus.

C A P U T IX.

De Fibulis .

Fibulam dicit ornamentum cinguli ad subligandam vestem , tàm virilem , quàm uxoriam , in suo Lexico juridico Calvinus ; cujus mentionem facit Plinius , & Bayfius ; moralitèr autèm Seneca dixit Fibulam imponere , prò eo quod est coercere , & reprimere ; hujus contrarium est laxare fibulam , hoc est ansam ministra-

strare , aut fenestram aperire ; undè Ter-
tullianus de cor. milit. ait ; *ut etiàm delictis*
fibulam laxet ; Propriè verò loquendo fibu-
la à verbo latino *fibo* derivat , vel à verbo
fibulo , à findendo autèm fibulam dicit Sca-
liger , quasi findat id quod perforat ; cer-
tè autèm fibulare conjungere significat ,
undè Columella lib. 1. ait *omnesque parietum,*
& soli juncturæ testaceis pulvinis fibulantur .
Intelligit hìc autèm Columella de fibula ar-
chitectonica, de quà Vitruvius lib. 1. tractat.,
quæ cùm ferrea sit , tigna conjungit ; tria
enim esse fibularum genera , ait Casalius
nempè Architectonicam , Vestiariam , &
Gymnasticam ; Vestiaria fibula , est pro-
priè circulus , & ornamentum cinguli ad
vestem subligandam , & hanc fuisse in nu-
mero ornamentorum muliebrium inquit
Prudentius

..... *crinalis acus , redimicula , vittæ ,*
Fibula , flameolum , strophium , diadema ,
monile .

Viris etiàm ornamentis fibulæ fuere in Pe-
nulis , Clamide , Toga , Paludamentis , &
Palio ; hodie talis est fibularum usus , ut

calceamenta etiàm stringant , & ornent .
 Fibulæ porrò ex ferro , orichalcho , argento , auro , ære , ac gemmis ornate apparent , sic de ferrea mentionem agit Quintilianus lib. 6 . , de Ænea Festus de verb. signif. his verbis : *proptèr æris usum antiquissimum fibulis* ; Argentea utebantur milites mediocris fortunæ teste Casalio , aurea fibula Aurelianus primus usus fuit ; & de hac Virgilius in 4. Æneid. cecinit

Aurea purpuream subnectit fibula vestem .
 de Gemmata Imperatorum fibula meminit Trebel. Pollio in Gallieno ; *Gemmatiss fibulis , & aureis usus est .*

& Virgilius in 5. sui Poematis

..... lato quam circumplectitur auro

Balthæus , & tereti subnectit fibula gemma .
 Curiosa est Fibula , quæ Gymnastica à nonnullis dicitur , quæ Cantoribus , & Comædis præcipuè inserviebat ; hæc siquidem ponitur à Casali prò circulo æneo , quo virilia adolescentulorum solebant coerceri vocis conservandæ gratia , quæ ex Veneris usu asperior reddi solet ; undè Corn. Celsus de Re medic. lib. 7. ait : *Infibulare quoque*

què adolescentulos interdum vocis , interdum
valetudinis causa , &c. , de hac meminit Ju-
venalis Sat. 6.

*Solvitur bis magno Comedi fibula , sunt quæ
Chrysogonum cantare vetent .*

Paritèr Athletas , etiàm in Palestra pu-
gnantes fibulam usurpavisse , docet Mar-
tialis lib. 7. Epigr. 81.

*Dum ludit media populo spectante palestra ,
Delapsa est misero fibula*

de quibusdam fibulis inventis ad venereum
concubitus impediendum ab Antiquis Ze-
lotypia correptis , quibus mulierum puden-
da coercebantur , mentionem facit Henr.
Salmutus in not. ad Pancirollum ; quem
usum etiàm memorat Martialis lib. 14. ;
hìc autèm immorari nolo , dùm res est pa-
rùm honesta .

CAPUT X.

De Analectis , & Lictoribus .

A Nalecta sunt reliquie , quæ cadunt è mensa , dùm comeditur , ità suadentibus Turnebo , Stephano , Calvino , & aliis ; quæ in solemni , lautoque convivio in terram decidunt , & propriè sunt Quisquilix Ciborum , quas tollere nefas erat , cùm Amicis defunctis , atquè Heroibus essent consecratæ , undè , & peculiare apud Ethnicos sacrificium fuisse legimus dictum Protervia , in quò igne consumebatur quidquid ex epulis superfuisset ; & ità debere intelligi elegantem illum locum Catonis apud Macrobiū , ait Hildebrandus , nàm cùm quidam nomine Q. Albidius sua bona comedisset , & novissimè domum , quæ ei reliqua erat , incendio perdidisset , *Proterviam* eum fecisse dicebat Cato , quod comesse non potuerit , id combussisse . Analectæ autem servi dicebantur , qui reliquias cenæ , aut ea , quæ ceciderant
de

de mensa colligere solebant, ut legitur in lexic. Juridico. Præterea Analectæ suadente Jos. Laurentio etiã illi dicebantur, qui lectione multa exercitati memorię essent firmissimę, ut quidquid legerint, & audierint scirent; Liectores verò in historia Romana illi servi erant, qui fasces virgarum ligatos cùm securibus Magistratui præferebant, ejusquẽ jussu delinquentibus plagas ingerebant; istis usi sunt Magistratus majores, qui potestatem, ac imperium habuere; Liكتورum porrò munus erat, ut populum summoverent, fontes virgis cæderent, & securi ferirent; differunt autẽm à Carnifice, per hoc, quod Liكتور tantũ in Cives romanos agebat, perduellesquẽ virgis, & securi more majorum percutiebat: Carnifex autẽm crucifigebat, strangulabat gullam frangebat, & alia supplicia servis, peregrinis, & illis, qui Cives non erant romani, irrogabant; & hanc distinctionem Liكتورis à Carnifice exhibet Poletus in hist. for. rom. lib. 5. cap. 14. Plura de Liكتورibus dabit Lipsius in Elect., & Illmũs D. Anto. Bombardinus in lib. eruditiss. de carcere.

ADVERSARIORUM
JOSEPHI LANZONI
LIBER TERTIUS.

AD ILLUSTRISSIMUM
D. SEBASTIANUM
ROTARIUM

Medicinę Doctorem Veronensem eruditiss.

CAPUT I.

De Juramentis.



Uramentum affirmatio est, vel negatio, sacre rei assertionem, vel attestationem firmata, ut tum maximè jurare dicamur, cum Deum invocamus testem; & hoc multiplex est, Voluntarium, & fiebat absente Judice, quando pars parti deferbat juramentum; Aliud dicitur ex conven-

ventionem . Tertium est necessarium , de quibus Juristę consulantur , sicuti de juramento affectionis , hoc est in litem jurare ; De juramento Calumnię mentionem faciunt Doctores , quod juramentum præstatur de bona conscientia , suęque causę bonitate , quàm quis opinatur , & dicebatur olim , quod litigatoribus ita deferebatur , ut actores quidem jurarent , se non calumnię causa litem intendere ; erat etiã aliud juramenti genus , nempe per depositam pecuniam , de quo meminit Alex. ab Alexand. lib. 6. Gen. dier. cap. 4. , & hoc erat , ut si quis peteret quod inficiaretur , dubia argumentorum fide , ambo , petitor , & reus , æreos quingentos apud Pontificem deponerent , quod juramentum dicebatur , & demum rē discussa victor pro quò staret iudicium , nummos reciperet , victi verò ad ærarium ferebantur .

Notat autem Poletus calumnię juramentum , de quò paulò ante , sublatum fuisse propter periurii metum , cum ex philautia ferè semper plus æquo suę causę favent litigantes .

Pon.

Pontificibus Gentilium non licuisse jurare per Liberos, sed per Deos, ait Alex. ab Alexand. lib. 2. cap. 8.

Judices jurare solitos fuisse in leges advertit Ascon. Pedianus in 2. in Verrem, antè quàm judicarent; idemquè affirmat And. Tiraquellus in not. ad Alexand.

De juramento Magistratuum meminit Cor. Tacitus, inhibitum enim fuerat olim prò Magistratu aliquid agere, nisi priùs sacramento adactum esset, quod ideò cautum ferunt, ne spe, & cupiditate improba honores assumerent, jurabant enim apud Consulem solemne jusiurandum per Deos; postea ut in acta Principum jurarent Cæsarium temporibus servatum est.

Varias, & curiosas jurandi formulas apud Antiquos, refert Alexand. ab Alex. lib. 5., ut per terram, per amnes, per fontes, per undas fluentes, quod sanctissimum juramentum fuisse Græcorum veteres credere, ut videre est apud Plutarcum in vita Demostenis; de juramento per regium Sceptrum meminit Homerus lib. 1. Illiad.

..... *super magnum jusiurandum juro.*

Cer-

Certè per hoc Sceptum

Athenienses per Isidem jurabant , & Thebæi per Osiridem in nubibus existentem , teste Diodoro lib. 1. Scitas per Ventum juravisse monet Lucianus ; Traces per Mercurium juravisse , ait Herodotus lib. 5. Perfas per Solem , teste Æliano ; Ægyptios per alium , porrum , & cæpas , velut per Numina , undè Juvenalis Sat. 15.

*Porrum , & cæpæ nefas violare , ac frangere
morsu ;*

*O sanctas gentes , quibus hæc nascuntur
in hortis*

Numina

Zenonem per Capparim sua juramenta fecisse , ait Laertius ; De juramento Jonum per Crambem meminit Athenæus ; Socrates per Canem , & per Platanum Tertullianus , Lactantius , ac Philostratus meminere ; Sophocles per Castorem , & Polucem jurabat si Straboni credamus ; Ætyopes per Defunctos suos , quorum corpora vitro servabant juravisse , ait Alexand. ab Alex. Frequens apud Romanos juramentum erat per Deos , per Cælum , & Terram , Sydera ,

dera , ac mare , per Genium Principis , de quo suprà ; per caput suum , &c. , de quibus plura cupienti dabit cit. Alexander. lib. 5. cap. 10. Solummodò nequeo præterire curiosam jurandi Romanorum formulam à Livio relatam in Dec. 3. lib. 2. , ubi de Scipione ait , quod cùm in hospitium Metelli venisset , & cùm concilium ibi juvenum invenisset , stricto supèr capita consultantium gladio ; Ex mei animi sententia , inquit , juro , ut ego Rempublicam non deferam , nequè alium Civem romanum deferere patiar ; si sciens fallo , tùm me Jupiter Opt: Max. , domum , familiam , remque meam pessimo Letho afficiat. Notandum porrò soli Flamini jurare non licuisse , ut testantur Fest. Pompejus , Plutarch. , & Livius . Censorum autèm munus apud Romanos varium cum esset , ità circà morum disciplinam versabatur , & præsertim in cohibendo epularum sumptu , in perjuriis castigandis , atquè in cognoscendis juramentis ; notat enim Gellius juramenti cognoscendi jus ad Consulum Magistratum spectavisse ; Quomodò autèm
jura-

jurarent Milites , & quomoddò veteres
solerent jurare totius Exercitus nomine ,
docet in lib. 1. cap. 20. Gen. Dier. Alexand.
ab Alex. , & post eum Tiraquell.

De modo jurandi tactis aris , meminit
Horatius

Jurandaſq; tuum per nomen ponimus aras .

Jurare in alteriùs pernitiem , & jurare in
leges alteriùs , confuevere veteres ; de pri-
mò Ovidius in Epistol.

In me jurarunt ſomnus , ventuſq; fideſque ;
de altero Plinius de vir. illuſtrib. meminit :
Aqua , & igni interdixit , ei qui in leges ſuas
non juraffet , Similitèr jurabant in verba al-
teriùs , de quò juramento loquitur Livius :
Citati milites nominatim apud Tribunos mili-
tum in verba P. Scipionis jurarunt , & nunc
etiàm dicitur jurare in verba Magiſtri , de
eis , qui clauſis oculis aliorum opiniones
ſequuntur .

Nunc , relictis Etnicorum juramentis ,
aliquid de juramento Chriſtianorum deli-
bandum eſt . Jurare enim Chriſtianè ſum-
prum , ut ait Ambroſ. ad Valent. Imper.
eſt ejus quem teſtare fidei , præſulem Divinam
poten-

potentiam confiteri ; vel clariùs est invocatio divini nominis in testimonium alicujus rei ; ut inquit Paul. Layman. Spontè autèm, & sinè necessitate jurare, vel falsum jurare peccatum est, juxtà Lombardum, ex necessitate autèm jurare, vel ad asserendam innocentiam, vel ad pacis fœdera confirmanda, vel ad persuadendum auditoribus, quod eis utile est, malum non esse, ait cit. Lombard. In primitiva verò Ecclesia per altaria, Evangelium, reliquias Martyrum jurari legimus, sic apud Reginon. Thessilo per Corpus Dionysii, Germani, & Martini juravit. Apud S. Petrum Damianum Wido Archiepis. ad S. Altare juravit, & Arnulphus manu supèr S. Evangelium posita juravit : *sic me Deus adjuvet, & ista S. Evangelia* ; Clerum etiàm suum tactis S. S. Evangeliiis jurare fecit, ut hodie apud nos etiàm fit ; immò sæpè tacta qualibet pagina Notariorum, jurare nos dicimus ; & Sacerdotes apud nos jurant tacto pectore sacerdotali.

Eduardus Rex Angl. autore Arndio, in suo lexic. jurare solebat per Deum, & Matrem

trem ejus ; Apud Gregor. lib. 5. Epist. 33. hæc jurandi formula legitur *Juro* per Patrem , & Fil. , & Sp. Sanct. , & Corpus B. Apollinaris Martyr.

Concil. Eliberit. can. 52. vetavit , ne Pueri antè annos 14. jurare cogantur , & Concil. Tribur. de controversia intèr Laicum , & Presbyterum , ait „ Laicus per „ juramentum si necesse sit expurgetur ; „ Presbyter autèm vicè juramenti per „ S. Consecrationem interrogetur , quia „ Sacerdotes ex levi causa jurare non debent .

Cuspinianus refert , Othonem Magnum Imperatorem more veterum Germanorum , barbam in pectus promissam gestare solere , & per eandem , si quandò seriò loquebatur , jurare .

CAPUT II.

De Tabaco.

A Brasilianis, juxtà Tevetum, Tabacum vocatur *Petum*; ab Americanis dicitur *Petick*; ab Hispanis *Nicotiana* nuncupatur à Jo: Nicot. ; qui temporibus nostrorum Avorum hanc plantam primò tulit in Gallias, quàm Reginæ donavit, undè à multis dicitur *Erba Regina*; hoc accidit autèm anno Sal. nostræ 1559.

Ideòque Maximilianus Zavona Tabacum etiàm nomen ferre ait herbæ Caterinariæ à Reginæ nomine, vel Mediceæ; eo quod Catherina Medices nuncuparetur.

Dodoneus vocat hanc plantam Hiosquium Peruvianum, Camerarius dicit plantam indicam vulnerariam, & Lugdunenses in Gallia Buglossam antarticam vocant.

Tandem aliqui, dicunt Tabaci plantam, Panaceam, Lanam sanctam, Piperinam, Petebecenæm, alii Onosmion Æginetæ, & Anguelmoisinem, & Uppovochum;

In.

Insupèr acquisivit nomen herbæ Sanctæ Crucis per hoc , quod Prosperus Sancta Crux Sedis Apostolicæ Legatus apud Lusitanos , eam tulit primus Romam , teste Clariss. nostro Aloysio à Fabra in Diff. de Peto.

Dicitur verò Tabacum , à *Tabac* insula Floridæ , ut monet. C. Hoffman. Primus in Europam semen ejus detulit Thevetus , in Lusitaniam misit Franc. Hernandez , sicut in Hispaniam ; in Angliam primus Tabaci semen contulit Franc. Draeck Anglicus argonauta .

Quatuor sunt ejus differentiæ , juxtà Mangenum de Tabac. , nempe Masculum , & Fœminam , minus , & Tabacum Arabicum ; de quibus differentiis legatur citat. Mangenus ; De hujus plantæ descriptione concinna legi possunt apud Monard. , Schroder , Bavhin. , Neander , Alstedium , Rajum , & Mangetum in sua Bibliot. Pharmaceut. lib. 19. Hic notandum , apud Indos perpetui viroris esse Tabacum , in Europa verò non itèm , & licèt hanc plantam siccitatem magnam , hoc est particulas Salino-

Sulphureas habere putetur , attamen , ipsam aqua gaudere certum est ; Zenonem , pulveris Tabaci ignarum , ut pararet mentem ad studia Eleborum pulverizatum per nares assumpsisse notat cum Gellio Illustris. D. Ant. Maria Salvinus in Academ. Sermon. , qui inter laudes datas pulveri nicotianæ , ait istum Amicitiam conciliare , & ad instar Vini lætities humano generi afferre ; cujus Tabaci dotes poeticè exaratas , suavis musa Clariss. D. Hieronymi Baruffaldi Amici mei carissimi , omnique virtutum genere instructi , dabit in suo Dityrambo de Tabaco.

Fumum Nicotianæ accensæ per tubum in os attractum , cujus frequens est hodie usus , vel potius abusus , aliqui damnant , inquit enim Hoffmannus , se vidisse cadavera , quorum capita dissecta exhibere cerebrum interiùs nigri coloris ; quod idem affirmat D. Boucheret apud Rajum ; Alii verò hunc usum laudant , quatenùs lympham excrementitiam ellicit , & catharos exsiccat , undè evacuatis oris , ac faucium glandulis , dentium dolori , & capitis gra-

ve-

vedini auxiliatur, insupèr aiunt aliqui ventriculum corroborare, concoctionem promoverè, & aluum lenitèr solvere, quod, an sit verùm, fides sit penes eos; certè tamèn scio, multos esse, qui ad longum tempus tali fumo utuntur, & nullum sentiendo nocumentum, vitam longam protrahunt sani;

Foliorum pulvis naribus attractus, qui mos in nostra Italia usitatissimus est, vires addit, animum auget, & ad labores tùm animi, tùm corporis facilitèr tolerandos maximè facit, dummodò modus non excedatur, referente Hernandez; qui autor etiàm addit, pulverem hunc per nares assumentes, verbera, & cujusvis generis supplicia minimè sentire, quod ego nequaquàm concedo; Advertit autèm Zavona, omnes illos, qui potatores vini dicuntur, qui propriè, non ut vivant nati sunt, sed, ut bibant, celebres esse etiàm tabacarios, idest magnam hujus pulveris copiam assumere, & rationem addit ipse citatus Medicus, quia Tabacum assumptum sitim parit; ideòque aliqui putant pulverem taba-

ci non deonerare , sed potius caput onerare , & ità ipsum cerebrum debilitare , unà cum aliis sensibus , adeòque mortem accelerare dixit citat. Zavona pag. 49. , immò nonnulli ex Peto oleum parant , quod est validissimum venenum , ut testatur Dom. Redi , & post illum Ego in meo de Venenis Tractatu non dùm impresso .

Licet verò tot damna ex ab usu Nicotianæ oriantur ; attamen , sua affert juvamenta hæc nobilissima Planta humano generi ; Sic Folia sua viridia , contusa , & apposita sedare podagræ dolores , ait Rarius . Ad calculum abigendum aquam nicotianæ multum valere scribit Zacutus ; ad dentium Dolorem fugandum tabacum calcinatum in crucibulo valdè validum esse inquit in sua Bibliot. Pharmac. Clariss. Mangetus omni laude dignissimus .

Tabacum comendatur ad pestem , ad paralysem , ad diarheam , & testatur Anton. Recchus , fumum Tabaci in uterum inspiratum , in ejus suffocatione , mira prestare .

Lixivium Tabaci frequentèr adhibetur
in

in Psora , & Lepra pecudum , ac jumentorum ; cavendum tamèn , ne ad scabiem , & pediculos puerorum adhibeatur : scribitur enim in decur. 2. an. 4. Miscel. Curios. pag. 46. foeminam quandam prò capitis scabie , & profligandis pediculis , tabaci vulgaris pulverem butiro permixtum tribus filiis ilinivisse , qui mox omnes in Vertiginem , & vomitiones incidere , cùm sudore , & animi deliquio , atquè per horas 24. veluti temulenti apparuerunt .

Mulierem Bononien. , ex nimia Tabaci masticatione , febris ardente correptam , cùm pravis symptomatibus , se vidisse testatur Dan. Angelus obs. 76. an. 8. decur. 1. Acad. Curios. ; Scroderus autèm ait , se vidisse quendam , qui mictionem nocturnam tabaci suffitù præcavit ; sicuti ex eodem suffitù Epilepsiam foveri exemplo notabili ostendit D. Schelamergus in Miscel. Cur. dec. 2. an. 7. obs. 196.

Quercetanus Syrupum Tabaci comendat in asthmate , quod remedium ego pluries proficuum expertus fui in praxi facienda , ob salem volatilem acerrimum , quò

scatet Petum ; De succo recenti vulneribus foelicitè instilato meminit Ettmulerus in Scrod. dilucid. Tabacum deniquè vino maceratum , si exhibeatur prava excitabit Symptomata , de quò plura in meo de Venenis Tractatu : De Tabaco sic cecinit suavis Musa Clariss. Francisci Arisi :

*Est nostræ exemplar vitæ , Bigate Tabacus ,
Ut fumus perit , ut pulvis , & ut folium .*

C A P U T III.

De Esu Locustarum .

Locustarum Esu Judæis olim lex mosaica permisit, ut ex Levitico apparet , sic etiàm legimus apud S. Evangelistas Jo: Baptistam D. N. I. C. Præcurso- rem in Deserto Locustas manducavisse ; quod postea causa fuit , Scriptores disputare , an esus locustarum sit innocuus, vel an propriè Locustæ fuerint , an potius summitates Plantarum , an Pisces , &c. In præsentì capite nos aliquid de Locustarum esu dicamus . Cæl. Rhodig. lib. 28. Orien-

talibus gratam esse locustam in cibum, ait. Diodorus Siculus scribit Ætiopes comedere locustas volantes ingenti fumo necatas, quæ ultrà valles in tanta copia decidunt, ut victum omni genti abundè præbeant; In ipsa Græcia idem cibus fuit in usu, teste Bocarto de Anim. S. Script. lib. 4. qui hoc probat textu Aristophanis Comici antiq. & Athænei lib. 4.

Pars quædam Ætyopum, ait Plinius; locustis vivit; itèm Solinus scribit Confines Mauritaniæ certo tempore Locustas terrestres legere, duratasque sulfugine in præsidium vitæ solas habere; Dioscorides paritèr testatur, illas in usu fuisse prò cibo; Aliosque plures populos Locustis vesci refert Aldrovandus lib. 4. de insectis.

Cæterùm, quod tali cibo usus esset Jo: Baptista in Deserto asserunt D. Hieronym., Origenes, Hilarius, Augustinus, Corn. à Lapide, Bocartus, Natal. ab Alexandro, Bernard. Lamy, & alii plures; nec enim omne Locustarum genus Judæis interdicebatur, ut videre est in Levitico cap. 11., Talmudistæ autèm distinguunt inter
Lo.

Locustas, alias mundas, alias immundas
ut notat Lamy.

Isidor. Pelusiota verò, & alii volunt
Locustas Jo: Baptistæ fuisse summitates her-
barum, ac foliorum, quibus vesceretur.
Prò locustis Beza accipit pyra sylvestria
quæ à Columella vocantur agrestia pyra.
Alii referente Cornel. à Lapide, bellaria
esse ex mele, & oleo confecta dicunt; Mul-
ti esse Cancros marinos volunt; Alii esse
quasdam herbas, quas vulgò rapuncula vo-
cant, dixere. Gaza apud Aristotelem prò
Locustis, quæ comeduntur, intelligit Squil-
lam marinam, quæ secundum Ælium
est cicada marina, sive gammarus Colu-
mellæ, verum cum S. Jo: Baptista longè
à Mari esset in Deserto, perperam dicitur
squillis enutritum fuisse; credo enim ego
ut suprà dixi, verè Baptistam, animalia in-
secta, quæ propriæ locustæ dicuntur, co-
medisse, undè Prudentius canit

Parum locustis, & favorum agrestium

Liquore pastum

Et S. Mater Ecclesia

*Cui latex austum sociata pastum
mella locustis.*

Plu.

Plura de hac re vid. Aldrovand. de insect: lib. 4.

C A P U T IV.

De Horis.

H Ora tempus significat, hoc est quamcunque temporis partem, sive diurnam, sive nocturnam; hinc quatuor Anni tempora hoc est, (*Ver, Hyems, Æstus, & Autumnus*) à nonnullis horas dicta fuisse, ait Rob. Stephanus.

Proprie verò sunt partes illæ temporis; in quas distinctus est dies; & istæ primò duodecim fuere institutæ, cujus ordinationis talem fuisse originem legitur. Quodam tempore Hermes Trismegistus, cùm esset in Ægypto sacrum quoddam animal Serapi dicatum, quo in toto die duodecies urinam fecisset, pari semper interposito tempore, per XII. horas diem dividi debere conjecit; & exindè hìc horarum numerus longo custoditus est tempore; postea in XXIIII. horas divisus fuit, asserente
Pli.

Plinio . De diei divisione ità Censorinus ;
Dies partim naturalis , partim civilis , naturalis tempus est ab Oriente Sole , ad ejus Occasum , cui contrarium est Nox ab occasu Solis ad ejus ortum ; Civilis autem dies est , qui fit uno Cœli circuitu , quò verus dies , & nox continentur .

Horæ autem erant antiquitus inequales, majores enim in Æstate , minores verò in Hyeme , quia dies æstivi longiores , hyemales breves ; undè horologia etiam incerta fuisse , ait Laurentius in Polymat. lib. 1. ; hinc Seneca ait ; *faciliùs inter Philosophos , quàm inter horologia conveniet .* Pulcherrimum est Martialis Epigramma in lib. 4. de horarum diei divisione ; quò rogat Euphemum Structorem mensæ Domitiani , ut ex suis carminibus , ea , quæ jocosa sunt ostendat Imperatori , tantum , cum cenaverit , ea verò , quæ sunt severiora antè cenam ; Sic Poeta

Prima salutantes , atq; altera continet hora
 undè patet ex hoc carmine primam , & secundam horam salutationibus fuisse destinatas , ut ait Illustriss. D. Patarolus in not. ad Orat. veter.

Exer-

Exercet raucos tertia Causidicos.

& hoc secundo versu ostendit Poeta , tertiam diei horam in litibus agitandis fuisse consumptam , ut & quartam .

In quintam varios extendit Roma labores.

hoc est Romani in varia opera quintam horam diurnam exercebant .

Sexta quies lassis , septima finis erit.

Quietem verò à laboribus usurpavisse horam sextam insumentes non omnes , ait Ramir. de Prado ; sed tantum lassos , qui velut interiungebant usquè ad septimam ; à septima in octavam hi lavabantur , quamvis in hoc epigrammate nulla lotionis fiat mentio ; attamen hìc est versus.

Sufficit in nonam nitidis octava palestris.

Intelligunt hìc interpretes , ab octava in nonam palestris se exercuisse Romanos , quorum exercitationi aderant frequentes spectatores usquè ad nonam , quàmonebantur cenatum ire .

Imperat extructos frangere nona toros.

Explicat *frangere toros* Domitius , prò accubitu supèr toros ; accumbebant enim quandò cenabant .

Putat autem Ramir. de Prado, sextam horam, septimam, octavam, & hyeme nonam in lavatione consumi à diversis; Robustiores, vel qui in palestra postmodum se exercere volebant, vel curiosi palæstræ Spectatores sexta, & septima se lavabant, delicatiores octava, quia sexta, & septima nimis balnea calerent; Est autem nona hora velut indictio quedam cene, quæ monebat ministros, ut lectos sternerent, cenamque pararent, post nonam enim epulandum erat, ut testatur vetus Horatii commentator ad Od. 7. lib. 2. his verbis: *Romanorum consuetudo fuit, ut post nonam convivarentur*, sequitur Epigramma

Hora libellorum decima est Eupheme meorum

Temperat ambrosias cum tua cura dapes,

Et bonus ætherio laxatur nectare Cæsar,

Ingentique tenet pocula parca manu;

Tunc admitte jocos, gressu timet ire licenti

Ad matutinum nostra Thalia Jovem.

Horologia ad diem mensurandum, & horas distinguendas inventa sunt, cujus inventionis Autorem fuisse Anaximenem Mellenium, ait Laurentius; talia Horo-

lo-

logia à multis Clepsydre vocabantur, quòd aquam intùs habebant inclusam, quà horæ notabantur; de quibus leg. Vitruvius. Quia verò ista Horologia plerumquè in foro prostabant, Puerorum, ac Servorum munus erat horas observare, & numerare, indequè nunciare, undè Juvenalis

Quem dicat venisse Puer, quot nunciat horas.
& Martialis in lib. 8. Epigr. 67.

*Horas quinque puer nondū tibi nunciat, & tu
Jam conviva mihi Ceciliane venis.*

An verò tintinabulis horas indicarent horologia, tempore sequenti non negat Laurentius, sic idem Martialis cecinit

*Redde pilam sonat æs thermarum, ludere
pergis;*

Habebant etiàm antiqui horologia excitatoria, ad juvenes excitandos, hodiè forsan *Svegliarini* dicuntur; undè Lucianus in Dialog. ait, *manè ad tintinabulum expectatus*, &c. Erat etiàm horologium portatile, quod secum ferebant veteres Etnici, ad dignoscendas horas; & Vitruvius appellat talia Horologia, *viatoria pensilia*. Hodie elegantissima fiunt in Anglia, Gallia,

lia, &c. talia Horologia portatoria, ac caro pretio venduntur in nostra Italia.

C A P U T V.

De Lacte in Viris.

QUæstionem agitat Eruditus Casp. à Reies in suo Camp Elyf pag. mihi 574. an scilicèt lac in Viris, & Virginibus generari, ac in illorum mammis inveniri possit? Ego inpresentiarum tantumodò aliquid notabo de Viris, qui lacte per proprias mammas emisso, dulces sui spectaculum fecerunt.

Aristoteles concedere videtur per suctum frequentiore posse lac in Viris provenire, immò in lib. de Animal. ait, se vidisse in Viro tantum lactis emulsum, ut caseus sit confectus; Vesalius in Anatom. non semel, sed pluries lac in Viris se conspexisse asserit; Alex. Benedictus ait, Syrum se quandam vidisse, cui filius infans mortua Matre supererat, & huic, ut famem vagientis pacaret, ubera admoveere sæpè solitum fuisse.

fuisse , assiduequè suctu lacte manasse papillam , quò exinde filium nutrit ; sic multos fuisse homines , qui necessitate compulsi proprios filios lactavere , scribit Casp. à Reies ; De milite narrat Clariss. D. Joh. Ludovic. Hannemanus in Miscel. Cur. dec. 2. an. 5. , qui paritèr , mortua conjuge , infantem lactavit ; Sexagenarii lactantis historiam raram eruditè , refert in Append. Misc. Acad. Curios. an. 5. decur. 2. Excellentiss. , omniq; laude dignissimus D. Christ. Franciscus Paulinus Acad Naturæ Curios. maximum Ornamentum , ac Lumen ; De pluribus Viris lacte præditis , atquè à Natura donatis , memini ego in meis Animadvers. pag 119.

Infantem primo mense lac è papillis red-
dentem copiosum se observavisse , scripsit
Cardanus lib. 12. de subtil. Insupèr Mar-
cellus Donatus de homine refert , qui ex
mammis lac in manifesta quantitate emit-
tebat ; Et narrant qui novum Orbem lustra-
runt , teste Andr. Laurentio in Anatomia
Viros penè omnes maximam lactis copiam
habere , quà filios enutriunt .

CAPUT VI.

De Vinculis diversis Antiquorum.

INtèr veterum vincula , nonnulli numerant Reticula ad illaqueandas Feras, & capiendas Aves; Laqueus pedum *pedica* vocatur , de qua Poeta cecinit in Bucolic.

Ut captam pedicis circumdat aranea muscam.
Boiæ dicebantur vincula quædam tam ferrea , quàm lignea velut juga bouum.

Capistra vincula erant , quibus ligabantur vites, & alia , undè Columella lib. 4. ait , *cum ad summum palum recta vitis extensa est capistro constringitur* . Immò à multis summuntur pro capitis vinculis in equis, & jumentis , hinc Martialis ait

Paret purpureis aper capistris .

Panagron dicebatur rete piscatorum.

Numella ligneum erat vinculum , quò reorum pedes, & colla in rotunda foramina immittebantur , & ibidem constringebantur ; de quà ait Plaut. in Asin.

Ner-

Nervos , catenas , carceres , numellas &c.

Numella etiàm , teste Festo , genus est vinculi , quò quadrupedes alligantur , sic Varro lib. 2. rei rusticæ ait : *ut possint alligari levibus numellis .*

Catastæ nomine aliqui intelligunt compedem servilem , ut Persius inquit

Capadocas rigida pingues pavisse Catasta .

Alii volunt Catastam , esse locum , ubi venales Servi exponebantur ; undè Statius canit in Sylv.

Non te barbaricæ versabant verna catastæ .
Compedes , vincula propria sunt pedum ; Horatius Epod.

Dura compede perustus crura .

Catena vinculum est ferreum , quò vel Servos , vel captivos , vel animalia etiàm iretimus , ne effugiant ; Sic Silius italic. lib. 7.

..... Arcta servari catena .

& Horatius

..... bunc tu compesce catena .

Lorum dicebant veteres corrigiam , quæ ex corio vinculum est , sumebantur etiàm prò retinaculis Lora , & prò habenis ju-

mentorū , sīc Ovid. in Metham. 2.

*Collajuga erumpunt , abruptaq; lora relin-
quunt .*

Epidromes etiā dicebantur funiculi discurrentes , quibus retia panduntur contracta , & contrahuntur expansa , authore Polluce , qui Epidromos , & Peridromos vocat . Manicæ , propriè manuum vincula sunt , undè in Psalm. habetur : *nobiles eorum in manicis ferreis* . Sīc Virgilius canit
*Ipse viro primus manicas , atq; arcta levare
Vincula*

C A P U T VII.

De Militaribus Pēnis .

DUplices videntur fuisse pēnē militares apud antiquos , leviores nempe , & acerbiores ; lenis fuit animadversio , quæ tantum inferebat ignominiam ; & hæc multiplex fuit ; I. Per mutationem militiæ , quod erat ab honestiore loco , in humiliorem transferri ; II. Cum venam solvi militi reo jubebant , & sanguinem
mit-

mitti; III. Cùm fossam ferre, exercitu inspiciente, miles cogeretur. IV. Cùm hastam dare cogebatur, & hæc pœna dicebatur *Censio hastaria*. V. Cùm miles reus stans, cibum, & potum sumere coactus erat, quod tamèn intelligendum de cœna, nam in prandio usitatum erat stare. VI. Detractio calcei nota erat infamiæ, ac militaris ignominia; paritèr discincto, & habitu turpi prostitui, apud milites antiquos pœna fuit. VII. Lævitèr quoquè puniebant militem veteres Romani, cùm extrà castrum, aut vallum miles tendere jubebatur, interdum, & sinè tentoriis. VIII. Cùm stipendium subtrahebatur, qui milites *ære diruti* dicebantur, & *æs resignatum* militi dicebatur, teste Hildebrando, cùm ob delictum, ne stipendium illi daretur, in tabulas erat relatam, atquè ità puniebatur miles tardus, & infrequens, qui abesset, aut abfuisset à Signis. IX. tandèm levi pœna mulctabatur miles cùm hordeum prò tritico illi dabatur, ut indignus videretur militum cibo.

Gravior verò castigatio multiplex pari-

tèr fuit, ut fustigatio, cùm Tribunus ipse Reum condemnatum levitèr tangebatur, & quasi signo dato, reliquæ multitudini militari, obijciebat, quò factò, omnes, qui in castris erant ferientes, alius fustibus, alius lapidibus in ipsis castrorum principiis hominem occidebant, & ità puniebantur illi milites, qui vigilias, aut circuitiones neglexissent, vel qui furto aliquid è castris abstulissent, vel falsum testimonium dixissent, aut si qui falso strenuum aliquod factum suum honoris, præmiique causa, ad Tribunos retulissent; qui ter ob eandem culpam mulctati fuissent; vel tandèm qui in præsidio, aut statione positi per metum deseruissent locum, aut arma in discrimine abiecissent, & isti dicti erant infames; Hodie fustigatio ista apud milites viget, sed non ad mortem, & vulgò dicitur *passar per le bacchette*. Quod autèm si plures peccassent, & multi simul locum deseruissent, tunc fiebat decimatio, quà scilicèt decimus quisque fortè ad supplicium legebatur, interdùm Vicesimatio, & Centesimatio in usu fuit. Aliquandò miles, qui
de.

deliquerat sub furca diù cēsus virgis manebat ; Alii prætereà securi percutiebantur ; & loco securis gladius fuit introductus ; alii deniquè in Crucem sublati sunt , quod supplicii genus non civium , sed propriè servorum erat , undè servi fugitivi , qui Crucem meruere , Cruciferi dicti sunt , & in signum ignominiaē crucis signum in Veste ferebant ; Crux autèm modò in pœnis reorum non est ampliùs , abolitum enim hoc supplicii genus fuit à Constantino Imperatore , ubi enim Domini Crux honorata est , putatum fuit , quod reus honoraretur , si crucifigeretur .

C A P U T VIII.

De Veteri tondendi ritu .

H Erodotus lib. 4. , scribit , Machiles occiput crinitum gestare tonsa anteriori parte ; Sic Maxies Aphricæ populi dextram capitis partem comatam gestant , sinistram autèm tondent ; Ità Strabo ait Anses anteriorem partem crinitam

habent , occiput verò tonsum .

Svetonius , Caligulam , ait pulchros , & comatos crines habentes , sæpè offendisse , & prè invidia occipitio raso solitum fuisse deturpare .

Leges XII. Tabularum prohibebant , referente Plinio , Genas fœminis radi ; immò addit Romanos 454. annis intonsos fuisse , donec adducente P. Ticinio ex Sicilia tonsores venerint ad Romanos .

Macas , ait Jo. Ravis. Textor in Officina , summum capitis verticem radere , in medio capillos crescere sinentes , hinc , atquè hinc in orbem , & Abantes , anteriorem capitis partem tondere consuevisse , ne ullas hostibus ad capiendum ansas darent .

Mentum autèm radere Alexandri temporibus in Græcia inventum fuisse inquit Athenæus lib. 13.

Sabinorum Sacerdotes Æneo cultro tonderi solitos fuisse legitur ; Scitas ob calamitates comas deposuisse , ait Athenæus ; & apud Indos comam tonderi jussu Regis maximi supplicii loco fuisse notat Stobeus.

Apud

Apud Lacedemonios ingenui alebant comam, namquè omnes comati erant, cùm Servos crines habere non deceret; idemquè in omni ferè Græcia, ubi Servis nutrire comam nefas erat, in usu fuit.

C A P U T IX.

De Nudipedalibus, & Furca.

Nudipedalia Festa erant apud Gentiles, Græcos, Romanos, & Barbaros, in quibus nudis pedibus oportebat omnes incedere; de quibus loqui videtur Tertullianus in Apolog., & instituta fuere, ut terra arrescente pluvix impetrarentur; & etiàm talia Festa Judæis fuisse propria inquit Flau. Josephus lib. 1. Bel. judaic. Hæc autèm sacra nudis pedibus peracta sacco indutis, & pulvere conspersis ad puritatem, & simplicitatem ostendendam; Romani quoquè his usi sunt, cum vota Deæ Vestæ concipiebant, ejus ædem nudis pedibus adeuntes; ut notat Jos. Laurentius in Polymat. lib. 6.

Fur-

Furca generalitèr sumpta dicitur omne id, quò, quid sustentatur in modum furcæ factum; ego autèm propriè hìc fumo Furcam prò pœna, & supplicio, undè Plinius ait: *in Furcas fixus*; De furcæ supplicio fit mentio in leg. 38. §. Auctores ff. de pœnis. Dupplicem autèm furcam fuisse ex Scriptoribus lego; veterem scilicèt, & novam; Furca vetus Romanis fuit antiquitùs usitata, & ista paritèr duplex fuit, ignominiosa, & pœnalis; Prima, quà collo imposita Servi circumduci solebant, ob culpam aliquam contemptui, & ad irrisum, hìnc Furcifer dicebatur olìm Servus, qui ob leve delictum à Domino ignominiaè magis, quàm supplicii causa, furcam circà urbem ferre cogebatur, prædicans peccatum suum, & obvios monens, ne quid simile peccarent; undè Donatus ait: *supplicii causa circà vicinos furcam in collo ferre, subligatis ad eam manibus, & prædicare suum peccatum, & simul movere cæteros, ne quid simile admitterent*; & hanc pœnam bellè depingunt Plutarcus in Coriol., & Halicarnas. lib. 7.

Pœnalis autem illa erat furca, quâ collo imposita circumducti, cùm verberibus mortem inibant, undè Isidorus, patibulum esse furcam ait, quòd ferat caput, suspensumque, & strangulatum statim examinet.

Furca nova porrò ævi inferioris inventum est, instrumentum scilicèt è triplici ligno, forma jugi veteris, cui appensos homines laqueo strangulamur; Pœna tamèn laquei, mors impura, ac infamis ab Homero dicitur; Plinius vocat eam præposteram, quia spiritus intercluditur, cui exitus quærebatur; ignava sanè hæc mors est, & vilissima, teste Hildebrando.

C A P U T X.

De usu Salis apud Veteres.

SAl commune, quod etiàm Pueris innotescit, est concretum falsum compositum ex acido concentrato in subiecto terreo alchalino; cujus usus varius fuit apud Veteres, sic notum est quomodo apud

apud Etnicos nullum sacrificium sine Sale fuerit oblatum, ac in illo vim efficaciorum placandis Numinibus inesse putabant propter virtutem incorruptionis, ut advertit Alex. ab Alexand. ; farre itaque molito, tosto, ac Sale consperso, (molam falsam vocabant) victimæ caput aspergebant, à quò ritu, & mola verbum immolare deductum est; Maximam igitur, ait Plinius salis auctoritatem è sacris Veterum intelligi, apud quos nulla sacra sine mola falsa conficiebantur, hinc Tibullus lib. 3. cecinit

Farre pio placant, & saliente Sale.

Sic in Levitico à Deo præceptum legimus, sale condita illa omnia esse debere, quæ in sacrificiis offerebantur; quin & Salinum ipsum inter vasa sacra connumeravit Jos. Laurentius, quod est patella in qua Diis primitiæ cum Sale offerrebantur, undè Livius ait : *ut salinum, patelamque Deorum causa, habeant*; quapropter Sal religionis gratia in divinationibus apponi solitum erat, hinc à veneficiis Sal quàm longissimè removebant, tamquàm rem sacram

cram , sic Homerus ait

Insperfit autem sale sacro

Sal Fēderis vocatur in Levitico his verbis:
ne auferas sal fēderis Dei tui de sacrificio tuo.

Olim hospitibus antè cibos apponebant veteres Sal in signum amicitiae, undè multi Gentilium tamquàm ominosum censebant, si Sal in mensa effunderetur, & aliqui etiàm nostris hisce temporibus semper aliquid infortunii prædicunt, quando contingit Sal in mensa proffundi; Sic multi apud nos hac de causa mensam absquè Salino apponunt, ne Sal effundi contingat. Cæterùm Salis usum multis gentibus incognitum fuisse trojano sæculo Homerus, & Pausanias, affirmant: Tracibus autèm fuisse peculiare Sale mancipia emere, ait Alex. ab Alexandr.

Infinita prætereà comoda Sal hominibus suppeditat, ac potissimùm à putredine defendit, ideòque Ægyptios mortuos sale condivisse innui ego in meo de Balsamat. Tractatu, quia à tabe, ac putredine corpora tuebatur; Insupèr Sal Symbolum fuit Doctrinæ Evangelicæ, & prædicationis

nis Apostolicæ ; sic Christus D. N. dixit
Vos estis Sal Terræ.

Sterilitatis Symbolum paritèr Sal esse ,
ait D. Hieronym. com. in Math. , undè in
pœnam multas supèr Civitates expugnatas
Sal fuisse effusum legitur , sic Mediolanum
exaratum Anno 1165. , Saleque consper-
sum fuisse , testatur Sigonius de Reg. Ital.
Itèm aliæ Urbes in Hispania , ut ait Abu-
lensis com. in Judic. , talem expertæ sunt
pœnam , & similiter de Castro in Italia
nostra dicitur .

In sacris aliquibus tandèm Catholico-
rum Sal locum habere videtur , ut in Bap-
tismate , & aqua lustrali , &c. Isiacos tan-
dèm Salem à mensa ablegavisse , ait eru-
ditiss. Cælius Calcagninus noster .

ADVERSARIORUM
JOSEPHI LANZONI
LIBER QUARTUS.

AD REVERENDUM P. D.
PETRUM CATHERINUM
ZENUM C. R. SOMASCH.

Venetum doctissimum.

C A P U T I.

De Academiis , earumque utilitate .



Cademiae nomen derivare videtur , teste Svida , à loco mille passus ab Athenis distante, ità dicto ab Academo Heroe ibi morante, ubi Plato natus fuit; Academia verò nostro hoc tempore dicitur illa Urbis pars , in quà celebrantur Studio.

diorum gymnasia , & vulgò Universitas dicitur ; sub nomine quoquè *Academiæ* veniunt illi *Eruditorum* , & *Poetarum* illustres *Cœtus* , qui nostras *Italiæ* urbes ornant ; *Sophoclem* *Athenis* olim legem tulisse , ait *Laertius* , ut neque *Scholæ* , neque *Academiæ* aperirentur , neque *Philosophorum* quisquam præesset , nisi id *Magistratus* decrevisset ; modò *Pontifices* , & *Imperatores* erigunt .

Academiarum institutio valdè antiqua fuit , in *Oriente* enim fuit *Academia* tempore *Josue* apud *Judæos* , sic , & *Scholas* habuere *Hebræi* ; undè apparet *Academiarum* institutionem , *Natura Duce* , primitùs factam fuisse , de istis enim meminit *Moses* in suis libris ; Apud *Sinenses* , teste *Nicolao Trigautio* , viget *Philosophia* moralis , quam traditione , à quodam *Confucio* , quem dicunt vixisse antè annos suprà bis mille , habuere ; attamèn nullas *Academias* habent ; Paritèr *Turcas* *Academiis* scientiarum carere dicunt ;

Quod autèm ad *Academiarum* utilitatem spectat , si temporum memoriam ,
vel

vel levitèr refpicare velimus ; Respublicas illas diutissimè semper floruisse , ait Braccaccinus lib. 1. cap. 5. de jur. doctorat. , què optimorum studiorum diligentem habuere curam , & in quibus ingenuarum artium , atquè linguarum extiterunt Scholæ ; hinc Moyse Propheta Dei in singulis Civitatibus Sinagogas instituit , in quibus Viri Sapientes Divinas interpretarentur Leges ; Salomon paritèr Hierosolymis septem palestris instructam Academiam magnificè excitavit , ut monet Pineda de reb. Salomon. lib. 3. Sic ad rectè dirrigendas Respublicas , & Civitates , Sapientes sunt accersiti , qui regulas , legesque imponerent , ut Cretensibus Minos , teste Plutarco ; Lycurgus Lacedemoniis , & Solon Atheniensibus scribente Æliano . In nostra porò Italia viget Virtus , triumphat probitas , atquè Urbes , & Respublicæ cæteris Mundi populis invidiam movent ob Illustres Academias , quas velut in gremio suo fovet Itala Tellus ; hinc antiqua Universitas Bononiæ fulget , viget paritèr in Italia Ticinensis , Patavina , Pisana , Mes-

fanensis , Neapolitana , Perusina , Salernitana , Taurinensis , Senensis , Romana , atquè nostra Ferrariensis , quæ undiquè Privilegiis Pontificiis , ac Imperialibus ornata , & Claris Viris semper munita fulget intèr cæteras , *velut intèr ignes luna minores* ; Præter has Academias vulgò Universitates sunt aliæ eruditorum Poetarum Palestræ , ut Arcadum , & Infœcundorum Romæ , Intrepidorum Ferrarię , Recuperatorum Patavij , Incognitorum Venetiis , Gelatorum Bononiæ , Fisiocriticorum Senis , Incitatorum Faventiæ , Concordium Ravennæ , Furfurariorum , & Apatistarum Florentiæ , & aliæ multę celebres Academiæ , ità ut nulla sit Italiæ Civitas , licèt exigua , quæ sua non gaudeat Academia , velut meliori ornameto .

C A P U T II.

De Pudicitia .

Pudicitia est animi Virtus, quàm quis recundatur, ut sunt actus veneri, juxtà D. Augustinum de Civ. Dei ; & dicitur à Pudore monente D. Thoma ; juxtà verò Hebræos dicitur purificatio , & mundatio à verbo *Taber* .

Pudicitia, suadente Augustino, res est Animæ ; virginitas autem corporis : siquidem illa in anima integra permanente , potest altera corpori violentè auferri ; omnes penè Autores tùm sacri , tùm profani summis laudibus hanc virtutem extollunt ; sic S. Cyprianus ait , Pudicitiam esse nobilium ornamentum , exaltationem humilium , decus Religionis, &c.

Hac omiſſa, omnem ruere virtutem ſcribit Cælius Rhodigin. lib. 13. , in ea ſiquidem decoris muliebris eniteſcit principatus ; iſta comendabiles facit pauperes , divites extollit , deformes redimit , pulchros exor-

nat; hæc Lucretiam Bruto æquavit, nescias an etiàm prætulero, quoniam Brutus non posse servitutem pati à Fœmina commonitus didicit; Ovvenius sic de Pudicitia cecinit

Virginitas animi murus, victoria carnis

Pectus honestatis sancta Pudicitia est.

Tanti fecerunt Pudicitiam nonnullæ antiquorum fœminæ, ut mortem præferre Pudicitiaæ voluerint; Sic Paulina Saturnini Uxor, teste Josepho Langio, per dolum Decii Adolescentis, Pudicitia (hic enim eam sub persona Osiridis in ejus Templo compressit, amissa) dolore excruciataperiit; Sic paritèr Virgo Ethrusca, juxtà Benedict. Varchium à militibus capta, servandi pudoris gratia ex Ancisæ Ponte in Arnum se deiecit; ad similitudinem illius, quam refert Bonfin. lib. 6. dec. 1., capta enim, ait citat. Autor, ab Atila Aquileia, cum *Digna* ingenua Mulier à Barbaro milite capta ad stuprum raperetur, in præces versa, tanquàm secreti cupida, facile impetravit, ut in superiorem partem domus abduceretur, cumquè illa prior locum ascen-

ascendisset , confestim partem eam cœnaculi occupavit , quæ Fluvio imminebat ; inde ad Militem conversa : sequere me , inquit , si vis me potiri , ac cùm his verbis in subiectum flumen se præcipitavit ; & Valerius Maximus lib. 6. , De Græca Fœmina nomine Hippona , scribit , quæ cùm hostium classe esset excepta , in mare se proiecit , ut pudicitiam morte tueretur ; & mori pudica , quàm impudica vivere maluit .

De Euphrasia Virgine narrat Nicephorus lib. 7. , quæ sub Diocletiano cùm propter S. Fidem nostram ad prostibulum duceretur , & in cubiculo cum Juvene clausa , veneficam se esse dixit , & pharmacum habere , quò illitus vulnerari non posset ; accepit Juvenis mendacium , ac ob ei conservatam pudicitiam , tale remedium discendum poscit ; tùm illa ceram oleo liquatam manibus subigit , & collo suo circumlinit , atquè ut in se ipsa periculum faciat juvenem hortatur , & ille gladio arrepto , primo ictu virginis caput amputavit , & sic illa corporis castitatem , & Religionis puritatem integram conservavit .

CAPUT III.

De Verbena.

Verbena à Grammaticis quasi herbe-
na dicitur, & vocatur herba sacra,
quìa hanc herbam in sacris usitatam
fuisse legimus; vel, ut ait Servius, quìa
sumpta de loco sacro Capitolij, quàm corona-
bantur fœciales, & alii fœdera facturi, vel
Bella indicturi, undè Virgilius

..... & *verbena tempora vincēti.*

Verbenas autèm abusivè, vocant aliqui
omnes frondes sacras, ut est laurus, oliva,
myrtus, &c. sic Terentius

..... *ara hinc sume verbenas tibi.*

hæc herba à multis verbenaca vocatur; cui
varias virtutes tribuunt nonnulli Medici,
quas summatim recenset Scroderus; hinc
comendatur quoquè suspensa collo in do-
lore capitis; laudatur usus istius herbæ in
obstructionibus lienis, atquè hepatis, in
Ictero, in affectibus oculorum, & pecto-
ris, in calculo abigendo; in procidentia
ani,

ani, in tertiana febris; Insuper artritidem mitigat, & odontalgiam, si Rajo fides habenda; plura de hujus herbe virtutibus vid. apud Bibliot. Pharmac. med. lib. 20. Clariss. D. Mangeti Medici Sapientiss. . Gestatam hanc plantam, fortunam conciliare, dicit Wolffius; fides tamen penes eum, ego enim nihil; certum tamen est, Verbenam locum habuisse inter turpes magicos usus.

De prognosi mortis, aut vitæ ex verbenâ sumenda meminit Æmil. Macer. de herbar. virtutibus his versiculis.

*Verbenam gestando manu, si quæris ab ægro:
Dic Frater quid agis? benè si responderit ipse
Vivet; si verò malè; tunc spes nulla salutis.*

hoc autem tanquam vanum puto; eo quia omnes ægri interrogati, quid sentiant, & agant, semper malè se habere respondent. Verbenacam supinam cornices nidis suis imponere, ait Frommanus de Fascinat lib. 1. part. 2. sect. 1. cap. 2. , ut blatas, aliasquè bestiolas ab iisdem abigant. Sunt qui tradunt, teste Pascasio de Coron. lib. 2. , novam nuptam apud Veteres composuisse coronam è verbenis à se lectis, eamquè

sub amiculo tulisse ; Cæterùm quisquis
quacunque occasione sacrificaret , verbenæ
coronabatur , de quò eruditè differit mihi
Amicis. Baruffaldus in not. ad Tabacheid. ,
sicuti , qui sibi Deos propitios invocabat ;
Verbenæ , Lauro , Sulphure , ignè piacu-
lo polluti expiabantur , ut monet Alexan.
lib. 6. , undè Tiraquellus in ejusd Alex.
annotat. ait , Verbenis domos lustratas ,
& purgatas fuisse ; Q Curtius lib. 4. scri-
bit , Verbenas in Auguris manu preferri ,
dùm litaret , his verbis ; *ille in candida ve-*
ste verbenas manu præferens capite velato præi-
bat preces Regi Jovem , Minervam , Victo-
riamque propitianti ; quem locum egregiè
explicat Mich. le Tellier S. I. in not. ad
Curt. ad usum Delphini.

C A P U T IV.

De Diebus .

DIei partes has esse apud Veteres legitur ; nempe mediam noctem , mediæ noctis inclinationem , Gallicinium , Conticinium , quòd , & Galli conticesserent , & homines etiàm tunc quiescerent , Diluculum , cùm incipit dignosci Dies , Mane , ad Meridiem , Meridiem , de Meridie , sive tempus pomeridianum , Solis occasum , sive supremam tempestatem , Vesperas , Crepusculum , Primam facem , cùm scilicèt lumina accendebantur , Concubiam noctem , cùm initum est cubitum ; noctem intempestam , cùm nullum agendi tempus est , quod & silentium noctis vocabatur ; Romani , teste Varrone , diem à media nocte auspicabantur ; Athenienses ab occasu Solis , ad Solem iterùm occidentem unum diem dixerunt ; Babilonii ab ortu Solis , ad ejus ortum ; Umbri à Meridie ad Meridiem , &
hìc

hic erat dies civilis, teste Macrobio. Naturalis autem dies vocabatur tempus ab oriente Sole, ad ejusdem occasum, cuius contrarium erat Nox; Totum verò hoc Solis spatium ab ortu ad occasum toto anni tempore in 12. partes erat divisum, quæ dictæ sunt horæ diei, & istæ erant in æquales, longiores diurnæ æstivæ, breviores verò hyemales; & hinc inventa puto Horologia Solaria, in quibus Gnomon Soli oppositus, umbra in lineas incidente, horas ostendebat; cum autem Sol sub nubibus lateret, Scipio Nafica Clepsidras aqua plenas invenit, quibus horas dierum, & noctium mensurabat; Diem verò naturalem antiqui Romani salutationibus inchoabant, & comessationibus claudebant, teste Hildebrando; de horis diei ego supra dixi in lib. 3. Erant insuper dies Festi, qui Diis dicati erant; Profesti, qui hominibus ad sua negotia concedebantur; Interfici, qui erant comunes Diis, & hominibus, vulgò *mezze Feste*.

Erant pariter Dies fasti, & nefasti: primi, quibus Prætori fari licebat tria verba
so-

solemnia *Do. Dico. Addico.* In Nefastis autem id non licebat ; erant etiam nefasti , quibus horis matutinis jus dicere non licebat ; pomeridianis verò licitum erat ; Comitiales dies erant illi , quibus licebat cum Populo agere ; Comperendini , quibus vadium juberi licebat ; Stati erant constituti ad controversias cum peregrinis finiendas ; Præliares , quibus fas erat res repetere , & hostem lacessere ; Justi debitoribus erant dati , pecuniæ conquirendæ causa ; Atri erant dies infasti , ac infelices , de quibus suprà , &c. Innominati pariter erant illi dies antè quartum Kalendas , Nonas , Idus . Notandum verò Justos , innominatos , & atos non præliares dictos esse ; De die autem natali , ejusque superstizioso ritu sacro , & profano scripsit Censorinus , & eruditè post eum P. Mart. de Roa Soc. Jesu Sacerdos eruditissimus .

CAPUT V.

De Chamæleonte .

CHamæleon albus Dioschoridis dicitur Carlina, Planta scilicèt à Carolo Magno primo hujus nominis Imperatore sic nuncupata, quia ejus Exercitus, unius Angeli monitu, usu radicis hujus à peste liberatus fuit; sic in peste ejus masticatio laudatur à Botanicis.

Nos autèm in præfenti capite, non de Planta, sed de Animali sub Chamæleon-tis nomine intelligimus; quod ad genus Lacertarum reduxit Aristoteles; Ejus differentias, & descriptiones exhibet Aldrovandus; Plinius tradit Chamæleontes in Africa nasci; In Asia plurimos versari, ait Solinus; In India Hollerius; & Bellonus in Cairo; Nonnulli in nostra Italia Chamæleontes nutriunt; & Illustriss. D. Antonius Vallisnerius Professor primarius in Universitate Patavina, Patronus meus perpetuò colendus, omni eruditionum genere

nere ornatus, multos Chamæleontes vivos annis elapsis alebat, intèr alia plura naturæ curiosa, quæ ad Philosophiam naturalem spectant, quibus maximè Vir ille insignis delectatur.

Licèt autèm hoc Animal quoscumque reddat colores, quos proximè attigerit, si Aldrovando credamus, attamèn rubrum, & candidum colorem non admittit; Querunt Doctores quomodò nutriatur.

Chamæleontem solo aere vivere asserit Plinius; & confirmant Solinus, Agricola, & Ovidius in Metham.

*Id quoq; quod ventis animal nutritur, & aura
Protinus, assimilat, tetigit quoscumque
Colores.*

cùm quò facit etiàm Alciatus in Emblem.

*Semper biat, semper tenuem; quà vescitur
auram.*

Kircherus ait, Chamæleontem solo odore sustentari; Gesnerus de Quatrup. rore nutriri putavit; Sunt, & alii, citante Jonstono, qui radios Solis dicunt esse alimentum istius animalis. Ego diù quidem famem tolerare Chamæleontem puto, non

ta-

tamen in totum cibo abstinere , ore enim hiantes , linguæque mucro semper obsita , captare muscas , formicas , aliaque parva insecta , docent Scaliger ; Bellonius , Wossius , Voigtius , & Redi in Epist. Italicæ Edit. Venetiis 1712.

Dixi suprà Chamæleontem nec candidum , nec rubrum colorem referre ; verum legitur apud Wossium , virum fuisse , cui donatum fuit tale animal , quod involvit sudario , atque ubi domum venisset , aperto sudario , dum oculis non satis attentis inspicit , errore deceptus , effugisse animal putavit , nimirum quia candidum sudarii colorem referret ; Id si est , falsi sunt Veteres , qui candidum assumere colorem negaverunt ; Par autem rubri coloris ratio est , quippe si sudarium rubrum fuisset , rubrum retulisset colorem.

C A P U T VI.

*De consecratione Imperatoris apud
Veteres Romanos.*

Imperatoris consecratio , si Autoribus antiquis fides est habenda sequenti modo peragebatur . Mortuo quippè Imperatore , qui superstitem reliquisset successorem ; Corpus ritu consueto , & funere splendido , ac sumptuoso sepelliebatur , ceream indè imaginem defuncto similem suprà lectum vestibus ornatum aureis locabant ; lectum à leva, Senatus a traveste amictus , à dextrà Matronæ cingebant , & hoc per septem dies faciebant , Medicis quotidie ad lectum accedentibus , quasi ægrum invisentibus ; Demum lectum humeris attollebant Senatorii , & Equestris ordinis juvenes , atquè in forum deferrebant , ubi Magistratus deponere imperium consuevit ; in Foro alius erat consimilis lectus , in quò statuam ceream mortui Principis ex palatio allatam collocabant ,

bant, à quâ, teste Hildebrando, puellus egregiæ formæ, ut si Imperator dormiret, pavonis pennis muscas abigebat. Hinc rostra ascendebantur, & denatum Imperatorem laudabant, indè imago in Campum martium deportabatur; & præferebantur illustrium Romanorum Statuæ; Provinciarum itèm, & nationum, quæ erant subiectæ Imperio Romano simulacra ænea; indè sequebantur armati Equites, ac Pedites. In campo martio autèm rogos quadrangulus in formam tabernaculi extructus erat, exornatus variis signis aureis, in cuius summitate currus inauratus defuncti Imperatoris collocabatur, hinc aromata, herbas, & succos odoratos effundebant; Imperator superstes, & ejus propinqui statuam prædictam osculabantur, tunc universo Senatu spectante circà ædificium illud adequitabant omnes equestris ordinis certa lege, cursu, & recurso; quibus celebratis, facem Imperii successor tabernaculo admovebat, & omnes Magistratus undiquè ignem subiiciebant; hinc è summo tabernaculo Aquila dimittebatur,

tur , quæ in Cœlum Principis denati animam deferre credebatur ; & eadem ratione Imperatoris Uxores consecrabantur.

C A P U T VII.

De Portentis Naturæ.

Natura aliquandò errat in generatione , & quandoque abortitur , aut partus producit membris superfluis , vel monstrosis , vel in aliam speciem degenerantes . Sic portentosa metheora sunt , cùm pluit sanguinem , sulphur , lapides , ranas , aliaquè insolita , ut referunt historici ; In animantium genere portentum est , cùm animal oritur biceps , aut triiceps , bicorpor , vel tricorpor , itèm bigener , qualia sunt animalia vulgò *Muli* progenerata ex Equa , & Asino , Leopardique ex pardo , & leena , nec non hybridæ ex fero , & domestico sue ; Ex hominibus verò prò monstris habentur primò Hermaphroditi ambiguo sexu nati , deindè membro aliquo deficientes , aut supereficientes ,

K

& ex.

& excedentes , aut deformati , quibus addere liceat Pumiliones , & Gigantes.

Narrationes de Phænice , Ave scilicet se ipsam exurente , & è propriis cineribus reviviscente , item de pellicano pullos suos sanguine proprio vivificante , de hydra septicipite , de Gryphe volucris quadrupede , & de Arpiis obscenis avibus , de Centauro semihomine , & semiequo ; de quibus omnibus pleni sunt Poetarum libri , fabulosæ sunt . Pariter dicendum est de Faunis , Satyris , Sirenibus , Tritonibus , quæ animalia , vel fuere credulitatis humanæ commenta , vel ludentis Naturæ extraordinaria miracula , aut si figmenta non fuere , Demones ad fallendos homines fuisse verisimile esse , ait Comenius in Janua eruditionis cap. 31.

C A P U T VIII.

De Inventoribus nonnullarum rerum .

Multa de rerum inventoribus eruditè scripserunt Polid. Virgilius , Alex. Sardi Ferrar. noster , & Theod. Janssonius ;
ali.

aliqua tamèn nos derelicta ab eis hic subii-
cere non incongruum putamus, ad mayo-
rem eruditionis messem. Sic Academias
litterarias poeticas invenit Jo: Jovian. Pon-
tanus, juxtà Minturnum in præfat. ad
Poetic.; Ova in Mulieribus primò nota-
verunt Varton., Steno, & Graaf., ut ait
Clariss. Nigrifolius de Gener. vivent.

Alphabetum italicum novis litteris ada-
uctum dedit Ptolomeus Senensis, alij
ajunt Trissinum illud invenisse; Ità Az-
zolin. in pomp. Senens. . Lenticule palu-
stris semen primò observavit Clariss. Val-
lisnerius, sicut semen Alghæ marinæ Ce-
stonus.

Armillæ inventæ, & primò fabricatæ à
Vulcano - *Casp. Bartolin. de inaur. veter.*,
Zonas sonoras in aure primus observavit
Clariss. Valsalva.

Aucupium cùm Accipitre, aut Falcone
invenit Frid. Barbarossa (*Guid. Panzirol-
rer. deperd., & invent.*) Astianassam Helenę
famulam varios modos concubitus invenis-
se tradit Nicol. Leonic. *Tomeus Var. hist. lib.*
3. Artem expurgandi, & perficiendi Sac-

carum invenere Veneti . *Guid. Pancirol.* Artem contrà Demones invenisse Salomonem ad hominum utilitatem, ait *Jo. Francis. Picus de rer. pœn. lib. 7.* Æquinoctium primus observavit Anaximander. *Suidas.* Asilorum usum invenit Cadmus, ex *Baldas. Bonifac.* Harmoniam reperit Diocles Atheniensis, dùm testacea vasa ligno pulfabantur; ex eodem Autore . Bombarda inventa est à Bertoldo Svvardo Monaco Friburgensi, ex eodem . Bombices, & eorum Semina è regione Cinæ primò Costantinopolim regnante Justiniano, an. 150., attulisse quosdam Monacos, ait *Procopius.* Colorem ultramarinum ex lapide lazuli præparatum primus reperit Nicol. Nicolutius dictus *il Pigna*, aromatarius, & Pater Jo: Baptistæ Historici, ac Poetæ famigeratiss. , vid. *Barthol. Riccius epist. 4.*, & *Baruffald. Bibl. Script. Ferrar. MS.* Ductus adiposos Omenti primus observavit Malpighius . Ductus Salivales invenere Ant. Nuck. , Nic. Steno, Varton. , Bartolin. , & Rivinus ; ut ego innui in tract. de Saliva . Fasti Kalendares Romani, seù dies
fe-

festi, & ludi Romanorum fuere primò instituti à Numa Pompilio, & Cn. Flavius Scriba Pontif. publicavit; deindè C. Jul. Cæsar. Anno ad Solis Cursum redactò in Foro adfixit; (*ità Andr. Schot. elect. antiq. rom.*) Stemmata primus invenit Heliogabalus. (*Salmasius sup. Ælium Lamprid.*) Valvulas in vasis lymphaticis Fridericus Ruischius primus observavit. Mercurialem unctionem Jacobus Carpus invenit; (*Falop., & Ramazin. de Mor. Artific.* Novus Orbis repertus est à Christophoro Columbo. (*Panciol. rer. invent.*) Jambica Carmina primùm excogitavit Jambe Panos Filia. (*Tiraquell. de leg. connub.*) Maria Soror Mosis prima omnium carmina heroicha modulata fuit; (*cit. Tiraquel.*) Sido Ponti filia primò hymnos composuit, teste *cit. Tiraquel.* Theatrum primus omnium Thepsis aperuit (*Scaliger. Poet.*) Rytmos italicos vulgò Ottave invenit Boccaccius. (*Crescimben. Hist. Poes.*) Versus canere in tertia rima primus invenit Dantes Aligberius; ità suadente eodem Crescimbenio. Jacobus Riccius Veronensis invenit Muscipulas (*Ca-*

rol. Ridolf. *de Pict. part. 2.*) Novum sistema circa vermes humani corporis dedit clariss. Vallisnerius. Notas Musicales invenit Jacob: Muri Parisinus. (*P. Bacchin. in diar. liter. mutin. Ann. 1696.*) Libationes inventæ sunt à Libero patre (*Casal. de ritib. roman. veter.*) Lucimetrum invenere Galli (*ita à Dominic. Cecchi.*) Typographiam invenit Anno 1440. Joan. Faustus Civis Moguntinus, ut scribit *Salmutus in not. ad Pancirol.* Saccari lactis inventio debetur D. Lud. Testi. Nivem Martis nupèr pharmacie Italice dedit peritiss. Jo: Hieron. Zannichellus. De Chartæ, qua nunc utimur inventionem multa eruditè scripsit in sua epist. de Charta, insignis noster Fran. Maria Nigrifolus. Vasa lymphatica à dura perpiam meningem cerebri producta primus observavit oculatiss. Pacchionus.

C A P U T IX.

Sequuntur alii rerum inventores.

MOlam aquariam ad triticum frangendum primus invenit Belissarius

Ju-

Justiniani Dux famatissimus (*Pancirol.*)
Torneamenta , sivè belli simulacra reperit
Emanuel Comnenus Imperator Constan-
tinopolitanus (*Nicetas.*)

Loqui per hyeroglyphica invenere Ægy-
ptii (*Pier Valerian.*) Zifferæ , seù furtivæ
litterarum notæ inventæ sunt à Libertis
Ciceronis , & Mœcenatis . (*Pancirol. rer.
invent.*) Togam Trebenum quendam Ar-
cadem invenisse , refert *Bossius de toga rom.*
Inaures primus paravit Vulcanus . (*Casp.
Bartolinus de inaurib. Veter.*) Equuleum in-
venere Græci (*Magius de equul.*) Tintinna-
buli sacri inventum debetur D Paulino
Episcopo Nolano (*Magius de tintinab.*) Fa-
bulam pastorem italicis carminibus exa-
ratam primus dedit Augustinus Beccari
Ferrar. , ut notat *Guarin. in compend. Poes.
tragicom.* . Choros autèm in istis Fabulis pri-
mus invenit , & eis addidit Torq. Tassus .
Numismata sacra invenere populi Belgii
sub Pio V. (*Fam. Strada S. I. de bel. belgico.*)
Societates *Battutorum* Laicæ inventæ sunt
à Senensibus , ità *Marcus de Ulisipon.* Mina-
rum bellicarum inventor fuit Petrus Nava-

rus. (*Guicciardin. histor.*) Pendula Horologiis primus adaptavit Gallileus (*Redi in epist.*) Orationes judicarias etrusco idiomate primus invenit Alexander Guilielminus Senensis (*Claud. Ptolomeus in Epist.*) Epigrammata italica Aloysius Alamanni primò composuit (*Cresimben. Hist. ital. Poes.*) Vitalianus inventor fuit Organorum musicalium in Templis, ità *G. Horn. bist. Eccles., Casal. part. 3.* Vestales primus instituit Numa Pompilius [*Casal. de prof. rit. rom.*] Stercorandi agros primus inventor fuit Pilumnus, undè Pylades Poeta antiquus cecinit

*De Jove Pilumnus qui stercora ferre per agros
Edocuit populos*

Intercalandi menses modum in anno solari primus dedit Cæsar Dictator (*Marcel Donat. sup. Tit. Livium*) Feralia invenit Æneas, teste Ovidio lib. 2. Fastor., Parentalia primus instituit Numa (*Kirchman. de Funer.*) Primus Homicida fuit Cain. (*Genes. cap. 4.*) Venas secare primò docuit Hyppopotamus, Autore *Plinio*. Purpuræ inventio debetur Herculi (*Bonifac. bist. lud.*) Syrophænicos invenere syderum cognitionem,

na-

navigandi industriam , & militarem disciplinam (*idem Bonifacius*) Ocularia invenit Fr. Alexander Spina (*Redi de ocular.*) Spheræ inventio Naufractæ Alcinoi filiæ debetur , ità *Suidas* . Primus Hospitalarius Zoticus fuit (*Jo. Bap. Pacichel. de hosp.*) Ponderare aquam in aqua , reperit Rob. Boyleus , ità ait *Holdemburg. Act. philos. ann. 1669.* Novam Institutionum medicarum Ideam , dedit celeberrimus Morgagnus Prof. Patavin. Tetrametrum invenit Aristophanes (*Suidas bistor.*) Rorem pericardii destillari à poris membranæ cordis primò notavit Cl. Fantonus (*Illust. Vallisner. anat. Strut.*) Obeliscus inventus est ab Ægyptiis , primusq; erexit Mytres (*Bonifac. bist. ludric*) Glandulas uretræ novas invenit Clar. Terraneus Medic. Taurinen. doctissimus .

C A P U T X.

De Rosa.

Rosa apud omnes Gentes , & Nationes Flos est spectatissimus , suavissimiquè odoris , quò Cor , cerebrumq; mirifice

ficè recreantur ; hæc est Veneri sacra , unde Poeta cecinit

Syderis , & floris est Domina una Venus .

& Anacreon. dixit

Rosam amoribus dicatam .

quoniam , ut brevi tempore durat rosa , & occyssimè marcescit , sic forma , ac voluptas venerea citò pereunt .

Conviviorum paritèr amica fuit Rosa , ac familiaris , & Silentii quoquè symbolum referente Stuchio in Antiq. conviv. lib. 3. , sic Poetæ finxerunt , Cupidinem Veneris filium Rosam Harpocrati Sylentii Deo consecravisse , eoquè munere eum decorasse , ut Rosa loquacibus exhiberetur , velut symbolum Sylentii ; hinc à multis in cénaculis Rosa affigebatur , ut quisquis esset secreti tenax , & omnia tacenda esse recordaretur , quem morem carmina sequentia depingunt ,

Est rosa flos Veneris , cujus quò facta laterent

Harpocrati Matris dona dicavit Amor ;

Inde rosam mensis hospes suspendit Amicis

Conviva , ut sub ea dicta cavenda sciat .

Ex hoc proverbium surrexit apud Germanos ,

nos, *hæc sint sub Rosa dicta*, quò significatur, ea, quæ sunt liberis dicta, fida taciturnitate esse tegenda, nec aliis comunicanda.

Rosas paritèr Sceptrorum cacumini impositas à Babiloniis fuisse narrat Clariss. Jo: Argolus in not. ad Panvin. de lud. Circ., idemquè, incisas in obeliscorum summitatibus easdem rosas ab antiquis notavit; Germanos olim Rosis usos esse ad reprimendos vini vapores Possidonii testimonio comprobatur Appianus lib. 2., & de hoc fusè egi ego in meo de Coronis libro. Plutarc. in Sympos. rosaceas, & violaceas coronas leniter frigidas, astringendi, eaque quibus caput gravatur odore suo reprimendi vim obtinere docet, & idem confirmat Clem. Alexandr. in Pædag., undè Anacreon.

Sed implicare curo

Meos rosis capillos.

& rursus in alio loco cecinit

Rosam amoribus dicatam

Sociemus ad lyeum &c.

quæ carmina Anacreontis, ità in italicum sermonem concinnè convertit Illustriss. D. Ab. Anton. Mar. Salvin. in Acad. Florent.

Græ.

Græcar. Literar. Lector Sapientissimus

„E le tempia ingbirlandiamo

„Dell' amorosa

„Vermiglia rosa

„E ogn' un con riso chiaro, e grato

„Rida, e beva incoronato.

„Rosa vaga, e lusinghiera

„Rosa onor di primavera &c.

De hoc etiàm Flore cecinit celeberrimus
Vates italicus nostrorum dierum D. Franc.
de Lemene

Deb mirate, ò Verginelle,

Come pura ne innamora

Fresca Rosa in sù l' Aurora,

E imparate ad esser belle;

Significari enim in Sacris paginis per Rosam Virginitatem, & Martyrium, ait P. Mart. del Rio in adag. sacr. primam ob Rosam candidam, alterum ob rubicundam; sic D. Ambrosius de Virgin. inquit *Virgines copiosum Gratiæ influxum exigunt, & rosæ imbre sæcundantur*, & P. Cornel. à Lapide com. in sapient. cap. 2. pudoris, ac virginitatis symbolum Rosam esse scripsit, undè suavis nostri incomparabilis Areosti Musa

in

in cant. 1. sui Orland. Fur. cecinit

La Verginella è simile à la Rosa.

& Tassus celebris italicus Vates Cant. 16.

Hier. liberat.

Deb mira , egli cantò , spuntar la Rosa

Dal verde suo modesta , e verginella

Che mezo aperta ancora , e mezo ascosa

Quanto si mostra men , tanto è più bella.

Olim etiàm Gratiis sacram fuisse Rosam ob insignem floris elegantiam , dicit Pausanias lib. 6. , cum ejus venustas , & foliorum decor , vivam pulchritudinis imaginem exprimat . Aurora quoquè , quæ aureo vultu splendentem Solis faciem reducit , ab antiquis *Dea rosea* appellabatur , & ab Anacreonte roseis digitis decora Aurora dicitur , undè suaviss. Redi cecinit

..... *con le rosee dita*

A i viaggi del Cielo il Sole invita .

Pierius Valerianus , Rosam prò hieroglyphico humanæ imbecilitatis agnoscit ; hinc elegans Poeta rosam sic celebravit , vel potius deploravit ,

Mirabar celerem fugitiva ætate rapinam ,

Et dum nascuntur consenuisse rosas .

Hinc

Hinc Sanct. Ambrosius in Hexam. philosophatur, rosam spinis armatam esse, tanquam humanæ vitæ spectaculum; tristitia enim adiunctam semper habet hilaritatem, & è contrà; Rosas autem primitus spinis caruisse, ait S. Basilius, postea verò floris pulchritudini additos esse aculeos, ut quod ex voluptate oblectamentum perceperimus, propinquo indè dolore exulcerati, quem ex delicti recordatione emergere, scribit Cornel. à Lapide Com. in Ecclesiastic. cap. 24., statim amittamus; Medicè autem loquendo, integram Pharmacopæiam ex sola Rosa eformari posse, jam docuit Jo: Car. Rosenbergius in sua Rhodologia, si-
vè Philosophico -- Medica rosæ descriptione, ubi increpat eos, qui insupèr habitis domesticis, & vernaculis, medicamina indica, exotica, ac peregrina petere solent.

Licèt porrò tantæ venustatis, & jucunditatis Rosa existat, attamen nonnullos ab hoc Flore abhorruisse, ait Illustriss. Ramazzinus de Morb. Artificum, & Medicorum testantur historiæ; Hinc P. Casp. Scotus in lib. 3. Phisic. de Cardinali Caraffa scribit,

bit, qui quot' annis rosarum tempore, Romam linquere cogeatur, seque intrà suos hortos claudere, custoditis ostiis, ne quis amicorum ingredientium rosam inferret.

Petrus Melinus, teste Pierio, rosarum odore plurimum lædebatur; Petrus Servius in suo de odoribus libro, se novisse ait pedissequum, qui rosarum odorem adeò fugiebat, ut eo percepto, animò confestim deficeret; Digbeus in tract. 1. de natur. corpor. scripsit de nobili Angla, quæ sumoperè à rosarum odore abhorrebat, & cùm quidam clam dormientis ejusdem genu rosam imposuisset, experturus, num tanta illi esset cùm rosa antipatia, quanta dicebatur; hinc ortæ fuere pustulæ varię in ipso genu.

Grunbergensem, notavit Clariss. Samuel Ledelius Academicus noster Curiosus in Miscel. Acad. Leopoldinę, cui odor rosarum inflammavit oculos; & de Matrona nobili, retulit in Ann. x. dec. 2. Miscel. Cur., quæ albarum rosarum odorem non tantùm admittebat, sed, & capiti eas.

easdem Rosas albas imponebat , libentissi-
 meque naribus admovebat , rubras autem
 omnes adversabatur , & ni removerentur,
 deliquia animi patiebatur; undè autem ra-
 tio sit eruenda , non tam liquidum videtur;
 ait verò citatus Ledelius, videri, quod sub-
 tiliores, & penetrantiores particulæ insint
 rubris rosis, & ea proptèr nervosum genus
 penetrantiùs feriant , quàm albæ, utpotè quæ
 non ità sunt excoctæ , & aquosiores con-
 tinent partes præ rubris, id quod color satu-
 rator in his innuit ; immò legitur in tom. 5.
 dec. 2. Misc. Ac. Cur. Rosarum causa dolores
 capitis ortos fuisse, & de Cive nostro recor-
 dor, qui ex odore rosarum, gravedine affi-
 ciebatur . Tandem notandum Gentiles in
 suis testamentis jussisse ad eorum sepulcra
 rosas deferri , ut ex Lapidibus sepulcr. pa-
 tet , in quibus legitur : *ut quot annis rosas*
ad ejus monumentum deferant , & alibi Rosas
quot' annis ornandum .

JOSEPHI
LANZONI
CONSULTATIONES
MEDICINALES
VIGINTI.

Recta Consilia Ægrotis damus.

Terentius in Andria Act. 2. Scen. 1.

CONSULTATIO I.

De Apoplexia .

AD EXCELLENTISSIMUM DOMINUM

FRANC: MARIAM NIGRISOLIUM

Medicum Sapientissimum , &c.

TExtor Ferrarien. Annor. ætatis 49. habitus carnosus , alioquin sani , Baccho indulgens sub finem Quadragesimalis Junii hujus anni 1713. in Meridie , de repente collapsus instar mortui jacet sine voce , nec videns , nec audiens , quin etiam tactu , motuque privatur , cum stertore quodam , pulsu adhuc integro , absque febre ; super cubile delatus , consilium , atque medicum petit auxilium.

Hæc affectio est morbus ille gravissimus Apoplexia fortis dictus , qui primò caput obsidet , & protinùs , ac subito sensu , & motu corpus universum privat , ut in præ-

senti Patientē apparet , signa enim diagnostica per se manifesta sunt ; Hujus affectionis causa est impedita irradiatio spiritus animalis ad organa sensus, & motus, quod , si observationibus anatomicis credendum , à stagnatione sanguinis evenit , quemadmodum innuit Hippocr. , & post eum Wepfer, ac Doleus ; impedito enim sanguinis motu , ipsoquē cruore coagulato in vasculis cerebri, seu meningum, vel in jugularibus ipsis, influxus in animales spiritus tollitur , undè lumen animale deficit, ex quò imēdiatē Apoplexia habetur ; Quoad prognosim spectat, Hippocr. in casu nostro apertē ait , Apoplexiam fortem solvere impossibile esse , & cū stertorem habeamus , nulla vitæ salus sperari potest ; At quia, monente Celso, melius est anceps experiri remedium , quàm nullum ; idē ad indicationes curativas , ut rectam consultationis methodum servemus , transeamus ; Istæ igitur sunt , primò restituere quanto citius fieri possit sanguini motum , indē spiritibus animalibus, postea depurare , ac volatilizare cruorem ipsum , tandem.

demquè viscera , & præsertim cerebrum ipsum corroborare : Prò quibus assequendis cùm in casu nostro Dieta , ac Pharmacia frustraneæ sint , eger enim nihil per os admittit , experto enim me præsentè aquæ apopleticæ brevi haustu , ipse per os ingrediebatur , & unà exhibat ; Tota ergò spes salutis in Chirurgia est reponenda ; Venæ sectio in Brachio , pede , ac jugulari instituaturs partitis vicibus ; Frictiones fortes , ligaturæ , cucurbitulæ scarificatæ , & auulsiæ applicentur , nec non experiatur remedium à Clariss. Dom. Mistichello præscriptum , nempè ferrum ignitum plantis pedum appositum ; clystere acri uti non incongruum puto , quod si istis non cedat aliquantisper morbus remediis , ac saltem liquida æger inglutiat ; tunc de vita actum est ; ut in præsentì nostro casu accidit ; nocte enim sequenti vitam cum morte commutavit ; & si in meridiè lumine animali orbatus fuit , sub media nocte , vitalis paritèr flamma extincta ; atquè sic illi

In æternam clauduntur lumina noctem .

CONSULTATIO II.

De Paralyfi post Apoplexiam.

AD EXCELLENTISSIMUM DOMINUM
ALOYSIUM A FABRA

Medicum Præstantissimum.

NOtissima est Affectio Rever. Sacerdotis Parochi nostri Ferrarien. Annor. ætatis 50. post enim validum Apoplexiæ insultum, diversarum partium corporis subsequuta est, & præsertim linguæ, ut nequè verbum integrum articulare valeat, Paralyfis. Hujus affectus generationem descripsit divinus Senex in 4. de rat. vict., cujus causa videtur esse vitium musculorum, & animalis spiritus, & quidem musculorum, cum ipsorum fibræ ineptæ sint, & malè dispositæ ad sui extensionem, cum sint flacidæ, ac molles; vitio autem animalis spiritus, si impotens sit ad musculorum fibras distendendas, aut quia
de.

deficiat, aut quia impediatur ejus influxus in nerveas partes à materia crassa, & obstruente; Quidam prognosim, hæc paralyfis curatu est difficilis, quia inveterata est, & quartum nunc videt annum, immò quia ab Apoplexia ortum habuit, timendum, ne iterum in Apoplexiam degeneret; attamen quia ætas consistens est, aliquid boni sperandum, nam si in senectute esset Pateriens, tunc incurabilis omnino esset, cum tubuli partis affectæ sint duriores, & fibrillæ crassæ, ac densæ, & minus sint mobiles, unde obstructions in iis genitæ non facile tolluntur; Indicationes igitur curativæ in hoc casu sunt, restituere motum spiritui animali, tollere materiam illam crassam, ac obstruentem, tandemque firmare, ac corroborare fibras, aliasque partes nervosas; Prò quibus assequendis, ad tres Medicinæ Fontes deveniendum puto; nempe ad Chirurgiam, Pharmaciam, ac Dietam; & quò ad primam, venæ sectionem comendo repetitam, ad hoc, ut communicato motu cruori, impedimenta facilius tollantur;

frictiones , ac cucurbitulæ scarificatæ , etiam in subsidium venire possunt ; ex Pharmacia , expiatis primò communibus viis , & alvo sollicitata , potione nostra magistrali solutiva , vel pilul. de agarico , Cochiiis , & agregatiu. , & prò alterantibus ad plures dies utendo jure vituli , in quò bullierint C. C. limat , fol. primulæ veris , Betonicæ , & Graminis ; indè ad specifica deveniendum ; ut est sequens mixtura per coclearia repetenda ad plures dies. R. Aq. ceras. nigr. , Salvię ana unc. ij. , Epilept. Lang. unc. sem. , Extract. castor. drac. sem. , Syr. de stechad. unc. sem. m. Præbeatur pulvis viperinus per mensem , superbibendo decoctum ex Ligno Quercino , Salsæ paril , Sandal citrin. , Radic. peoniæ , & fol. maioran. , Salviæ betonic. , mixtis , & in aqua Fontis paratum S. A. Quovis vesperè utatur conserva primulæ veris , Flor. tunicę , betonic. , & lilior. conval. inungatur pars affecta , oleo vulpino , Castorei , & spirit. vini mixto , nec non vinacea calida apponantur suo tempore ; Vitet frigus , ac aerem nocturnum ,

viſtus ſit moderatus , & cibi condiantur
aromatibus , cavendum à carne ſuilla ,
anatum , anſerum , & pavonum , & à vi-
no nimio , ac generoſo ; immò poterit vi-
num ſuum medicari fol. roremarin. , &
ſaſſaſraſ. . Cœna ſit parcior prandio , &
M valdè ab eo diſtet ; Somnum fugiat
meridianum ; Motum , atquè
exercitium præſertim ſereno
cœlo comendo ; alvus
lubrica ſemper ſer-
vetur , & hi-
lari animo
ſperet
ſalutem à Deo , qui ſolus
languores omnes
ſanat .

CONSULTATIO III.

De Vertigine .

AD EXCELLENTISSIMUM DOMINUM
FRANCISCUM JUSTINUM

*Medicum , Chirurgum , & Anatomicum
Solertissimum .*

Civis noster Ferrarien. ætatis 40. annor., aurium primò tinnitum senſit, cùm modico capitis dolore, ac rubore oculorum, paulò poſt omnia verti in girum videbantur, nec rectà ſtare poterat, ità ut timeret, ne caderet; hæc affectio facta eſt frequens, & nunc viſio tenebriſoſa eſt, & niſi baculo inhæreat ambulare nequit, ob timorem concidendi; Petit à Medicina auxilium, remedia, & ſalutem.

Vertigine affici hunc noſtrum Civem certum eſt, ſigna enim tam manifeſta ſunt, & aperta, ut cuilibet etiàm non Medico
apa-

apareant ; Subiectum hujus affectionis communi Authorum consensu cerebrum statuitur , cùm spiritibus animalibus , qui valdè perturbantur , ac inordinatè vagantur circà callosa corpora , & striata cerebri , nec non per poros omnes ipsius visceris principalis ; sic causa conjuncta hujus affectus erit spirituum animalium turbatio à corpusculis æterogeneis , & ipsis spiritibus infæstis , vel in sanguine , vel in aliis humoribus latentibus producta ; particulæ enim vertiginosæ in internas partes cerebri insinuatæ spiritus fugant , atquè tenebricosos faciunt ; undè inordinatè ad oculos propulsi , vertiginem pariunt in casu nostro .

Post causas , ad Prognosim est deveniendum , & primò si vertigo hæc diutiùs duraverit , apoplexiam , vel maniam , vel spasmodicos insultus prænunciat ; undè colligo , hunc affectum non floci pendendum esse , tanquàm morbi majoris prodromum ; Interrogandus autèm est Æger præsens , an viridis , aut purpureus color antè oculos obversetur , tunc enim amentiam ,

ac epilepsiam prænunciare, scribit Clariss. Doleus; Si verò recens vertigo est periculo vacat; Aliquandò capitis dolor hujus affectionis solet esse remedium, cujus exemplum dat Lel. à Fonte conf. 6.

Indicationes curativæ sunt, sedare inordinatum spiritus animalis motum, corpuscula vitiosa æterogenea eliminare, atque cerebrum corroborare; Quare primò innixi aphorismis Hippocr. sect. 4. num. 17., „ si febrem, non habeat, & æger noster „ abstineat à cibo, & tenebricosam vertiginem patiatur, & oris amaritudinem „ sentiat, purgatione indigere significat; sic igitur alvo sollicitata aliquo lenienti pharmaco v.g. Cassia, Manna, Syrup. aureo, Conser. flor. Persicor., vel similib., dico sanguinis missionem, tamquam singulare remedium, admittendam, & si de facili non cedat remediis Vertigo, tunc frictiones, Arteriotomia, Cucurbitulæ scarificatæ, Hirudines, & id genus remedia, è Chirurgico Fonte derivata, usurpanda sunt; Ex Pharmacia verò nonnulla veniunt assumenda præsidia, ut Decoctum
li.

ligni Guaiaci, Visciquerc., Buxi, Radic. Peoniae, Fol. Calendul., Betonic., procurato sudore per hypocaustum, & id per dies triginta; sudor tamèn sufficiet per x. dies; habito respectu ad Aegri tolerantiam, & resistantiam; omni autèm octavo die decoctionis, sumat Patiens Pilulas de Agarico ad drac. j.. Immò, tincturam Succini partiùs, sed sæpè datam cum Syrup. flor. peoniae meritò intèr specifica referri ait Valdesmadius in monit. med.. Laudo etiàm sequentem Tincturam à præstantiss. Doleo descriptam R. Flor. Peoniae, Lilior. Conval. ana unc. sem. Rorismarin. drac. iij., Salviae Betonic., Tiliae ana drac. ij., cum Spirit. cran. human. suo sale impregnat., Ultimo loco Conserv. flor. Calendulae quavis vespere ad Cocleare unum comendarem, sicut non semel uti sequenti bolo bonum erit, R. Stercor. Pavon. alb. in Sartag. leniter exsiccati, & pulverisati drac. sem., cum conf. betonic. q. f. fiat bolus aurat.. Hoc autèm stercus effectum suum edit ob suum copiosum sal volatile, quò scatet; Ad Dietam quod attinet, Cibus
eli

174 *Consultatio III. De Vertigine.*

eligatur succi boni , & qui facilè digera-
tur , vitentur ergò omnia legumina , Suil-
læ carnes , & præsertim salitæ , Caseus ,
Pasta , itèm vinum generosum , quia hoc
adaugēt sanguinis , spiritusquē effervescenti-
am , indèque multas particulas indomi-
tas ad cerebrum mittit ; Æger animi
perturbationes fugiat cane pejus ,
& angue , quia istæ valdè
sanitatem lædunt ; Aer
sit serenus , tem-
peratus , ac
lucidus ,
austrini cœli flatus fugiat ; sicq;
sanitatem Deo adiuvente
recuperabit ; Fa-
xit Deus ,
&c.

CON-

CONSULTATIO IV.

De Cephalagia.

AD EXCELLENTISSIMUM DOMINUM

FRANCISCUM SALMIUM

Medicum Præstantissimum.

Mulier 30. Annorum vidua boni corporis habitus, cui mensium fluxio imminuta est, dolore capitis punitivo per plures dies afficitur, cum inapetentia, & aliquandò cum cordis palpitatione; vix febre tentatur, ordinatè enim motus cruoris incedit; præter exiguam alterationem pulsus; aliquandò pallet, & modò rubet, atquè oculi inflammantur; Ob dolorem nequit, è lecto surgere, consilium medicum poscit, & auxilium sperat. Hic affectus Cephalagia nuncupatur, & est dolorifica sensario capitis à continui solutione dependens; Partes affectæ sunt partes nervosæ capitis, illæ enim sunt exquisito sensu

su præditæ , & quò magis acres particulæ sanguinis , & lymphæ in illis partibus latentes sunt acutiores , ac in majorem motum percitæ , eò dolor exurgit validior , undè pungitivum sentit nostra Ægra dolorem ; Cause igitur istius affectionis , sunt acres particulæ cum humoribus per vasa ad caput derivatæ , & cerebri filamenta , meningesquè vellicantes , atquè pungentes , quæ fortassis acres particulæ ortum habere ex imminuto catameniorum fluxu , non benè enim purgato menstrualitèr sanguine , ut scateat particulis impurioribus est necesse , & maximè in Vidua juvene , cui feruet massa sanguinis .

Circà Prognosim , Galenus ait , quod ex se iste dolor lætalis non est ; nihilominus tamèn periculo non careret , si longus , ac diuturnus esset , altasquè radices produceret , tunc enim in Apoplexiam , Epilepsiam , & cœcitatem transire posse docuit Jo: Fortis in consult. monendo cùm Areteo capitis doloris finem mortiferum esse , exigui enim dolores non sunt spernendi , attamèn quia in nostro casu , mulier sana est ,

est , & juvenis , ac dolor altas non egit radices , sperandum ope remediorum , citò salutem ipsam recuperare posse , ut voveo.

Indicationes ergò curativæ sunt , sanguinem à particulis illis acribus depurare , easquè eliminare , caput corroborare , & cruorem ad inferiora loca invitare , atquè per ea minuere , sicquè catameniorum fluxum in perenni motu , ac debita mensura restituere .

Quibus , ut satisfiat , ad tria Medicinæ brachia recurrendum ; & primò quò ad Chirurgiam , præcipuè consideretur sanguinis missio , & ità sanguis erit educendus à vena pedis , Hippocr. enim suadet , *ut dolorem sedes sanguinem de venis detrabito* ; & si dolor non cedat , monente Valdschmido , vena secetur in fronte , vel manu ; & ego pluries observavi fœlicitèr sectam fuisse venam jugularem ; quin & Arteriotomiam in temporibus summæ efficaciam esse putarem , quandò dolor pertinacitèr hæreret , nec de facili cederet ; Cucurbitule etiàm scarificatæ spernendæ non sunt tanquàm V. Sect. vicariæ ; hæc in quantum

ad Chirurgiam in casu nostro; Quod attinet ad Pharmaciam; Expurgatis primò à saburris, & vitiosis fermentis primis viis vel Syr. aureo solutivo, vel Potione nostra magistrali, ad sex untiarum pondus; Prò alterantibus utatur quavis mane jejuno stomacho jusculis, in quibus bullierint folia betonicæ, Cicorei, Endiviæ, Oxalidis. Ab opiatibus abstinendum; hæc enim, teste Valdfcimidio, paliativè curant, idquè non sinè periculo gravioris recidivæ, vel affectus lethargici; Prò magno remedio in tali casu, & in mea potissimùm dilectissima Uxore expertus fui, decoctum ligni visciquercini per plures hebdomadas jejuno stomacho assumptum; Nonnulli usum frequentem Pillular. de Aloe, atquè de Agarico laudant; Prò externis remediis, Primò sint lintea sequenti liquore madefacta, & fronti ad dolorem cicurandum apposita; ℞. Aq. Verben., betonic., rosar. unc. iij, vel ungu. populeon., & alabast. inungatur frons; Verbenam collo suspensam comendat Petr. Forestus; Lotio pedum sæpè juvat, quatenùs fibrillæ nervæ blan-

blando poppyfmate demulcentur ; quod etiàm laudat Doleus ; Quò ad Dietam demùm , cibi sint optimi succi , & facilis coctionis ; Potus sit vinum tenue , immò si à vino omninò abstineret melius esset , nàm vinum capiti nocere , ait in suis monitis Medic. Valdfcmidius ; Exercitium sit moderatum , somnus , & vigilia sint mediocria , Animi pathemata fugiat , utpotè quæ spiritus , & humores agitant , sicq; dolori capitis calcar adderent , & effervescentias sanguinis excitando nimias , arterias extendendo , cephalagiam augerent . Cæterà quæ pertinent ad varias conservas, aliaquè medicamina à Practicis , tam antiquis , quàm recentibus præscripta, silentio præterire volui , tùm quia præscriptis supèr remediis salutem recuperaturam spero , tùm etiàm cùm illa in dies à prudenti Medico præfenti perfici debeant.

CONSULTATIO V.

*De Tussi contumaci .*AD EXCELLENTISSIMUM DOMINUM
PETRUM DOMIN. VOLTOLINAM*Medicum Doctissimum .*

CAsus proponitur ab Excellentissimo
D. Medico ad Curam Nobilissimi
Juvenis , qui immodicè delectatus
portionibus gelidis ex succo limonum , &
modico faccari paratis ; diebus caniculari-
bus incidit in tussim molestantam , adeò ut
noctù dormire nequeat , & tam pertina-
cem , ut usquè adeò elapsi sint tres men-
ses , & multis tentatis ex Arte remediis,
nondùm convaluit ; quare opem , & au-
xilium à Deo primò , indè à Medicina im-
plorat .

Affectus igitur , quò noster hic Æger la-
borat absquè dubio est Tussis molesta , &
contumacissima , quæ definiri potest , va-
lida ,

lida , crebrior , inequalis , & sonora efflatio , vel expiratio , quâ magna spirituum pars cùm impetu foras erumpens vi sua explodere nititur acria excrementa , ex lymphâ peccante orta , tracheam , ipsasquè pulmonares fibrillas laceffentia , & vellicantia : Pars affecta est primò Pulmo , qui vel per se , vel per consensum alteriùs partis afficitur , postea fibræ bronchiorum , musculorumquè pectoris , ac alij nervi laceffiti mediantibus spiritibus tussim excitant , nec excludenda venit trachea fibris suis quoquè instructa ; Signa Diagnostica jam per se nota sunt , undè per Adagium dicitur , tussim , & amorem dissimulari , & abscondi non posse ; Nunc igitur pergamus ad causas , quæ in casu nostro , sunt particulæ in sanguine cuspidatæ , acutæ , & ferientes , quæ per cruoris circulum ad partes supradictas pectoris derivatæ , illas vellicant , atquè molestè pungunt , & sic motum præternaturalem excitant , qui formalitèr tussis dicitur ; tales autèm irritantes particulæ ortum habuere à nimio succi limonum usu , & à valido frigore , quò

imbutę fuerunt Potiones innordinatò desumptę; Frigidum enim pectori inimicum esse docuit maximus Medicorum magister Hippocrates.

Quò ad Prognosim observandum, in nostro casu, tussim non esse affectum spernendum, qui diù durat, & contumax est, ut advertit doctissim. Franc. de Leboe Sylvius; immò addit Clariss. Ettmulerus, timendum ne sit Phtiseos Prodromus; Capiti, & oculis tussim molestam nocere volunt multi, ideòque citò ad hujus affectionis est deveniendum curationem, nè æger in peiorem incidat morbum.

Curativè igitur indicationes erunt in casu nostro tollere irritamenta, dulcificando cruoris acredines, retundendo, & hebetando cuspides ferientes nerveas partes illarum particularum, quę propriè causant tussim; demùm, eas è corpore eliminare, atquę pectoris partes corroborare; Ad quę assequenda, ad tria Medicinę brachia deveniendum, & primò ad Pharmaciam; ex quà expiatis primò communiter primis viis, & prò præparantibus exhibitis ad plures

res dies Syrup. de hyssoppo , de prassio , & jujubino ; ad usum Lactis asinini per longum tempus est deveniendum ; Indè pulverem Haly comendarem , ocul. Cancr. , Conser. ros. recent. ; Mixtura Pectoralis non exigui est usus , sicuti Ferculum Saxon. Syr. de Erysim. Lobelj. , & liquiritiæ succus ; Balsamum Sulphuris comendatur à Rob. Boyleo in tract. Philos. experim. , & decoctum Raparum à Joanne Cratone in Epist. Medic. , & si lubricare aluum oporteat , usum Clysterum ex lacte vacino chalibeato , aut ex ol. amigdal. dulcium , confectorum laudo fretus autoritate celebris Malpighj in cons. 32. , quas Consultationes recentè collegit , atquè Typis Patavinis publicè juris fecit Clarissimus , atquè omni laude dignus *D. Hieronymus Gaspari*. Opia-
ta rariùs esse adhibenda monet Ettmuler. , cum Valdschmidio , qui sudores conducere scribit ; Usus spermatis ceti , & myrrhæ approbo ; linimenta verò tanquàm parùm utilia , vetulis credulis linquo , quæ in tussi non tantùm pectus , verùm etiàm plantas pedum inungunt ; Ex Chirurgia susci-

pienda est Venæsectio , quæ licèt à Practicis tantoperè non comendetur , magnæ tamèn solet esse efficacix , ut in monit. suis ait Valdschmidius; Hic autèm obiter noto, similem casum observasse temporibus suis Amstelodamensium Medicorum lumen Nicolaus Tulpius lib. 4. observ. medic. num. 21. , qui tamèn casus solo Raparum Decocto fuit curatus . Dieta deniq; sit blanda, ità ut suavibus particulis demulceat partes membranosas , & fibrosas , ideòque fugiat Ægrotus noster à cibis acribus , falsis, aromaticis , aliisque alimentis serum fluxile , & acutum reddentibus ; Potus sit ptisana Veterum , vel decoctum hordei cum passulis , Vinum fugiat maximè generosum , ob particulas acidas , quas in se habet ; Motus , & quies mediocritèr se habeant ; motus enim nimius humores agitando laticem acriorem reddit ; Aer impurus , & frigidus nocturnus , cane peius , & angue vitetur ; Læto sit animo ; dùm hæc pauca ego indico prò salute nostri Juuenis tussi pertinacissima ægrotantis ; Faxit Deus &c.

CON.

CONSULTATIO VI.

De Astmate .

AD EXCELLENTISSIMUM DOMINUM

HIERONYMUM BARUFFALDUM

Philosophum Eruditissimum.

PRoponitur mihi curandus Rev. Sacerdos ætatis annorum 60. habitus carnosus , qui quatuor ab hinc annis correptus est quadam spirandi difficultate , præsertim in assensu scalarum ; modò magis invaluit hic affectus , adeò ut fermè continuus sit factus , & nocte decubitus sit difficilis ; Anhelosus igitur , & suspirosus difficilimè trahit spiritum , adeò ut ob pectoris angustiam , suffocationem timeat ; & hæc ex historia dictæ affectionis desumpta fuere ab Excellentiss. Viro Curante elegantèr exarata , atquè ad me transmissa .

Ex quà colligo Reverend. Sacerdotem Astmate premi , & non incipiente , sed in-

ve-

veterato , & ad quatuor annos protracto ;
Hic affectus à multis caducus pulmonum
nuncupatur , & est difficilis respiratio ferè
semper absquè feбри , cùm sonitu , & stre-
pitu à cellularum pulmonis , & bronchio-
rum obstructione originem trahens ; undè
pars affecta sunt bronchia , seù asperæ ar-
teriæ propagines , non exclusis vesciculis ,
& vasis sanguifluis materiam vitioso - visci-
dam afferentibus ; Causa est materia cras-
sa , & glutinosa , ductus , & pulmonis
vesciculas obstruens ; & hoc dignoscitur ,
ex eo quod à Famulo Ægrotantis intelligo ,
per tussim enim sæpè ipse Rev. Sacerdos
crassam materiam excernit , & quò magis
illa excernitur , tantò magis affectus immi-
nuitur ; quia verò materia vitiosa , & vi-
scida ab humoribus circulantibus assiduè ad
pulmonem defertur , atquè ibi deponitur ,
hinc est , quod licèt æger à materia sta-
gnante exoneretur , tamèn Astma conti-
nuum humorosum perseverat ; Prognosim
quod concernit , advertendum , quòd , cum
vita , & respiratio pari passu ambulent ,
iste affectus astmaticus , sit valdè pericu-
losus ,

lofus, & maximè quia contumax est, & quatuor annorum soboles; ex quò dubitari potest, insignem pulmonis læsionem inductam esse; Quia verò expectoratio, & excreatio cum aliquo lævamine succedit, ideò spes erit paroxysmorum ferociam mitigari posse; Timendum autèm, ne sub morbi hujus contumacia Rever. noster Patiens, vel cacheticus, vel hydropicus fiat, quod tamèn Deus avertat; Indicationes itaque medicæ in nostro casu erunt depurandi sanguinem à materia viscida, ac glutinosa, eamquè, vel per diuresim, vel per diaphoresim educendo, & partes affectas corroborando; Prò quibus assequendis ad Medicinæ practicæ ordinarios fontes vertendum est; & primò quoad Dietam spectat, quia victus ratio constat ex rebus nonnaturalibus; ideò primo aer sit moderatus, serenus, siccus, non tamèn estuans, è contrà frigus vitetur, ex hoc enim humores faciliter conspissantur; Cibus sit attenuans, nè materia crassescat, isquè condatur herbis aromaticis, pectoralibus, hyssoppo scilicèt, fœniculo, Salvia, &c.;

Abstineat à Caseo , carne suilla , à leguminibus, omnibusquè illis , quæ crassum , lentumquè succum generant ; Vinum sit tenue , ac variis herbis pectoralibus medicatum ; Somnus sit moderatus , nec sit diurnus ; Alvus quotidie servetur lubrica , & sicuti ira , & mœror lædere possunt , ita Gaudium conducit ; A pharmaceutico fonte duo remediorum genera desumi possunt , unum in paroxismo , alterum extrà paroxisum ; quò ad primum Syrupum de Tabaco , & de Erysimò comendo , una cum balsamo Sulphuris , & spermate ceti ; ad secundum verò primò oportet blandè aluum sollicitare modico Cassiæ cum pul. Crem. tartar. , vel ol. rec. amigdal. dulc. , indè exhiberem ad plures dies Serum Caprinum depuratum , postea lac asininum cum saccharo fino , more consueto per xx. saltem dies ; Comendabilis etiàm est usus Syrupi de Helenio Horatj Augenij , cujus formulam habet Doleus in Encyclopedia med. pract. , sicuti pillularum sequentium , idest ; R. Pul. millepedum pp. drac. ij. , Flor. belzoin. , Salis succini ana scrup.

scrup. ij. , Extract. helenij , Castor. ana
scrup. sem. , croci scrup. j. , Therebintinæ
q. s. m. f. S. A. pillulæ parvæ quarum as-
sumat Æger quatuor omni vespere; Gumm.
Ammoniac. tamquàm egregium expecto-
rans , ac incidens comendatur ab Ettmu-
lero ; Flores sulphuris extrà paroxysmum
prò pulmonum conservatione , atquè si læsi
fuerint , restitutione fœlicitèr usurpari pos-
sunt , nempè R. Flor. sulphuris , Saccari
ana q. s. , notandum tamèn , nè nimis abu-
tatur Æger noster saccaro , & saccharatis ,
proptèr facilem effervescentiam , ob quàm
multi exasperantur morbi , & præcipuè
pectoris , viscidiora reddendo excrementa ,
& putrilaginem , & corruptelam pulmo-
nis magis intendendo ; Usùm pulveris Vi-
perini , etiàm laudavit Jo: Fortis in suis
Consult.

Deveniendum tandèm ad Chirurgiam ;
ex quà si Paroxysmus sit talis , ut metum
incutiat suffocationis , tunc statim vena
secetur , ut sic circulatio in pulmonibus
paulùm impedita promoveatur ; cæterùm
postea Venæ sectio per se in Astmatis cu-

190 *Consult. VI. De Astmate.*

ratione methodica nullum locum habet ;
Quibus ritè, & ex præscripto modò obser-
vatis per divinam benedictionem salus per-
fecta erit speranda, quod faxit Deus &c.

CONSULTATIO VII.

De Melancolia hypocondriaca.

AD EXCELLENTISSIMUM DOMINUM
ANTONIUM FRAN. BOTTICINUM

Medicum Præstantissimum.

MEdicos in decernenda ægritudinis
Honesti Civis nostri Ferrarien. se-
de, discrepantes habuisse sententias
mirari non oportet, quia, Hippocrate te-
ste, in morbis internis si Medici decipian-
tur, sunt excusandi, quemadmodum po-
steà inculpandi sunt, ait Mercurialis, si
in externis, & sensibus ipsis subiectis mor-
bis, allucinentur; Nos tamèn sensum no-
strum supèr hoc casu brevitàr exponemus;

Ho.

Honestus Vir annor. ætatis 47. variis obstructionibus, & præcipuè lienis, affectus, post cibi assumptionem, anxietates in præcordiis sentit; profundis, ac assiduïs cogitationibus detinetur, ità ut ad interrogationes aliquandò non respondeat; hypocondriorum adsunt tensiones, ac tandèm imaginatur multos habere morbos, quos realitèr non habet; Ex quibus colligitur præsentem Ægrum melancolia hypocondriaca affectum esse; hoc est Delirio sinè febre; Hujus morbi generatio obscurissima est, quoniam Natura in cerebro fantasie actus exercet, & aliorum sensum interiorum modo adhuc ignoto, & difficili explicatù; ut ingenuè fatetur Clariss. Malpighius in suis Consil. à præstantiss. D. Gaspari evulgatis pag. mihi 45. Nonnulli putant stomachum affici, alii mesenterium, Pancreas, & lienem accusant, certum tamèn est, ex sectione Cadaverum hypocondria denatorum, modò observata fuisse vitia in ventriculo, modò in mesenterio, nunc in Omento, nunc in liene, modò in aliis visceribus; Ego prò sede istius mor-

morbi agnosco, globosam partem cerebri, in quâ functiones non ritè peraguntur, ut-
potè quia cerebro subministratur sanguis
infectus, ex eo quod ratione obstructio-
num, nec sufficientè filtrari, nec fer-
mentari potest, undè acidior factus, vi-
tiatur succus nerveus, qui à corticalibus
glandulis perpetuò separatur, & acidis
salibus imbutus, non omnimoda pollet vo-
latilitate, undè mens angitur, & specie
timoris torquetur; Hippocondriorum ad-
sunt in nostro casu tensiones, quia segniùs
cruor movetur per vasa infimi ventris, un-
dè retardato motu extenduntur membra-
næ, & in nimia illa extensione, particu-
læ illæ, quæ debent egredi per insensibi-
lem transpirationem retinentur in muscu-
lorum poris, abdominis, & intestinorum,
undè flatu excitantur. Quò ad Progno-
sim, dico hunc affectum cronicum esse,
& curatu difficilimum, & meritò dici Me-
dicorum flagellum, ac opprobrium, cum
plura, immò, & generosa eludat reme-
dia; interdum iste affectus in maniam tran-
sit; Indicationes sunt depurare humores
à sa-

à salibus acidis, tollere vitium in cerebro, obstructions in liene, mesenterio, &c., tandemquè viscera ipsa corroborare; quæ ut peragantur primò ad Pharmaciam deveniendum est; & alvus est lubricanda lenienti remedio, cavendum tamèn à catarcticis, nàm hæc majorem excitabunt confluxum ad partes affectas, & quia noster Hippocondriacus est Flatulentus, ideò admodum conducere posse enemata puto; Usus succorum depurator. fumar., borigin., & Cicor., per plures dies laudo, quibus succis addi potest tinctura chalybis; Deindè bonum erit uti serò caprino cùm stibio diaphoretico; quìn, & lactis asinini usum præscribit Clariss. Malpighius; Pulv. ocul. Cancr. pp., & rasur. eboris egregii sunt usus. Rotulas Diarodonab. non improbarem, & essentiam Croci, teste Clariss. Zannicchello. Ex Chirurgia sanguis mittatur per hæmorrhoidales venas ope hircudinum, atquè nihil aliud ab hac Medicinæ parte sumatur, quia sperandum est, teste Clariss. Jo: Fortis, talem morbum medicamentis sinè ferro, & igne magna

parte cessurum ; Interim victus ratio non sit rigida , sed moderata ; Vinum alteretur infuso Chalybe , croco cibus condia-
tur ; Potus Chaffè , & Thè utilis erit ; Ab-
stinendum à carne suilla , leporis , ajuum
acquatic. , ac cibus ex pasta paratis , à Le-
guminibus præter Hordeum , & Orizzam ;
Somnus maximè nocturnus valdè proderit ;
sicut exercitium moderatum ante cibum ;
Animi passiones , tamquàm salutis oppositæ ,
juxtà Clariss. Terenzonum de Valet. tuen-
da exercit. 8. vitandæ , & gaudio , at-
què hilaritati studendum ; spiritus enim
tristis exsiccat ossa ; Pauca autèm hæc di-
cebam prò confirmatione eorum , quæ
à Doctissimis Viris proposita fue-
re , quorum iudicio libens
me subiitio ; Faxit
Deus , &c.

*

CON.

CONSULTATIO VIII.

De Sputo Sanguinis, &c.

AD EXCELLENTISSIMUM DOMINUM

JO: DOMINIC. BENETTUM

Medicum Præstantissimum.

QUi historiam medicam , supèr quâ consilium meum , & si parvi pendendum , mihi tulit, Sacerdos quidam venerabilis fuit , ex illustri Jesuitarum Collegio satis eruditus , & summa bonitate præditus , quales solent esse omnes alii illius Illustrissimæ Religionis , à me perpetuò venerandæ , atquè vero amore jugitèr prosequendæ . Historia Affectionis talis est . Civis cujusdam Nobilis Filius annorum ætatis 21. , post nimiam incalcescentiam , atquè violentum exercitium in venatione incidit in sputum sanguinis spumosi cùm tussi , præcedente titillatione , & pruritu in aspera arteria , & præsertim in

ejus principio; variis tentatis remediis convaluisse videbatur; sed falsò, tres enim post menses iterùm tussis invaluit, & Hemophtoe recrudit; ità ut cum quadam violentia ultimò loco sanguinem vividum floridum, ac spumofum ad pondus ferè unius libræ excrevit; ità quod vomere videretur; nunc remedia quærit non tantùm prò præfenti curatione, quàm prò præfervatione; supèr quam historiam Juvenis præfentis Hemophtoici fic confulo.

Graviores intèr pectoris affeetiones sanè, & omnibus annuentibus Practicis est sputum sanguinis; potest verò hic triplicitèr à pulmone exire, per anastomosim videlicèt, idest per osculi vasis aperitionem; vel per diapedesim, nempè per transfudationem, vel per Dièresim, hoc est per rupturam vasorum, quàm ultimam timeo accidisse in nostro casu; qui est rejectio cruoris per os cùm tussi, sinè inflammatione à vasorum pulmonalium ruptura ortum habens; Pars affecta propriè est Pulmo, ejusquè vasa, membranæ, & vesciculæ; Causa est sanguinis acrimonia, unde

dè particulæ acres suis cuspidibus feriunt , ac errodunt partes supradictas , atquè continuum solvendo , sputum Sanguinis excitant ; Consultationis methodus nunc postulat , ut ad Prognostica calamum veritam , & quid de Ægri nostri salute sperandum sit candidè fatear ; idcirco primò cum Hippocrate dico , quamcunque sanguinis supernam ejectionem malam esse , à disrupto enim pulmone , suppuratio , & tabes timendæ sunt , a sanguinis enim sputo puris sputum , à puris sputo Phthisis , sunt verba magni nostri Præceptoris ; quia verò in juvene præsens affectio est divite , atquè præcepta medica summa obedientia recipiente ; sperandum , ut assumptis ab Arte præscriptis remediis salutem recuperet , ut ex corde voveo ; Indicationes ergò curativæ sunt dulcificare massam cruoris , & aperturam pulmonis claudere , atquè consolidare ; Quibus ut satisfaciamus ; ad tria medicinæ lumina vertendum , nempe ad Chirurgiam , Pharmaciam , & Dietam ; & quò ad primam ; iniecto priùs clystere , vena cubiti dextri aperiatur , & si.

cruor in magna copia ; & quantitate exiret , venam etiàm pedis erit secanda ; Ex Pharmacia sumatur succus Urticæ , cùm pilul. ad Hemophtoem D. Helvetii , quibus sæpè fœlicitèr utor in Praxi facienda hic Ferrariæ prò sanguinis quibuscumquè effusionibus ; Decoctiones insupèr conducunt Plantaginis , Malvæ , Cicor. , Boragin. , cum pul. ocul. Cancr. pp. ad plures dies , postea ad usum lactis asinini cum saccharo more solito confugiendum est , & hoc per 40 dies ; vespere autèm utatur conserva Rosarum , ex cujus frequenti usu aliquos etiàm Phtyficos sanatos esse nonnulli Authores perhibent ; Tempore verò , quò lac assumet , abstineat à vino , & ejus loco potet aq. hordei , & emulsion. quat. sem. frigid. maior. , & loco cœnæ summat ptisanam hordeaceam ; Esus testudinum , ranarum , atquè cancrorum fluviatilium utilis erit , Carnes sint elixæ , & facilis coctionis ; abstinendo ab acidis , falsis , ac austeris tamquàm à cane , & ab angue ; & hæc sunt quæ à Dieta præscribi possunt ; Somnus , & Vigiliæ non excedant Limites

mediocritatis , & ab ira , aliisque animi vehementioribus affectibus abstineat Æger, ut optatam recuperet salutem. Faxit Deus &c.

CONSULTATIO IX.

De Pleuritide.

AD EXCELLENTISSIMUM DOMINUM

NICOLAUM BELLAJAM

Medicum Præstantissimum.

Honestus Mercator annorum ætatis 40. Mense Februario , aere inclementiore , & frigidioris existente, per diem personatus incedit, atque bacchanalia celebrat , domum reversus defatigatus assumit haustum magnum vini generosi , ad sitim, quæ torquebatur tollendam, & ut dicebat , ad vires reficiendas ; Hinc paucis elapsis horis, horror totum ejus corpus invadit, cubile petit, obdormit spatio

duarum horarum, expergefactus sentit dolorem, sed obscurum sub mamma dextera, indè corripitur febre, cum dolore, & rigore, dolor augetur cum tussi sicca, & cum spirandi difficultate, pulsus est durus, & frequens, urina turbata, tandèm expuit sanguinem in modica tamèn quantitate; Auxilium petit ab Arte nostra.

Ex signis in historia ennarratis, colligitur nostrum Ægrum vexari pleuritide, cujus pars affecta est pleura membrana scilicèt, quæ costas internè vestit; una cum dextra pulmonis parte, certum enim est in quavis pleuritide pulmonis partem inflammari, sicuti in Peripneumonia ambo latera pulmonis inflammatione corripiuntur, & hoc Hippocrates docet de loc. in homin., sicuti Herophylus, Bonettus, Doleus, Celsus, Platerus, & alii tam antiqui, quàm recentes Medicinæ Magistri; cùm enim substantia pulmonum sit valdè apta ad inflammationem, quia mollis, spongiosa, rara, & porosa, hinc est quòd facilè obstrui potest indequè erisipelatosæ inflammationes oriuntur; quæ originem ha-

bent

bent à sanguine crasso , & lentefcente vitio aciditatis contractæ , à quâ coagulatio dependet ; & cùm fixatæ in pleura particulæ acres evadant , ideò dolor insurgit pungitivus , particularum enim acrium cuspides feriendo pleuram sensu exquisito præditam , solutionem continui inducunt , undè acutus dolor invadit ; causæ verò remotiores sunt in nostro casu , insensibilis transpiratio impedita , exercitia vehementiora in solemnibus Bacchanalium habita , quatenus ista fermentant magis cruorem , undè hic impetuosior redditus per arterias , & venas fertur , indeque facilius extrâ vasa effluere potest , imprimis si subito in suo motu impediatur , & in pleura , & pulmone sistatur , tunc enim vasa nimium distendantur , atque inde faciliter rumpuntur ; ex acredine verò illarum particularum irritante , tussis sicca primò oritur ; Vis causis , nunc ad Prognosim veniemus ; Pleuritis igitur cum sit morbus acutus semper est timenda ; morborum enim acutorum , juxta Hippocratem , incertæ sunt prænunciationes Salutis , aut Mortis ; Si
pul.

pulsus sit parvus , & creber , atquè ferratus nunquàm periculo carere ægrum , ait Jungken in sua Praxi ; si sputum appareat ante quartam , & sit album , leve , & æquale , septima die terminabitur morbus ; Urina , est inspicienda , & si sit mala cum sedimento copioso sputis tamèn bonis rem salvam esse docuit Valdisemidius , cùm citato Jungkenio in sua Praxi . Indicationes curativæ erunt , coagulationem in parte particulari auferre , sanguinem ab aciditate coagulante liberare , dolorem lenire , atquè vires conservare ; Quibus ut satisfiat ; ad Chirurgiam primò recurrendum , & ab ista primò præmisso Clystere , sanguinem mittere è vena brachii dextri opus erit , ipsamquè operationem repettere tamquàm necessariam , & summè proficuum , ut monet Clariss. Barthol. Corte , prò V. Sect. ; Ex pharmacìa desumantur pulveres dent. apri pp. , sangu. hirci pp. , mandib. luc. , ocul. Cancr. pp. cum aq. Papau. erratic. , Gramin. , Endiviæ , & Hordej ; Utiles erunt medicinæ diureticiæ , & sudorificamitiora omnem absolvere paginam inquit Val.

Valdſcmidius in Monit. medic. diaphoresim enim juvare ait Clariss. Pascolus in observ. medic.; sicuti Opiatis, ceu infidis remediis hinc non admodum fido. Elect. pectoral., Syr. de hibisco, de hyssopo, Jujubin. comendarem; externè Ol. noster de cucurbita antipleuriticum semper adhibeo non sinè juvamento; Purgare autèm in tali casu esset eum magno exponere vitæ periculo; Quoad Dietam verò, notandum eam tenuem esse debere; Vinum omninò vitetur, & huc facit illud observatum Brasavoli inclyti Medici nostri Ferrarien. com. in lib. 1. Hippocr. de rat. vict. in acut. præsentissimum esse venenum in laterali morbo, vinum præsertim in principio. Prò potu igitur sit decoct. Hordej, & aqua pectoral. nostra; & hic paritèr advertendum nihil nocentius in Pleuritide esse, & quod malum magis exasperare soleat, quàm potus frigidus; tepida ergò debet esse potio; Si adsint vigiliæ urgentes emulsiones pavaraceæ non erunt absquè effectû; Quò ad excreta, & retenta melius est aluum suppressam habere, quàm laxam, cum ex
Hip-

Hippocratis sententia purgantia noceant ,
 quod etiàm docuit Clariss. Doleus. Sed jàm
 tempus est , ut vela contraham , & de hac
 Pleuritide satis , superquè ; Deum itaque
 O. M. deprecor , ut salutem optatam Mer-
 catori nostro restituat.

CONSULTATIO X.

De Cordis palpitatione frequenti.

AD EXCELLENTISSIMVM DOMINVM
 JACOBUM CICOGNINUM

Medicum Præstantissimum.

EXactissima , & Eruditissima morbi
 nobilissimæ Matronæ à Te (Vir Ex-
 cellentissime) ad nos missa historia ,
 demonstrat nostram Ægram vexari cordis
 palpitatione ; Hæc enim , ut colligo , est
 nobilis mulier vidua annor. 39. , quæ post
 vehementes animi passionēs , post Mariti
 mortem , sæpiùs immani , ac frequenti
 pal-

palpitatione cordis corripitur, summa cum anxietate, & animi deliquio; deficit autem in mensium fluxu; nunc scire desiderat à me, quæ hujus morbi sit causa, & quomodo sanari possit; circa quod breviter respondeo, istam nobilissimam Viduam affici cordis palpitatione, quæ definitur a Doctoribus inordinatus, ac convulsivus cordis motus, sive concussio, cujus causa est quidquid musculos cordis, aut nervos moventes irritare potest; & in nostro casu hæc irritatio fit à particulis salino-acribus in sanguine existentibus, quæ per arterias coronarias deponuntur in parenchyma Cordis; per intervalla verò malum urget, quia sanguis non semper eodem modo dispositus existit; vitium autem sanguinis hoc dependet à catameniorum defectu; Quò ad Prognosim attinet; præ affectione periculosa palpitationem cordis agnoscit Valdesmadius, quia dicit ille, æger suffocatione facile extinguí potest; Quò verò levior est, & à mensium defectu eam oriri putamus, ideò major salutis spes effulget; Palpitatio verò frequens,
& ma-

& magna mortalis est, suadente Illustriss. D. Lancisio de subit. mortib.; Indicationes considerandæ nunc sunt, ad hoc, ut curationem istius effectus assequamur, iste verò sunt, meo videri; Sanguinem à particulis acribus liberare, menstrualem purgationem stimulare, obstructions leves in vasis uteri tollere, & partes affectas corroborare. Quibus, ut satisfaciamus, in primis laudo omnia remedia ab Excellen: D. Medico Curante adhibita; indè, ut salutem optatam acquiramus, ad Chirurgiam, Pharmaciam, & Dietam; tanquàm ad remediorum fontes devenio, & primò quoad Chirurgiam; in ipso Paroxismo venam secare licèt, sed vide ne excedas in quanto, ut monet Valdschmid., extrà paroxysmum etiàm juvabit, quatenùs à vena pedis eductus cruor mensium fluxum promovet, à Chirurgia verò nullum aliud præsidium capere posse ægram nostrā cogito; Ex Pharmacia in Paroxismo exhiberi poterit sequens remedium. R. Aqu. Epilept. Lang., histeric Quercet. ana unc. j. sem., mellissæ unc. ij. spirit. C.C. scrup. j.,

Sac.

Saccar. perlat. drac. iij. m. , In hoc negotio opiata optima esse aiunt multi , quod ego non semel expertus fui ; A Purgantibus fortioribus abstinendum , Usum feri lactis , indè Decocti Rad. Chinæ , Salsæparil. Santal. ego comendarem ; sub vesperre etiàm Conserv. Betonic. , Flor. Tunic. , Boragin. exhibeatur ; Aperitiva etiàm , quatenùs aperient vias uteri comodè administranda erunt , atquè externè applicetur Theriacha cum vino , & croco , quod remedium comendat Wolfgangus Hoeferus , & post eum Burnetus . Dieta constet ex cibis laudabilis succi ; Juscula sint medicata radicibus asparag. , fenicul. , & petrosellin. , Vinum paritèr medicatum sit ligno sassafras ;
Alacri animo vivat ,
& salutem speret ;
à Domino , ut
enixè præcor .

CONSULTATIO XI.

De Mania .

AD EXCELLENTISSIMUM DOMINUM
DOMINICUM MAZZARELLUM

Medicum Doctissimum.

SUmmus ille Philosophus Plato in Char-
midis initio sub persona Socratis dice-
re solebat omnes morbos , qui in ho-
minibus generantur, ab animo originem du-
cere; Quod manifestum est ex Historia se-
quenti, super quam consilium medicum
petitur. Juvencula Annor. 20. ingeniosa
valdè, ac non deformis speciei, Adole-
scentis cujusdam amore capta, correctio-
nes frequentes matris ægrè ferens, incidit
in obstructions, undè imminuta fuit men-
sium fluxio, & pallidus color apparuit;
successit hysterica passio, à quà male ve-
xata est; post hanc vigilas patitur, mo-
dò cogitabunda, & taciturna, modò ni-

mis

nimis hilaris , & incomptè loquax , ad insaniam redacta est sinè febre ; auxilium implorat; Delirio Maniaco Adolescentulam præsentem affici manifestum est , quod definitur crudelis animæ passio cùm actionum ejus plurium , vel sensuum omnium perturbatione , præprimis delirio , cùm audacia , & furore absquè febre , à texture pororum cerebri , & ejus vasorum inversione , & circulantium humorum acrimonia ignea dependens ; Pars affecta est Cerebrum cùm suis incolis tùm passivis , tùm activis . Causa est perturbatio texture pororum cerebri , & ejus vasorum , nec non spiritus animalis , quæ omnia dependent à vitio sanguinis acrioris redditu à mensium fluxione imminuta , à passionibus animi , &c. cùm enim spirituum animalium motus , & generatio consistat in blanda sanguinis fermentatione , & dulci crasi , nec non apta pororum , & vasorum cerebri configuratione , hinc est , quod illis vitiatas , paritèr operationes animæ in cerebro vitiantur , undè delirium sequitur . Prognoseos ratione notetur , quod Mania rarò est læthalis ,

etsi curatu sit admodum difficilis, maximè quando jam altas egerit radices; benè autèm sperandum in nostro casu, nam nostra patiens Juvenis est, nec in morbo adulta; Si præsens delirium somnus sedaverit, juxtà Hippocr. Sect. 2. aphor. 2., bonum erit; quin, & bonum etiàm, si cum risu sit præsens insania, si verò ad suum statum naturalem fluxio menstruorum restitatur, tunc spes erit salutis; quàm ut celeritèr, & perfectè assequamur, primò indicationes veniunt examinandæ; indè curatio instituenda; Primaria igitur indicatio medica videtur esse restitutio, & correctio sanguinis, ità ut ad naturalem statum reducetur, ut tùm exindè laudabilis fiat succus nerveus, & spiritus animalis motus, ex quò rectè mentis operationes dependent; indè corrigere oportet vasa, ac porositates ipsius cerebri, ipsumquè corroborare; Quibus ut satisfiat, primò ad Chirurgiam deveniendum, ex quà sanguinis missio est petenda, & repetenda, à venis brachii, pede, atquè jugularibus, Hirudines, & cucurbitulæ scarificatæ applicari.

plicandæ, & tonsura capillorum commendatur à Jo; Forti in suis consult. cent. 1., cauterium futuræ coronali applicatum maximè probatur à Gordonio, immò ego cōmendarem ipsam arteriotomiam; à Chirurgia gradum faciamus ad Pharmaciam; Ex quâ Tincturam florum hyperici, suadente Raio, usurpandā suadeo, sicuti emetica ex antimonio, atquè cathartica, & medicamenta ex helleboro confecta, unà cūm opiatīs commendarem; si somnus enim delirium sedaret bonum esset, uti suprā ex Hippocrate innui; A Thoma Bartholino, & Clariss D. Luca Tozzio Amico meo semper recolendo in sua Praxi proponitur seq. pulv., ℞. pul. Gentian. drac. j., mirrhæ tantundem, pul. cancr. fluviat. ustor. duplum m. prò duab. dosib., Balnea aquę tepidæ frequentèr, & post singulas purgationes usurpanda sunt; & meminī de quodam Cive nostro Maniaco, qui post purgationem, usu Balnei aquæ currentis nostri Eridani sanatus fuit; Dietetica cura nunc sequitur, undè cibus sit refrigerans, & humectans, & juscūla re-

212 *Consultatio XI. De Mania.*

frigerantibus herbis sint medicata ; Vinum
perpetuo exulet , juxtà illud Poetæ

*Vina gravant animos , faciuntque furoribus
aptos .*

& hujus loco aqua hordei bibenda ; Hic
autèm noto , Clariss. Doleum decoctum hi-
rundinum cùm lapide prunellæ sua
experientia comprobare ; immò
prò potu ordinario serum
lactis convenire , mo-
net Valdschmidius.

Quæ in præ-
senti affe-
ctione
sufficiant. Faxit
Deus ,
&c.

CON.

CONSULTATIO XII.

De Nausea, & Vomitu.

AD EXCELLENTISSIMUM DOMINUM

JOS. FLOR. VACCARIUM GIOIAM

Medicum Eruditissimum.

EX litteris Excellentissimi Medici ordinarii accepi, Illustrem nostrum Juvenem, à longo tempore nausea, & vomitu laborare multis incassum exhibitis remediis, quare à me consilium petit.

Ventriculus recipiendis, retinendisquè alimentis à Natura destinatus, aliquandò si gravetur, vel à noxijs humoribus irrite-
tur, nausea primùm, mox vomitu afficitur; qui nihil aliud est, quàm ventriculi, atquè in specie fundi ejus, & pylori, versùs superius orificium contractius, aut convulsivus fibrarum motus, contenta quævis per superiora rejciens, cujus levior species est nausea, subiectum ven-

trculus est cùm suis fibrillis nerveis; Cau-
sa verò istius affectionis consistere videtur
in particulis viscosis, & acribus, vel in
ventriculo ipso detentis, vel per arterias
in ipsum delatis, quæ suis irritantibus acu-
minibus fibras ventriculi pungendo nau-
seam primò, indè vomitum excitant; pro-
babile enim est, inquinamenta primæ co-
ctionis in hoc Juvene membranas ventri-
culi amplexantia convulsionem in ventri-
culo excitare, undè vomitus accidit; Ac-
cedamus nunc ad signa prognostica; & pri-
mò timendum, ne in hecticam incidat,
ut monuit Doleus, ulteriùs vomitus con-
tumacia semper mala solet esse, quia la-
borat pars quædam nobilis, & cessante
actione ventriculi tota destruitur animalis
Œconomia; Indicationes curativæ sunt in
nostro casu, tollere irritationem, & con-
vulsionem ventriculi, hebetando cuspides
particularum irritantium, illasquè eva-
cuando, & demùm corroborare oportet
fibras Ventriculi ipsius; Quæ ut assequan-
tur ad tria Medicinæ Brachia devenien-
dum, nempe ad Pharmaciam, Chirur-
giam,

giam, ac Dietam, quibus mediantibus salus sperari potest; & quò ad Pharmaciā laudo frequentem usum olei amigdal. dulcium sinè ignè extracti, ut & feri capri-
ni colati longo tempore usurpati, cùm Gelatina C. C., tandem cùm Clariss. Malpighio lac asininum propono, quò irritatio demulceri potest, & si quid exulceratum esset potest detergi, ac consolidari; Com-
mendarem præterà Specific. stomatic. Poteri, Sal. Absint., Aq: Menthæ, Laud. opiat., & Syr. de cortic. Citri, cùm succo cydoniorum; Exteriùs apponatur empla-
strum de Crusta Panis, aut aqua rosar. cum modico camphoræ, & succo limonum prò linimento; Utatur sæpè Conservis Ci-
donior., Rosar., ac totiùs Citri, ut & Chi-
na Chinæ, suadente Clariss. Nigrisolo no-
stro, in Feb. chin. curat.; Ex Chirurgico Fonte nihil assumerem in nostro casu;
Dieta sit moderata, & fugiantur legu-
mina, dulcia, & pingua; atquè condian-
tur aromatibus esculenta; cùm cibo con-
veniet balsam. peruvian., & Chocolata,
Vinum hispanicum in modica sumptum

quantitate juvare potest, sicuti fructus cydonius cum emulsionibus ex amigdal. dulc. Pauca hæc scribebam in tali ventriculi affectu, quæ itaque subijcio acri judicio Doctissimorum Virorum. Faxit Deus, &c.

CONSULTATIO XIII.

De Cardialgia.

AD EXCELLENTISSIMUM DOMINUM
DYONIS: ANDR: SANCASSANUM

Medicum Præstantissimum.

CIvis noster Ferrarien. ætat. annor. 41. post longum itèr tempore æstivo, febris corripitur cum stomachi immani dolore, erosione, & morfu, ita ut penè mori se sentiat; auxilium petit. Morbus istè Cardialgia est cum febris, quæ affectio definitur dolorifica sensatio excitata in ventriculo à particulis acrioribus in eo contentis, orificium ejus superius convulsiva

siva constrictione irritando , & rodendo
afficientibus; Subiectum istius est propriè
sensibilissimum ejus ventriculi orificium su-
perius , non exclusis etiàm reliquis ipsius
visceris partibus ; dolet autèm magis ori-
ficium superius , cùm longè copiosiores
nervos habeat , qui per illud diffunduntur;
Cardialgia verò dicitur , quia æger , ob
istum dolorem animo deficit , & sudore
exsolvitur , undè Galeno Duce , Sapientiss.
D. Lucas Tozzi , hanc affectionem synco-
pem stomaticham appellat . Causa istius
affectus immediata est rosio orificii superio-
ris ventriculi , totumquè nervosum genus
per consensum trahens ; quam causam
suppeditat omne id , quod figura sua acu-
ta , & pungente , dictum orificium ven-
triculi quovis modò potest lèdere ; Non
excludit etiàm Franc. de Leboe Sylvius ha-
litus ascendentes ad dictam partem cùm
acriores fuerint ; sicut contingit porum fel-
leum natura tam proximum Pyloro super-
fluitates biliosas è sua cysti deponere in duo-
denum intestinum , ex quò in ventriculum ,
ut subindè Cardialgia accidat ; & similiter

dicendum de succo pancreatico . Prognosis , morbum hunc periculosum pronunciat , si diutius duraverit , siquidem pars ista ventriculi affecta exquisito adeò sensu pollet , ut in consensum trahat utrumquè principium vitæ , nempe cor , & cerebrum propter nervorū à cerebro manantium copiam , undè Galenus dicebat , os ventriculi in sui consensum animam ducere ; immò observavit Trallianus , quod si humores erodentes pertinaces sint , æger brevè morietur .

Citò ergò indicationes videndæ , & his satisfaciendum est ; istæ sunt , materiam acrem ledentem internè stomachum dulcificare , educere , atquè omninò eliminare , ulterius ventriculum corroborare , ac ipsi suum naturalem tonum restituere ; Quibus , ut satisfaciamus , ad tria Medicinæ bracchia deveniendum , nempe ad Chirurgiam , Pharmaciam , atquè Dietam , ista enim Praxeos Medicæ magna sunt lumina , sinè quibus nihil ; Ex Chirurgia igitur defumatur venæ sectio non tantum ob febrem , sed ad avertendam inflammationem

nem , quæ de facili posset excitari à particulis errodentibus ; sic apud Hippocr. in Epid. Vir vehementi dolore ventriculi correptus, secta vena in utraqùe manu, & sanguine educto , liberatus fuit.

A Pharmacia vomitorium primò comendarem sumendum , ut monent Guil. Fabric. Hildan. , Felix Plater ; Mart. Rulandus, Mich. Ettmuller. , Jungken , aliique plures ; Summè conferunt coral. rub. pp. , Crystal. Mont. pp. , Ocul. Cancr. pp. , Margar. pp. , omniaquè alckalia/acredines acidas imbibentia ; Opiata maximi sunt usus , clysteres proderunt , sicuti serum depuratum , emulsion. quat. semin. frigid. maior . Externè Emplastrum de crûsta panis laudo cum succo agrest. , aceti loco paratum ; Hisce remediis addatur congrua victus ratio , circà quam notat Jo. Fortis tardiùs cibũ sumere esse nocuum ; ideò Celsus cibum paucum , & sæpè exhibebat ; vinum absintites comendatur à Jungkenio , ut & decoctum falsæ paril. cum cinnamomo , prò potu sit ordinario ; Quæ omnia D.O.M. prò votis propitia reddat .

CON-

CONSULTATIO XIV.

*De Singultu.*AD EXCELLENTISSIMUM DOMINUM
BERNARDINUM GIBERTUM*Medicum Præstantissimum.*

A Deò clara , & manifesta est Morbi , qui nostrum Civem torquet , Natura , ut supervacaneum omninò sit diutiùs in ea indaganda immorari , est singultus valdè frequens molestiam inferens , ac somnum impediens ; quæ affectio definiri potest per motum convulsivum interpolatum diaphragmatis in consensum trahens ventriculum , & vicinas partes ; unde Doleus prò subiecto cognovit ventriculum secundum fibrillas suas , nervos , & tunicam cum diaphragmate communem ; Causa hujus affectus provenit ab humoribus , vel vaporibus , aut copia , aut qualitate acri peccantibus , & ad membrana-

ceum

ceum diaphragmatis centrum, vel medium penetrantibus, ipsumquè pungendo, vel rodendo, vel agravando ad convulsivum motum irritantibus; Fatetur autèm ingenuè, ac candidissimè Sydenam in obs. de morb. acut., se sibi metipsi de singultus causa disquirenti satisfacere non potuisse; Hippocrates verò, eum provenire ex inanitione, vel ex repletione statuit; Quò ad prognosim attinet, notandum, quod, quia est sinè febre, ideò periculo vacat, si verò cum febre jungeretur periculosus esset; Cæterùm si nostro patienti sternutatio supervenerit bonum erit, docet enim Clariss. D. Lucas Tozzi Amicus meus semper recolendus, sternutationem remedium esse singultus, concussione enim, ea, quæ ventriculi tunicas vellicant facilè excutuntur, & ablegantur; Indicationes erunt materiam irritantem cicurare, atquè educere, & ventriculo, aliisque affectis partibus robur addere; Quæ ut fiant, ad Pharmaciam, Chirurgiam, ac Dietam deveniendum, ut sic salutem optatam Patienti nostro restituamus; ex primò igitur
re.

remediorum Fonte , levitèr purgare convenit ventriculum , & si æger non abhorreat , vomitus levitèr excitandus , ut causa , si quæ esset in stomacho educatur ; ad cuius verò correctionem non tantùm oleũ recens amigdal. dulc. , emuls. sem. quat. frigid. mai. , sed cremor ptisanæ , juscula pingua , cum ocul. Cancr. pp. comendarem ; Valdschmidius præcipitantia , Ebur, C.C. , & Crystal. mont. pp laudat. , & Clariss. Pomp. Sacchius Parmensis Collegii Lumen hodiernum , mixturam Sylvii præscribit , quæ talis est. R. Aq. Menthe unc. ij. , Theriacal. unc. sem. , confect. alchem. drac. j. , laud. opiat. gr. ij. , Syr. Menthæ unc. j. m. Extrà maximè convenit fots ex aceto valdè acri cum castor. , pipere , & Synapi benè calido per spongiam ventriculi regioni applicatus monente Rod. à Fonseca ; immò Jo: Hartmanus extemporaneum prò singultu remedium esse ait thoracis compressionem ; Ex Chirurgia nihil petendum , nisi in casu timoris , ne inflammatio succederet , tunc enim Venæ sectionem instituerem in pede dextro ;

tro ; Fugienda tandèm sunt omnia frigida , acida , flatulenta , acria , & consequentèr vinum , quod nerveis partibus est inimicum ; Prò regula enìe est , vinum in omnibus morbis convulsivis non convenire ; Prò potu , itaquè ordinario inservire poterit Decoct. hord. cùm tantillo Cinnamomi , vel galangæ paratum . Victus ergò sit tenuis , optimi nutrimenti , ac facilis concoctionis . Exercitium confert antè cibum , hilari sit animo , ut completam adipiscatur sanitatem , quàm
à D.O.M. , & nos eidem
nobilissimo Civi ex corde precamur .



CONSULTATIO XV.

De Lienis Obstructione.

AD EXCELLENTISSIMUM DOMINUM
HYACINTHUM AGNELLIUM

Medicum Prestantissimum.

EX his , quæ non minùs elegantèr ,
quàm abundè de mala nobilissimi
Viri valetudine , scripsit Excellentiss.
Medicus assistens , facilè cognovi , præsen-
tem affectionem esse lienis Tumorem , idest
obstructionem pertinacem ; quæ à pluribus
annis ægrum nostrum vexat ; certum enim
est , licèt Lien nullo præditus sit sensu ,
obstructionibus fieri obnoxium , nam quo-
tiescumquè cruor ab arteria derivans in
cellulis splenis ipsius stagnans , amissa sua
fluiditate , debita felicitate per venam
splenicam non reportatur , sed remoratus
distendendo membranosas cellulas , ipsius
visceris molem auget , & continentia invo-
lucra

lucra tenfa reddit , Lienis enim ufus eft fanguinem fubtilizzare , cum autem obftructus eft , hoc munus exercere nequit , undè varia oriuntur incomoda ; optimè fi quidem dicebat Valdfcmidius , humorem obftruentem aliquandiù ibi delitefcen- tem , acquirere naturam fermenti , quod poftèa variorum morborum eft Author . Visis caufis mox Prognofis fequatur , qua- proptèr obfervandum Lienis affectiones femper effe magnificiendas ; ex annofis enim fplenis obftructionibus hydropes pro- venire poffe timendum , maximè quia ob- ftructio hepatis ordinariò antecedit Lienis Obftructionibus , teftè Sapientiff. D. Jo: Baptifta Bianchi Taurin. in hift. hepatic.

Indicationes Medicæ funt tollere tumo- rem , fanguinem volatilizare , coagulatio- nem jam factam attenuare indèque viscus corroborare ; Quæ , ut affequantur ad Chi- rurgiam , Pharmaciam , ac Dietam de- veniendum , & primò ex Chirurgico Fon- te , fanguis mittendus , & à vena brachij finiftri , & ab hemorrhoidibus ope hirudi- num ; Mox ad Pharmaciam vertendo ,

instituat^r levis , & communis purgatio , post quam , usum juris columbini calybeati , & absinthio alterati cum celebri Malpighio proponerem , cui potioni adderem guttas aliquot Spirit. sal. armoniaci , insuper pillulas ex ammoniaco aceto dissoluto confectas ad plures dies propinarem , sicuti antimonium diaphoreticum cum Croco martis aperitivo per longum tempus ; Externè pars affecta inungatur ol. de Capparibus , vel unguento nostro de Brionia , & apponatur Emplastrum de Cicutà , juxta D. Zannicchellum . Circà Dietam demum , victus ratio sit attenuans , panis benè salitus , benè fermentatus , & benè coctus ; intereà infundatur Chalybs , & absinthium in Vino , quò in mensa uti debeat , immò cibaria ipsa condiri poterunt sale absinthij ; Vascula sui Vini parentur ex ligno Tamarisci ; Exercitium commendo , undè Aetius vidisse fatetur aliquos ex solis deambulationibus , & cursibus sanatos ; Alvus lubrica servetur , & hilari , ac fæstivo animo vivat ; Quæ pauca scribebam prò confirmatione eorum , quæ à Doctiss. Viro pro-

po.

posita sunt prò salute nostri nobilissimi Patientis; Faxit Deus, &c.

CONSULTATIO XVI.

De Diarrhœa.

AD EXCELLENTISSIMUM DOMINUM
ANTONIUM MARIAM BONONUM

Medicum Præstantissimum .

MOrbus, qui mihi proponitur est manifestus, & Diarrhœa nuncupatur; est enim in Viro alioquin robusto, æstate media, fræquens alvi dejectio non cruenta, cum siti intensa; Hæc affectio describi potest, quod sit frequens, largior, & diuturna excretio fluidorum serosorum, & biliosorum excrementorum cum utilibus permixtorum magis, vel minùs acrium, cum torminibus; cujus causam existere puto, vitiosam succorum in intestinis effervescentiam, & eorundem particularum acrium

irritationem , undè oritur intestinorum stimulationem ; itaquè pars affecta intestina erunt, & præsertim eorundem glandulæ , atquè fibrillæ ; adiuvantes verò causæ sunt errores in victu commissi , & maximè in nostro ægrotante , qui dulce vinum recens in magna quantitate potavit , commendo etiã Uvam in copia ; undè egregiè Clariss. D. Luc. Tozzi Amicus meus semper recolendus in sua praxi docuit , Diarrhæam ab acribus , acidisque humoribus , dolorem simul, & irritamentum intestinis afferentibus, pendere , quorum humorum vitium pendet à cibis , & potibus corruptis ; Quoad Prognosim , se primo loco sistit Hippocrates in aphorism. , qui ait , quod si in turbationibus alui , quæ spontè fiunt purgentur ea , qualia oportet , conferant , & facile etiã ferrentur , & è contrà ; & tendit ad salutem cùm est mitis , ut in nostro casu ; undè salus citò est speranda , & maximè si mutatio excrementorum in melius vertatur ; Indicationes curativæ sunt educere humores peccantes , eorumquè acrimoniam temperandam , ac corrigendam esse ,

ac intestinorum fibrillas corroborare ; quæ ut assequamur , confugere oportet ad tres ordinarios Practicæ Medicinæ fontes , nempe ad Pharmaciam , Dietam , atquæ Chirurgiam , quibus mediantibus Deo adjuvante salutem restituendum Ægrum nostrum brevè cogito fore ; & quò ad Dietam , Aer primò sit temperatus , cibi sint laudabilis succi , & in pauca quantitate assumantur ; Carnium esus nocet alvi fluxu laborantibus , juxtà Valdschmid. in Monit. Medic. Potus sit Aqua hordei , & Plantag. , & Portulacæ ; Vinum granatorum commendatur à Doleo ; Somnus erit conciliandus. Ex Chirurgia venæ sectio erit sumenda , atquæ in usum ducenda , dùm tamèn Medicus assistens cognoscat , recrementa fermentiscibilia Diarrhœam causantia à sanguine deponi in intestina , febre accedente , sin minùs verò nullum à Chirurgia sperandum auxilium ; Pharmacia tandèm totam remediorum implebit paginam ; cavendum tamèn , nè curam Stypticis inchoemus , sic enim introducuntur , ait Valdschmidius , contumaces viscerum , &

intestinatorum obstructions , quas sequitur hydrops de facili; & Bellonius exemplum exhibuit unius, qui ex cydoniatis in Diarrhœe principio exhibitis, illaquè sic intempestivè suppressa illeon læthale passus fuit; undè tutius erit clysteribus uti ad abstergenda intestina , eaque confortanda , in quibus dissolvatur modicum Diascordij Fracastorij; quò & rahabarbarum in principio ob purgationem assumptum juvabit ; indè mixturam sequentem commendatam à Sylvio de Leboe cochleatim exhibendam præscribere auderem. *℞*. Diascordij Fracast. drac. j. sem., confect. hyacint. drac. j., Syr. myrthin. unc. j. , Aqu. Cinam. unc. sem., Plantag. unc. j. sem. m. Post septimam, sequentes pulveres usurpare bonum erit. *℞*. Terre sigillat. M. D. Antimon. Diaphoret. C.C. usti , Coral. rub pp, Terre Catechù , Sal. absint., & al. hujusmodi; Externè ungatur ventriculi regio ol sequenti. *℞*. Ol mastic., menth. ana unc. sem., cidonior., ros., absint. ana drac. ij. m., vel apponatur Emplastrum de crusta panis, & de palmulis Galeni. Quæ prò salute istius

Viri

Viri nostri Ægrotantis sint satis, quam sanitatem D. O. M. illi elargiri dignetur, ut ex corde precor.

CONSULTATIO XVII.

De Dysenteria.

AD EXCELLENTISSIMUM DOMINUM
HYACINTHUM BELLANIUM

Medicum, & Chirurgum Præstantiss.

Adolescens Ferrarien. ad iram pronus, æstatis tempore, fructibus, ac in specie peponibus nive refrigeratis, usus, cum multa vini gelidi potatione, tandem incidit in alui fluxum cum doloribus ventris; cruenta fit excrementorum materia cum torminibus paulò antè excernendi tempus; Pulsus evadit justo celerior, calor totiùs corporis acris, atquè febrilis, cibi adest fastidium, sitis, anxietas, tenesmus, ac vigiliæ excruciant; Ex quibus

enaratis , non est difficile judicium facere, Adolescentem hunc eo morbo conflictari , qui appellatur Dysenteria , & hæc à Medicis deffinitur Deiectio Alui frequens plus minùs cruenta , ventrem magnis doloribus , & torminibus affligens , & ab intestinorum continua forti irritatione , quandoquè cùm exulceratione juncta , originem trahens ; Subiectum ergo hujus affectus sunt intestina , tàm tenuia , quàm crassa cùm suis glandulis , ac vasis ; Causa immediata sunt, non tantùm vasa varia intestina constituentia ad excretionem irritata , sed , & ipso actu quandoquè corrosa sive ad sanguinis effusionem stimulata , & concitata ; mediatam verò causam constituunt corrosivæ , acres , & acide particulæ humorum circulantium , in intestina depositæ , sive in ipsis intestinis vitio rerum nonnaturalium enatæ , & acres factæ ; & dolores in nostro casu excruciantes dependent à spasmodia fibrarum ipsorum intestinorum , proptereà sanguis , qui excernitur , non ex corrosis vasis derivat , sed exprimitur à ratione ejus irritationis . Febris

bris autem oritur à vitio sanguinis ope particularum acrium, undè ejus mixtio turbatur, & pulsus celerior evadit; cibi fastidium à depravato ventriculi fermento dependet; Quò ad Prognosim, Hippocrates vocat hunc morbum magnum, periculosum, longum, laboriosum, atquè lethalem; si superveniet singultus tunc malum signum erit; cùm verò simus in Adolescente, symptomata sint mitiora, ac vires consistent, spes adest salutis; Indicationes curativæ in nostro casu sunt mitigare acredinem, & eliminare particulas salium acrium, ac partes affectas roborare; Quæ ut assequantur; ad tres Medicinæ practicæ fontes deveniendum est, & primò ad Pharmaciam, ex quâ Rahabarbarum primò ad drac. j. sem. assumatur, ac propinetur cùm Decoctione hordei; multi vomitorium in principio commendant, utpotè quò solo Dysenteriam à principio curabilem existere experimento, casu quodam factò comprobat *Albrecht in not. ad Chirurg. Bontekoe pag. 814.* Pulverem Radicis *Ipechacuanae* summopere commendo, & antea com-

men.

mendavit Clariss., ac Eruditiss. D. Anton. Franc. Bertinus Medicinæ Professor Florentinus omni Scientiarum genere instructus in sua Medic. defensa; & hujus pulveris usu ego hic Ferrariæ curatas vidi plures Dysenterias. Notandum autem cum Sapientiss. D. Jo: Baptista Vulpino Astensi Medicinæ Practicæ maximo lumine, ac omnium virtutum genere ornato in sua Spasmologia elegantè conscripta pag. 18. hanc radicem esse *Assarum Indorum*, quæ in pulverem redacta ad pondus dracmæ unius propinatur cum jusculo, vino, aut conserva rosar., & hæc per vomitum, & alui fluxum primas vias purgat, detergit, emundat, ab excrementis ibi morantibus cum salutis discrimine. Circà astringentia in principio non convenire puto, non enim relaxata, sed irritata sunt intestina; Crystal. mont. pp., Laud. nepen Quercet. C.C. ust. Diascord. Fracastor. Philon. persic., & Stibium Diaphoretic. partitis vicibus, à prudentis Medici Curantis peritia exhibenda, laudo, unà cum clysteribus ex lacte chalybeato, & modico Theriacæ.

Chi.

Chinam Chinæ commendat Illustriss. D. Franciscus Tortus insignis Medicus Mutin. in sua Therap. . Sequentem conservam ad unum cochleare vespere assumendam præscriberem . *Rx.* Conf. ros. antiq. unc. iij, , laud. opiat. gr. vj. , Confec. Alcherm. drac. ij. , Syr. papau. erratic. q. s. f. ellec. S. A. Externè inungatur abdominis regio , ol. Absint. , & rosar. , atquè suprà unctionem imponatur omentum hirci castrati, & hoc tam mane , quàm vespere exerceatur, ac usurpetur ; Quod verò spectat ad Chirurgiam , nihil ab ista desumerem , sic venæ sectio exulet , & non admittatur, nisi in casu metus inflammationis intestinorum , quam Deus avertat ; Tandemquè circa victus rationem nonnulla addere oportet prò consultationis præsentis coronide . Primò igitur advertendum , quòd excrementa qualibet vice sint exportanda à cubiculo , nè ab eorum alitibus foveatur morbus, & semper vas aqua frigida abluatur , & detergatur ; immò postquam in latrinam projectæ sunt fæces , statim aqua paritèr prociatur , ad infringendam excrementorum

ma.

236 *Consult. XVII. De Dysenteria.*

malitiam; sæpè enim contagiosæ fiunt Dysenteriaë; Ciborum parsimoniam commendando, cibiquè sint facilis concoctionis; laudo orizam cum lacte, juscula carnis vervecinæ, ova recentia; Potus sit aq. hord. destillat., vel communis calybeata, addunt nonnulli vinum granatorum; Somnus sistit omnes fluxiones, monente Jo: Forti in Consult. cent. 2., præter tamèn sudorem; concilietur igitur remediis appropriatis, & præsertim emulsionibus sem. pepon., amigd. dulc. rec., & semin. papaveris

albi; Quiete tandèm opus est, nec à cubili surgat, sed in eo egerat; Quæ omnia

D. O. M. præ votis propitia reddat; ut cupio.

★ ★
★

CON.

CONSULTATIO XVIII.

De Doloꝛe Iliaco.

AD EXCELLENTISSIMUM DOMINUM

BORSUM FERRUM

Medicum Præstantissimum.

VIr nobilis ætatis annorum 60. animi candore à Natura donatus , quod hac nostra tempestate rarissimum est , post nimium exercitium sudore madidus , siti- què , oppressus , aquæ glacie nimium infri- gidatæ magnum calicem ebibit , indè ab ejus potu in sublimioribus intestinis dolo- rem sensit acutum ; Domum se confert , vomit sæpè , alvus adstricta erat per qua- tuor dies ; dolor circà umbilicum vehemen- tior evadit , pulsus fit frequens , calor to- tius corporis cùm siti , & vigilia ; tandem per vomitum stercorariam materiam emit- tit ; nunc auxilium petit.

Ex præsentī historia facilè colligitur
Ægro-

Ægrotum nostrum Iliaca affectione detineri, pars enim affecta in hoc morbo, est intestinum ileum, omnium intestinorum longissimum; Dēffinitur hic morbus, quod sit dolor acerbus tenuiorum intestinorum, cū pertinaci alui obstructione, & fēcum per vomitum eiectione molesta; undē Clarissimus A. M. Brasavolus noster, in tota sua Praxi nunquā vidisse ait, ileum absquē vomitu. Causa istius morbi est convulsio intestinorum tenuium, quæ derivat ab humoribus acerbis intrā membranas intestinorum sensu exquisito donatas hærentibus, undē invertitur intestinorum motus, & convulsio excitatur non sinē metu inflammationis. Prognosim quod attinet, hoc malum horrendum omninō est, & periculosum, & præcipuē in casu nostri Patientis sexagenarij. *Galenus* insuper scribit, stercora reiicere exitiale esse signum, si autē inflammatio sit facta, desperatus dicitur æger, teste *Doleo*. Attamen quia in casibus etiā deploratis, suadente *Celso*, melius est anceps experiri remedium, quam nullum; idē curationem tentare non

non incongruum erit ; ad quam rectè peragendam primò erunt observandæ , & diligentèr considerandæ indicationes , quæ in nostro casu , sunt inflammationem tollere , humores acres moderare , atquè expellere , convulsionem sedare , ac tonum naturalem fibris intestinorum restituere , atquè intestina ipsa corroborare ; Ut his igitur satisficiamus , opere pretium erit ad Medicos fontes recurrere , nempe ad Chirurgiam , Pharmaciam , & Dietam ; & quò ad primam , mittendus sanguis à brachio ad pondus unciarum decem , atquè clysteres emollientes sinè sale fiant ; Pharmacia dabit oleum recentem amigdalorum dulcium ad pondus unciarum quatuor assumendum , quod *Petrus Forestus* sumòpere commendat ; *Epiphanius Ferdinandus* Mercurium crudum exhibet ; hoc autèm nonnisi cogente magna necessitate exhiberem , sicuti assumptionem pillularum plumbearum , quod remedii genus approbare videtur *Zacutus Lusitanus* ; Pro sunt etiàm Elyxir proprietatis *Paracelsi* , Sal. Absint. cùm succo Limon. , Laud. opiat.,

opiat. , Emulfiones. 4. femin. frigid. major. cùm Saccaro, & confect. de hyacint., & alchermes; Externè fiat fomentum ventri adhibendum hujusmodi . ℞. Fol. Malvæ, Altheæ, Violar., ana man. j , Flor. camomil. , Meliloti , verbasco. , ana man. semis; Semin. lini , anisor. , anethi ana drac. iij. m. decoq. in aq. com. , vel lacte , & f. S. A. fomentum ; Axungiam Taxi laudat *Dolens* , quâ totum inungatur abdomen . Circâ Dietam verò , victus ratio sit tenuis , sic conveniunt Cremor hordei , juscula caponum , &c. Somnus concilietur ,

& quies; Pauca hæc indicabam ,
 eaque subiiciebam libentèr

prò salute nobilis Pa-

tientis acri judi-

cio Excellen-

tissimi

Domini Cu-

rantis .

CONSULTATIO XIX.

*De Febre Maligna .*AD EXCELLENTISSIMUM DOMINUM
FRANCISCUM ALBINUM*Medicum Prestantissimum.*

Honestus Civis 37. annum agens negotiis multis implicitus, ventri, gulæque nimis indulgens hoc tempore æstivo, post longum iter Domum reversus, conqueritur primò de lassitudine totius corporis, mox cum exiguo horrore decubuit, cui non magnus calor febrilis successit, absquè vomitu, siti, & sinè ullo pravo symptomate; tertia die alvi fluxus apparet, cum pulsu languido: Urina sanorum urinis est similis, attamen adest summa virium prostratio, ut vix è cubili surgere possit, erumpunt maculæ in facie, & in brachiis, modò in sopore jacet, modò delirat; Domestici consilium poscunt.

Q

Eo.

Eodem ferè pacto , quò dantur homines maligni , qui boni specie simulantes alterum ledunt , ità febres aliquæ dantur , quæ placidam , atquè mitem effingunt naturam , & tamèn Patientes perdunt , & febres malignæ dicuntur , qualis est præsens nostrum ægrum infæstans ; ex signis enì pathognomonicis enunciatis in historia , malignam febrem cognoscimus , & præcipuè ex alvi fluxu , nàm Galenus de præſag. ait , perpetuum esse symptoma , fluxum colliquativum febris malignæ essentialis ; sicuti etiàm urinam à naturalibus parùm distare , ait Jo: Fortis , *quidà venenum magis urget quam putredo* , quod idè esset , ac si diceretur , quod causa febris malignæ magis infænſa esset spiritibus , quàm humoribus . Sedes verò hujus morbi est ipsa massa sanguinea non exemptis tùm vitalibus , tùm animalibus spiritibus ; & quia ad felicem morborum curationem instituendam causarum inquisitio est maxime necessaria ; ideò causam istius febris nunc est inquirenda , ut exindè curativæ indicationes habeantur ; Omnes febres malignæ vel à sanguinis coagula-

gulatione, vel ab ejusdem dissolutione dependent, sicquè cogito præsentem febrem à sanguinis nimia dissolutione pendere, quæ concitatur à particulis salinis, scepticis, atquè solventibus, ab istis enim sanguinis pars sulphurea nimium agitur, undè effervescentia, & calor insequitur, & sal volatile acre sanguinis consistentiam naturalem minuit, undè prava oriuntur symptomata, quæ malignitatem sua pernitie ostendunt, ut sunt pulsus languidus, alui fluxio, & virium prostratio; Ad Prognosim quod concernit, quoniam febris maligna est ex classe acutorum, ideò habet locum id, quod Hippocr. scripsit, nempè acutorum morborum incertas esse prædictiones, adeòque febris hæc est timenda; & præstat præsagium suspendere, donec vel naturæ, vel morbi victoriæ indicia certa se obtulerint; advertendum tamèn, quod si superveniat Singultus, & æger flocos carpere incipiat, tunc erit lethale signum; quemadmodum sæpè observavi in praxi facienda spacio triginta annorum. Indicationes curativæ sunt salia solventia tollere,

massam cruoris ad statum naturalem reducere, atque spiritus, tum vitales, tum animales restaurare; Quibus indicationibus, ut satisfaciamus, primò ad Pharmaciam est confugiendum, & Clystere imposito ad alexipharmaca deveniendum ut v.g. ad usum Aq. cord. Saxon., Scorzone-ræ, Mellissæ, & card. Sancti cum pulv. ocul. Cancror. pp., C.C. philos. pp., Marg. pp., & lapid. Bezaar. occident; Profunt etiàm Gelatina C.C., Confect. Alchem., Jul. Gem., Diascord. Fracastorij, Terra sigillata, & Spiritus Vitrioli; cùm Stibio diaphoretico, & nix Ferri, juxtà Præstantifs: Zannicchellium; Ad Chirurgiam quod attinet, friccationes, atque cucurbitulæ levitèr scarificatæ conveniunt, ad sudorem concitandum, & ab intrà ad extrà, idest ad corporis ambitum causam morbi evocandam, sudorem enim laudat Clariss. Antonius Stolfinus Medic. Mantuanus; Quia verò adest alvi fluxus, omittatur Venæ sectio, ait enim Valdesmadius in suis monitis: Præsente Diarrhæa nunquàm V.S. tentandam esse; immò sum in voto
in

in malignis febribus, & potissimum in illis
à sanguinis dissolutione pendentibus san-
guinem mittere nocuum esse, quia salia
corrosiva dominantur, & vires sunt debi-
les, ut quoque docet Præstantiss. D. Joan:
Simbenius in Exercit. . De Vescicatoriis
nihil. Dieta tandem sit tenuis, & juscu-
la carnis pullorum sint alterata cum radi-
ce Scorzonæræ, & C.C. limat., Prò Potu
utatur æger Decocto Scorzonæræ, & Sero
Vacino destillato, nec non Aqua hordei,
modicum vini concedatur tanquam cordia-
le; Somnus, atq. vigilia debitam servant
alternationem; & si vigilia nimia sit, som-
nus arte concilietur ope laud. opiat. gr. ij.
cum conf. violar. q. s. ad conficien-
dum bolum parvum; Excreta
verò, & retenta in statu
naturali sunt conser-
vanda; Quæ ad
Ægroti nostri
salutem di-
cta suffi-
ciant.

CONSULTATIO XX.

De Febre Hectica .

AD EXCELLENTISSIMUM DOMINUM
DOMINIC. ANTON. TRAVINUM

Medicum Eruditissimum .

Nobilissimus Adolescens ætatis annorum 18. ad iram pronus , & facilis ad sudorem , post præcedentes æstivo tempore , multas corporis defatigationes , & præsertim in venatione , incidit in tussim molestant , cui successit Febris tertiana duplex cum valido capitis , dorseq; dolore ; variis ex arte adhibitis remediis die morbi undecima melius se habere incœpit , ast febricula oborta est parva , cùm tussi post cibum , & maximè nocturnis horis ; Somni sunt breves , lotia clara , & feces duriores ; nunc auxilium petit . Ex qua historia , atquè signis apertè colligitur , Ægrum nostrum febri hectica incipiente
la-

laborare ; cujus sedem juxtà veteres, esse partes solidas volunt multi, quia consumptio, & emaciatio in illis solidis, & maxime carnosis partibus evidenter apparet, cum tamen non minus indispositio sanguineæ massæ inhæreat, in qua latex balsamicus deperditur, undè sanguis acrem, & fermentativam indolem acquirit, & hinc Febris hectica oritur. Sic ergo in massa sanguinea, & limpha latere causam hujus affectionis non dubitamus; Causa verò febris hecticæ nil aliud est, quam discrasia sanguinis acris, & inepti ad nutritionem, quatenus caret moleculis balsamicis aptis ad nutriendum, non sinè obstructione vasorum lacteorum in mesenterio, fit autem incalescentia post cibum, quia aliqua pars Chyli vitiosi, tunc sanguini admiscetur; & tussis ad acres particulas refertur; Febris hæc eventum habet dubium, & quando est confirmata, & ut dicunt Doctores, in tertio gradu, tunc est insanabilis: verum quia in nostro Patiente est incipiens, ideò curari faciliter posse affirmo; Quod ut assequatur, ad ordinarios Practicæ Medici-

næ Fontes deveniendum est satisfaciendo indicationibus, quæ sunt, sanguinem edulcurare, aptumquè reddere ad nutritionem, & vasa lactea obstructa referare; Ideò lieta Chirurgia tanquam in nostro casu inutili, ac vana, teste doctissimo Ferrario in suis Respons. ; ad Pharmaciam gradum faciamus; Commendarem ergò usum ocul. Cancr. pp. , Margar. pp. , Antiæctici Poterj, & Gelatinæ C. C. cum Conf. rosar. recent. , cujus tantummodò usu hecticos sanatos referunt Authores qui de Praxi scripsere; Postea ad lac confugiendum Asininum, ad xxx. dies assumendum cum modico saccari fini pulverisati, quavis mane jejuno stomacho ad pondus unciarum septem; Horis autem postmeridianis conveniet Balneum aquæ dulcis; cathartica verò fugienda sunt cane pejus, & angue; Circà Dietam demùm, alimenta sint boni succi, & cruorem edulcurantia, ut juscula caponum, Vituli cum hordeo mundato; Carnes pariter Vituli, Caponis, Testudinis, Cancros fluiat., laudo; Prò potu sit decoctum hordei cum rad. Chi-

Chinæ , & passulis , cùm emulsionibus 4. semin major. frigid. , Animus sit tranquillus , & letus , ex merore enim , & tristitia sæpiùs hæcticam febrem productam se vidisse fatetur Jo: Doleus in sua Encyclopedia Medica lib. 4. cap. 4. , sicquè Deo favente noster adolescens sanitatem recuperabit , ut spero , & ex corde precor .

F I N I S .

I N D E X

Rerum notabilium , tàm in Adversariis, quàm in Consultationibus Medicinalibus .

A

Academia undè dicta. Pag. 127., ejus diversa natura 128., Urbium diversarum 129. , 130., a quo Inventa 187.

Æquinoctii primus observator 148.

Albus color quid significet 57.

Albæ Marinae seminis inventor 147.

Alphabeti Italici incrementa 147.

Amor maniacos efficit Amantes 18. 20.

Analecta quid essent 88., *Servi dicebantur* 88.

Apatistarum Academia 130.

Apoplexia. Ejus causa , & curatio 163.

Aprilis mensis undè dictus 43.

Aquam ponderandi inventor 153.

Aquila dimittebatur ex Rogo defuncti Imperatoris 144.

Ar.

Arcadum Academia 130.

Arifius Franciscus laudatus 104.

Armillarum inventor 147.

Arpiæ fabulose 146.

Asilorum usus , & inventio 148.

Astomatis causa , & curatio 185.

Ater color differt à nigro 52.

Atrocia facta non sunt in scenam inducenda 66.

Aucupii cum Accipitre inventor 147.

Augustus Mensis undè 46.

B

B *Arba virilitatis insigne . Pag. 1. 2. , non est alenda a Clericis 2. , Jovi data 3. , sacra diis 4. , per eam jurare* 97.

Baruffaldus Hieronymus laudatus 100. 136.

Bertinus Anton Franciscus commendatus 234.

Bianchi Jo: Baptista laudatus 225.

Bombardæ inventor 148.

Bombardinus Antonius laudatus 89.

Bombycum usus , & inventio 148.

Bononiensis Academia 129.

Bos est omnium Animalium utilissimus 33.

Buona mano di Natale 81.

C

- C** *Alculi albi, & nigri.* Pag. 53.
Camæleon Planta, & Brutum 140., *an*
ex solo aere vivat 141., *ejus colores* 142.
Capistra erant vincula 114.
Cardialgiæ causa, & curatio 217.
Carminum heroicorum inventor 149.
Castum Cereris jejunium 17.
S. Catharinæ Vigriæ solemnitas festivis lumini-
bus Ferrariæ celebrata 84.
Catasta pro compede servili 115.
Catena vinculum 115.
Cedrinæ Mensæ 61.
Censorum munera varia 94.
Centauri fabulosi 146.
Cephalagia, ejus causa, & curatio 175.
Chartæ inventio 150.
Cborus in fabulis a quo inventus 151. (34.
Christiani veteres Serapidis Idolum metuebant
Christus Barbam gerebat 5.
Cibus quoties sumi debeat in die 21.

Cin-

- Cincinnati apud quos in usu* 6. 7. 11.
Ciniflones quinam 10. 11.
Cirri , & eorum usus 6. 7. 11.
Colores Niger , & Albus quid significant 53.
Comessatio pueris concessa 22.
Compedes vincula 115.
Concordium Academia 130.
Concubendi variis modis inventrix 147.
Consecrationes Imperatorum 143.
Conspicilla an sint idem ac ocularia 12. 13.
Convivia celebriora 30.
Cordis Palpitatio , causa , & curatio 204.
Corona e verbenis 136.
Corte Bartholomæus laudatus 202. (70.
Crescimbeni Jo: Marius cum laude nuncupatus
Crines unde dicti 8.
Crux olim pœna ignominiosa , nunc gloriæ ve-
xillum 119. (49.
Cyatbi tot bibebantur quot literæ in nominibus

D

- D** *Ecember mensis unde dictus* 48.
Decimatio pœna militaris 118.

De-

Deunx poculi genus 49.

Diarrheę causa, & curatio 227.

Diei partes 137.

Dies atri 53. , *albi ibi, festi, & profesti, fasti, & nefasti* 138. 139. *prælianes, atri, & alii* 139.

Dini Franciscus celebratus 69.

Dolor Iliacus, & ejus curatio 237.

Ductuum omenti inventor 148

Ductum salivalium inventor 148.

Dysenterię causa, & curatio 231.

E

E *Lleboro utebatur Zeno. Pag.* 100.

Epidromes erant funiculi 116.

Epigrammatis Italici inventor 152.

Equlei inventor 151.

Exorcismorum inventor 148.

F

- A** *Fabra Aloysius laudatus* Pag. 99.
Fabulæ Pastoralis inventor 151.
Fantonus Jo. laude memoratus 153.
Fasti Kalendares à quo inventi 149.
Fauni fabulosi 146.
Febris malignæ curatio 241.
Februarius mensis undè dictus 42.
Feralia inventa ab Enea 152.
Ferrariensis Academia 130.
Ferrarius Jo. Paulus laudatus 248.
Fibula quid 84. , *ejus significatio varia* 85. ,
tria genera 85. , *Gymnastica* 86.
Fisiocriticorum Academia 130.
Flamini jurare non licebat 94.
Fumus Tabaci damnatus 100.
Furca, & Furcarum varia genera 112.
Furfurariorum Academia 130.
Fustigatio pœna militum 118.

G

G *Aspari Hieronymus laudatus* Pag. 183.
191.

Gelatorum Academia 130.

Genius undè dictus 75, *Natalis Deus*, &
Deus Naturæ ibi, duo habebantur ibi, &
Loci 76.

Glandularum uretræ inventor 113.

Gryphi fabulosi 146.

Gygantes monstra 146.

H

H *Annemanus Joann: Ludovicus laudatus*
Pag. 113.

Hannibal delusus ab Oraculo Serapidis 33.

Harmoniæ inventor 148.

Hæctica Febris, & *ejus cura* 246.

Herba Reginae, seu *Tabacus* 98.

Hieroglyphica Egypt. inventa 151.

Homicida primus Cain 152.

Horæ

- Horæ quodnam tempus sint* 107. , *quot in die antiquitùs* 108. , *Epigramma Martialis circa horas explicatum* 108. 109.
- Horologia quando , & à quo inventa* 110. , *Excitatoria , seu Svegliarini* 111. , *Solaria* 138.
- Hospitalarius primus* 153.
- Hydræ fabulosæ* 146.
- Hymnorum inventor* 149.
- Hypochondriaca Melancolia , ejus causa , & curatio* 190.

I

- J** *Ambicorum inventor . Pag.* 149.
- Januarius mensis undè dictus* 41.
- Jejunium apud quos celebre* 15. , *diversorum specierum* 16.
- Jentare est cibum antè prandium sumere* 23.
- Iliacus dolor , & ejus curatio* 237.
- Inaurium inventor* 151.
- Incognitorum Academia* 130.
- Infæcundorum Academia* 130.
- Insanientes ob amorem* 20. 21.

Intercallandi menses inventor 152.

Intrepidorum Academia 130.

Julius mensis undè 45.

Junius mensis undè 44.

Jupitèr barbatus 3.

Juramentum quid 90. *calumniæ sublatum* 91.
eius variæ formulæ 92. , *Christianorum* , &
Sacerdotum 96. 97. , *per barbam* 4. 6. ,
per Genium Principis 77.

L

L *Ac in mammis Virorum. Pag.* 112.

Lancisus Joannes Maria laudatus 206.

Lara Nympha 77.

Lares erant Dii domestici 77.

Lazuli lapidis primus præparator 148.

Ledelius Samuel laudatus 159.

Lentulæ palustris seminis Inventor 147.

Leonardus Pistoriensis semper jejunabat 18.

Libationes a quo inventæ 150.

Lictores differunt a carnifice 89.

Lienis obstructionis curatio 224.

Locustæ quænam 104. , *An essent veræ Lo-*
custæ

custæ illæ , quas commedebat D. Jo: Baptista 105. , an verò herbæ 106.

Lorum , seu Corrigia 115.

Lucernæ ad fenestras 81. , ob adventum Principis 83. , & alia de causa festiva 83.

Lucimetrum a quo inventum 150.

M

M *Affæus Scipio laudatus. Pag. 72. 73.*

Majus mensis undè dictus 43.

Mancia di Natale 81.

Mangettus Jo: Jacobus laudatus 102. 135.

Mania ejus causa , & curatio 208.

Martellus Petrus Jacobus laudatus 73.

Martis nivis inventor 150.

Martius mensis undè 43.

Medicarum institutionum nova idea 153.

Melancholia hypochondriaca, & ejus curatio 190.

Menjæ cedrinæ 61.

Menses Anni undè dicti 41.

Menses intercalandi inventio 152.

Mercurialis unctionis inventor 149.

Merenda quid sit , & damnata 23. , ab ali-

- quibus pro prandio sumitur* 24.
Meropes Tragædia Marcb. Maffei 72.
Messanensis Academia 130.
Militares pœnæ 116.
Militaris disciplinæ inventor 153.
Minarum bellicarum inuentor 151.
Misticbellus Dominicus laudatus 165.
Molæ aquariæ inventor 150.
Monstra . Vide Portenta .
Morgagnus Jo: Baptista laudatus 153.
Mors scelesti hominis intus accidat in Tragedijs 67. (69.
Muratorius Ludovicus Antonius laudatus 64.
Muscipulæ Inventor 149.

N

- N** *Avigandi idustria quando inventa* Pag. 143.
Nausea 213.
Neapolitana Academia 130.
Nestea celebritas 16.
Nevolus Rabula forensis celeberr. 26.
Niger differt ab atro 52.

Ni-

Nigra dies quænam 58.

Nigrifolus Franciscus Maria cum laude nuncupatus 147. 150. 215.

Notæ musicales à quo inventæ 150.

November Mensis undè dictus 47.

Nudipedalia festa antiq. 121.

Numa Pompil. Vota faciens jejunabat 16.

Numella vinculum 114.

Numismata sacra a quo inventa 151.

O

O *Belyscorum inventor Pag.* 153.

Obstructio lienis 224.

Octavæ Rimæ inventa 149.

October mensis undè dictus 47.

Ocularia a quibus, & quando inventa 12. 153.

Odores . Vide Rosa.

Orationum judicialiũ italicarum inventor 152.

Orbis novus à quo inventus 149.

Organorum musicalium inventor 152.

Otho jurabat per barbam suam 4.

Ovorum in mulieribus inventor 147.

P

- P** *Acchionus Antonius laudatus* Pag. 150.
Palpitatio cordis , & ejus cura 204.
Panagron Rete Piscatorium 114.
Paralysis , & ejus curatio 166.
Parentalium inventor 152.
Pascolus Alexander laudatus 203.
Passar per le Baccbette , pena militare 118.
Patarolus Laurentius laudatus 108.
Patacina Academia 129.
Paulinus Christian. Franciscus laudatus 113.
Pellicanus fabulosus 146.
Penduli horologii inventor 152.
Pericardii Ros cujus inventio sit 153.
Perusina Academia 130.
D. Petri Barba servatur in Gallia 6.
Phœnix fabulosa 146.
Pisana Academia 129.
Pleuritidis causa , & curatio 199.
Pocula diversa 49. , *Fictilia , Electrina , aurea ,*
& pretiosa 50. , *Murina , Vitrea , ex Cra-*
nio humano 51.

Pœne

- Pœnæ militares variæ* 116.
Porca præcidanea 40.
Porcus . Vide Sues.
Portenta quid sint 145.
Presbyterorum juramenta 97.
Proterviam facere 88.
Pudicitia , & ejus dotes 131.
Pueri non coguntur jurare 97.
Pulvis Cyprius 8.
Pumiliones monstra 146.
Purpuræ inventio 152.

Q

Quintilis mensis idem, ac Julius . Pag. 45.

R

Rabulæ forenses Pag. 24.
 Ramazzinus Bernardinus laudatus 158.
 Recuperatorum Academia 130.
 Reticula erant vincula 114.
 Rhytmorum Italicorum inventor 149.

Romana Academia 130.

Romani antiqui fuere sobrii 29.

Rosa, & *de illa quamplura* 153., & *seqq.*

Rotarius Sebastianus laudatus 90.

S

S *Accari lactis inventio* Pag. 150.

Saccari conficiendi inventor 147. 148.

Saccus Pompejus laudatus 222.

Sacrificia nunquam sine sale 124.

Sal apud veteres in usu 123., *in omnibus sacrificiis* 124., *ejus omina* 125., *sterilitatis symbolum* 126., *ideò effusus ad Urbes extirpandas ibi.*

Salernitana Academia 130.

Salinum vas sacrum 124., *ejus omina* 125.

Salvinus Antonius Maria laudatus 100. 155. 156.

Sanguinis sputum, & *ejus curatio* 195.

Satyri fabulosi 146.

Senensis Academia 130.

September mensis unde 46.

Serapis Deus Ægyptius Apis 32., *est Sol*, &
pro

- pro Josepho colebatur* 34.
Sextans poculi genus 49.
Sextilis mensis Augustus 46.
Silentio Rosa dicata 154. 155.
Silvestrius Co: Camillus laudatus 35. 78.
Simbeni Jo: laudatus 245.
Singultus , & ejus curatio 220.
Sirenes fabulosæ 146.
Sobrietas ad vitam conservandam facit 28.
Sol est Serapis 32.
Sphæræ inventio 153.
Sputum Sanguinis , & curatio 195.
Stemmata a quo inventa 149.
Stercorandi agros inventor 152.
Stolfinus Antonius laudatus 244.
Strenæ erant munera 79. 80.
Strenæ Poeticæ 81.
Sub rosa quid significat 154 155.
Svegliarino . Vide Horologia.
Sues in Judea non nascuntur 36. , non nisi
mortui prosunt ibi , non comedebantur 37. ,
in Arabia non viuunt 38. , Veneri macta-
bantur 39.
Syderum cognitio inventa 152.
Sylvani fabulosi 146.

T

T *Abaci inventio , & nomina . Pag. 98. ;
& seqq.*

*Temperantia ad vitæ conservationem
facit 28.*

Teraneus Laurentius laudatus 153.

Terenzonus Jo. Antonius laudatus 194.

Tertia Rima à quo inventa 149.

Tetrametri inventor 153.

Theatri inventor 149.

Ticinensis Academia 129.

Tintinabuli sacri inventor 151.

Togæ inventor 151.

Tondendi ritus varii 119.

Torneamenta à quo inventa 151.

Torti Franciscus laudatus 235.

Tozzi Lucas laudatus 211. 217. 221. 228.

*Tragædia quid 64. debet impleri ærumnis 65:
quænam sit vitanda 66., quomodo apta ad
movendam pietatem 68., non debet esse sim-
plex , sed implexa 70. , an melior sit læti,
vel mæsti finis 70. 71. , ejus partes 72., an
me-*

metro ligata vel soluta oratione 75.

Triens poculi genus 49

Trinitatis mysterium a Serapide assertum 35.

Tritones fabulosi 146.

Tubarum sonitus terminus convivii 60.

Turcæ non habent Academias 128.

*A Turre Philippus Episc. Adrien. cum laude
nuncupatus 33. 75.*

Tussis ejus causa , & curatio 180.

Typographia a quo inventa 150.

V

V *Vallisnerius Antonius laude cumulatus .
Pag. 140. 147. 150.*

Valsalva Antonius Maria laudatus 147

Valvularum in Vasis lymph. inventor 149.

*Vasa lymphatica per cerebrum producta inven-
ta 150.*

Venas secandi inventor 152.

Ventilabrum ad abigendas muscas 144.

Verbena herba quot dotes habeat 134.

Vermium systemma novum 150.

Vertigo , & ejus curatio 170.

Ve-

Vestalium institutor 152.

Vincula antiquorum 114.

Vita hominis in quinque ætates partitur 74.

Ultramarini coloris præparator 148.

Vomitus curatio 213.

Uretræ glandularum inventor 153.

Vulpinus Jo: Baptista laudatus 234.

X

X *Enarcus Rhodius quare dictus Metretes.*
Pag. 31.

Xenia pro strenis sumpta 80.

Xerxes amore Platani captus 18.

Z

Z *Anniccbellus Jo: Hieronymus laudatus.*
Pag. 150. 193. 226. 244.

Zeni D. Petr. Cat. laudatus 127.

Zeno elleboro utebatur per nares 100.

Zenus Apostolus commendatus 41.

Zifferarum inventor 151.

Zonæ sonoræ a quo inventæ 147.

Errata.

Corrige.

Pag.	3	l.	8	Prefat: <i>deliberare</i>	<i>delibare</i>
Pag.	6	l.	21	impulerunt	impulisse
	69		6	illud	illum
	20		8	<i>levadii</i>	<i>leucadii</i>
	34		25	Platone	Plutone
	191		14	sensum	sensuum
	228		7	comendo	comedendo

